

Uruunu ambaijana ki Yesu Krisi ta Matai ibeede

Yesu uunu bizin
(Lu 3:23-38)

1 ¹Ingi ro pakaana ti iso pa Yesu Krisi uunu ta ipet pa i. Imbot ta kembei: Ni popojana ki king Dabit, mi Dabit ni popojana ki Abaraam.^a

²Ipet ta Abaraam mi iparto ma imar se ki Dabit, ta zan tis: Abaraam, ni ipeebe Isak, Isak ipeebe Yakop, Yakop ipeebe Yuda mi zin toŋmatiziŋ kini,^b ³Yuda ziru Tamar lutun bizin ru, ta Peres mi Sera. To Peres lutuunu Ezron, mi Ezron lutuunu Ram.^c ⁴Ram lutuunu Aminadap, mi Aminadap lutuunu Nason. To Nason lutuunu Salmon. ⁵Mi Salmon ziru kusiini Reap lutun ta Boas na. Boas iwoolo Rut, to tipeebe Obet. Obet lutuunu Yesi. ⁶Mi Yesi tingi, ta lutuunu king Dabit. Dabit iwoolo Uraia kusiini, mi tipeebe Salumo.^d

⁷Mi Salumo lutuunu Reobeam, to Reobeam lutuunu Abia, mi Abia lutuunu Asa. ⁸Asa lutuunu Yosapat, Yosapat lutuunu Yoram, to Yoram lutuunu Usia, ⁹Usia lutuunu Yotam, Yotam lutuunu Aas, to Aas lutuunu Esekia. ¹⁰Esekia lutuunu Manase. Manase lutuunu Amon, to Amon lutuunu Yosia. ¹¹Mi Yosia lutuunu bizin ta Yekonia mi tiziini bizin pakan. Indeeŋe mazwaana tina na, zin Babilon timar ma tireege zin kar kizin Israel, mi tikam zin ma tila timbot Babilon.^e

¹²Tila ma timbotmbot Babilon mi timiili, to Yekonia ipeebe Sealtiel. Mi Sealtiel lutuunu Zerubabel. ¹³Zerubabel lutuunu Abiut, Abiut lutuunu Eliakim, mi Eliakim lutuunu Azor. ¹⁴Azor lutuunu Sadok, Sadok lutuunu Akim, mi Akim lutuunu Eliut. ¹⁵Mi Eliut lutuunu Eleasar, to Eleasar lutuunu Mattan, mi Mattan lutuunu Yakop. ¹⁶Yakop lutuunu Yosep, ta iwoolo Maria na. Mi Maria tingi, ta ipeebe Yesu ta tipaati be Krisi na.

^a 1:1 Un 22:18 ^b 1:2 Un 21:3, 25:24+ ^c 1:3 Un 38:27+; Rut 4:18+ ^d 1:6 2Sam 12:24
^e 1:11 2Kin 24:14+

¹⁷Tana Abaraam popoŋana kini ta timar ma timiili su Dabit, ina pikin tiparpekel taman bizin pa laamuru mi paŋ. To indeeŋe Dabit mi ila ma imiili ta zin Israel tisula Babilon na, ina pikin tiparpekel taman bizin pa laamuru mi paŋ. Mi indeeŋe ta zin Israel timiili mini pa Babilon, mi ila ipet ta Kisi naana ipeebe pa i, ina pikin tiparpekel taman bizin pa laamuru mi paŋ tomini.

Aŋela isotaara Yosep pa pepe ki Yesu

(Lu 2:1-7)

¹⁸Yesu Kisi pepe kini ipet ta kembei. Naana Maria, ni tiroogi pa Yosep be ziru tiwoolo. Ziru tiparlup zin zen, mi tikilaala kembei Maria ni kopoono. Mi mbulu tana ipet pa Bubūjana Potomjana mburaana tau.^f ¹⁹Yosep, ni tomtom ndeeŋeŋana, tana leleene be ikam Maria ka sua ma ipet mat pepe. Kokena ipamiaŋi ila iwal biibi matan. Tana leleene iurur be ikam ki keŋana mi izemi ma imborene. ²⁰Ikamam ŋgar ma imbotmbot, mi molo som na, Anutu aŋela kini ta ipet kini pa miuŋana mi iso: “Yosep, nu popoŋana ki Dabit, lelem iwe ru pepe. Kam Maria ma iwe kusim. Pa pikin ta ni kopoono pini na, iŋga Bubūjana Potomjana ta iuri. ²¹Kaimer, pikin tiŋga isu, nako tomooto. Kozo paata zaana be Yesu.^g Pa ni ta ko ikamke zin wal kini pa sanaana kizin.”^h

²²Mbulu boozomen tiŋgi, ina ikam ma sua ta mungu Anutu kwoono iso na iur ŋonoono. Sua ta kembei:

²³Kere. Moori metet tasa kola kopoono mi ipeebe pikin tomooto.

Mi ko tipaata zaana be Imanuel.^{i j}

²⁴Tana Yosep ikeene ma imanga, to ito sua ta Merere aŋela kini iur pini na, mi ikam Maria ma ila ruumu kini. ²⁵Tamen igarau Maria som, ma ila indeeŋe ni ipeebe pikin tomooto ma isu. Mi Yosep ipaata zaana be Yesu.^k

Zin ŋgarŋan ki zoŋ uunu timar tire Yesu

2 ¹Indeeŋe king Erot ikamam peeze pizin Israel na, Maria ipeebe Yesu su kar Betelem ta ki Yudea na. Kaimer mana wal pakan ta tikamam ŋgar pizin pitik na, tiwwa ma timar tipet Yerusalem. Kar kizin imbot lele molo ta zoŋ uunu a. ²Timar to tiwi ma tiso: “King kizin Yuda ta buri naana ipeebe i, ni imbot swoi? Pa niam amre ka pitik taa zoŋ uunu a, ta iŋgi amar be amlek kumbuyam pini mi ampakuri.”^l

³King Erot ileŋ sua ti ma ziŋan iwal biibi ki Yerusalem timorsop pa mi tikam ŋgar boozo. ⁴Tana zin bibip kizin patoronjana kan mi zin ŋgarŋan

^f **1:18** Lu 1:35 ^g **1:21** Zaana ‘Yesu’ ka uunu ta kembei: ‘Anutu ikamke.’ ^h **1:21** Lu 1:31, 2:21; Yo 1:29; Ŋgo 4:12 ⁱ **1:23** Zaana ti ka uunu ta kembei: ‘Anutu, ni itiŋan tombotmbot.’
^j **1:23** Yesa 7:14 ^k **1:25** Lu 2:7,21 ^l **2:2** Nam 24:17

ki tutu na, Erot iyo zin ta boozomen ma tilup zin, to iwi zin. Iso: “Lak, Mesia ko naana ipeebi su so kar i?” ⁵Mi zin tiso: “Ko isu kar Betelem ta imbot lele pakaana ki Yudea ti. Pa mungu Anutu kwoono ta, iso ta kembei:

⁶ Kar Betelem ta imbot toono ki Yudea na, nu kar sorokjom som.

Zom ko ilip pa kar bibip ta boozomen ki Yudea.

Paso, nu ko piyooto tomtom biibi tasa.

Mi ni ta ko ikam peeze pizin wal tio Israel mi imboro zin.”^m

⁷Tana Erot iboobo zin wal zoŋ uunu kan ki keŋana ma tila kini, mi ziŋan tilup zin, mi iwi zin pa mazwaana iŋgoi kat ta tire pitik tana ipet.

⁸To iŋgo zin ma tila pa kar Betelem, mi iso pizin ta kembei. Iso: “Kala kuru pikin tina ma sombe kendeenŋi, tona kimiili ma kamar mi kosotaara yo. Naso nio tomini aŋla ma aŋre i, mi aŋlek kumbuŋ pini.”

⁹⁻¹⁰ Erot isotaara zin zoŋ uunu kan makin, to tizemi mi tila. Mi pitik ta tire i su zoŋ uunu na, iyaara ma imuungu pizin, mi iso zin pa zaala. Zin tire ma menmeen zin biibi kat, mi tito i ma tila. Pitik ila ma imbot sala ruumu ta pikin imbotmbot pa na, ¹¹to zin tilela na tindeenŋe pikin ziru naana Maria, mi tilek kumbun pini mi tipakuri. To tikaaga pelpeelee kizin mi tiweene koronŋ ndabokbokŋan pakan ta kadon bibip i, mi tipakuri pa. Tikam pat gol, mi koronŋ ambaimbaiŋan mi kuzinŋan ma tikam pini.”

¹² Mi Anutu ipet kizin pa miuŋana mi isope zin be timiili ma tila ki king Erot mini pepe. Tana tito zaala toro mi timiili ma tila pa lele kizin.

Yosep bizin tiko ma tisula pa Aikuptu

¹³ Zin zoŋ uunu kan timanga ma tila mi molo som na, Anutu iŋgo aŋela kini ta ma ila ipet ki Yosep pa miuŋana, mi iso pini ta kembei. Iso: “Iŋgi Erot leleene iurur be iru pikin be ipuni ma imeete. Tana manga, kam pikin ziru naana, mi koko ma kusula pa Aikuptu. Kala kombotmbot tina ma irao aŋso piom mini, to kimiili ma kese.”

¹⁴ Tana Yosep imanga pa mbeŋ, to ikam pikin ziru naana, mi tiko ma tisula Aikuptu. ¹⁵ Mi timbotmbot tana ma irao Erot imeete.

Tabe sua ki Anutu kwoono ta iur ŋonoono. Sua ta kembei:

Lutuŋ imbotmbot su Aikuptu, mi aŋboobi ma imiili ma ise.”^o

Erot ipun zin pikin ki kar Betelem

¹⁶ Yosep ikam pikin ziru naana ma tisula Aikuptu, mi Erot inaama zin zoŋ uunu kan ma som, to ikilaala kembei zin tipakaami. Tabe ikam ma keteene ibeleu kat. To mataana ila pa sua ta zin zoŋ uunu kan tiso pa mazwaana ta pitik ipet pizin pa na. Tana iŋgo zin malmal kan ma tila kar Betelem mi kar pakan ta timbot kolouŋana na. Tila tipet na, tipun pikin

^m 2:6 Mika 5:2; Yo 7:42 ⁿ 2:11 Mbo 72:10+; Yesa 60:6 ^o 2:15 Kam 4:22; Hos 11:1

tomooto ta boozomen ta kan ndaama rurunga mi isu. ¹⁷Tabe sua ki Anutu kwoono Yeremia iur nonoono. Sua ta kembei:

¹⁸ Tinjiizi biibi ko isu kar Rama^p ma isaana kat.

Rael ko itanj ma iyeryer pa lutuunu bizin.

Pa tipun zin ma timetmeete lup.

Tana tikam be tipotor leleene, tamen tirao som.^q

Yosep bizin tizem Aikuptu mi timiili

¹⁹Yosep bizin timbotmbot Aikuptu ma kaimer Erot imeete. To Anutu aŋela kini ta ila ipet ki Yosep pa miungana isu Aikuptu, ²⁰mi iso pini. Iso: “Manga ma kam pikin ziru naana mi kimiili ma kala pa Israel. Pa wal ta timbuuru pa pikin taingi, ta timetmeete kek.”^r

²¹Tana Yosep imanga na, ikam pikin ziru naana, mi timiili ma tila pa Israel mini. ²²Tamen Yosep ileŋ kembei Erot lutuunu Arkelaus ikam tamaana muriini ma iwe king pa Yudea, tana imoto kana, mi leleene be ila pa Yudea mini som. Mi Anutu ipet kini pa miungana, mi iso pini be tisula pa lele pakaana ki Galilea. ²³Tana tila mi titu su kar Nasaret. Tabe sua ki Anutu kwoono bizin iur nonoono. Sua ta kembei:

Ni ko tipaati be tomtom ki Nasaret.^s

Yoan, tomtom ki yok kamjana isoyaara sua ki Anutu

(Mk 1:1-8; Lu 3:1-18; Yo 1:19-28)

3 ¹Kaimer mana Yoan, tomtom ki yok kamjana imanga pa uraata kini, mi ila lele bilimjana ki Yudea mi izzoyaryaara Anutu sua kini pizin tomtom. ²Ni ikamam sua pizin ta kembei: “Kotooro leleyom! Pa molo som to peeze ki kar saamba ipet mat.”^t ³Yoan tina, mungu Anutu kwoono Yesa iso ka sua ta kembei:

Kaljaana ta, iboboobo su lele bilimjana ma iso ta kembei:

Kuurpe zaala pa Merere!

Kapazal zaala pini.”

⁴Yoan, ni izebzeebi pa mburu ta tiurpe pa kamel rumuunu na, mi ipezekat lwoono pa pus ta tiurpe pa mbili kuliini. Mi siizi ta iwe ka kini, mi bigil suruunu ta iwe ka yok.^v ⁵Mi wal ta boozomen ki Yerusalem, ziŋan kar boozomen ki Yudea mi lele pakaana ta igarau yok Yordan na, timapmap ma tilala kini. ⁶Mi tizzwe sanaana kizin ilala kini, mi ni ikamam yok pizin isu yok Yordan.”^w

^p 2:18 Kar Rama igarau kar Betelem. ^q 2:18 Un 35:19; Yer 31:15 ^r 2:20 Kam 4:19

^s 2:23 Lu 2:39; Yo 1:46 ^t 3:2 Mt 4:17; Ŋgo 2:38 ^u 3:3 Yesa 40:3 ^v 3:4 2Kin 1:8

^w 3:6 Ŋgo 22:16

⁷Yoan ire zin tutu kan mi sadusi boozomen timar tomini be ikam yok pizin, mi iso la matan ma iso: “Niom tina sananjoyom kat kembei mooto sananjanana lutuunu bizin! Lak, asij iso yom, ta kamar ti be koko pa Anutu kete malmaljanana kini?^x ⁸Kozobe kotooro kat leleyom, so kipiyooto ka mbulu ambaimbaijan pakan. Mi ingi som.^y ⁹Niom koso Abaraam poponjana kini ta niom. Ambai. Mi kapase pa koronj tana pepe. Pa nio anso kat piom: Anutu, ni irao iso pizin pat tingi mi timanja ma tiwe Abaraam poponjana kini.^z ¹⁰Mi kere. Ke boozomen ta tipiyotyooto nonon ambaimbaijan som na, ingi be nakabasi ikan zin ma tisu len lup be tisala you.^a

¹¹Niom wal ta so kotooro leleyom, na nio anjam yok piom. Mi ni tabe imar kaimer pio i, nako ikam Bubunana Potomjanana isalakaala yom raama you. Nio agre itun kembei anrao pini risa som kat. Uraata sorokjanana kembei kumbu keteene piejana, ina tomini, irao anjam pini na som. Pa ni mburaana ilip kat pio.^b ¹²Mi koronj imbot la namaana keteene kek be ipeleele kini. Ambaimbaijan ko izulla kiri mi ikam ma ila ruumu kini. Mi sananjan ramaki musmuuzu, nako ni itun pa you ta irao imap na som.”^c

Yoan ikam yok pa Yesu

(Mk 1:9-11; Lu 3:21-22)

¹³Indeeje mazwaana tana, Yesu izem Galilea mi ipa ma ila ipet yok Yordan bekenya Yoan ikam yok pini. ¹⁴Tamen Yoan ipeteke i ma iso: “E-e, mar tio pepe. Bela nu kam yok pio, to ambai.”

¹⁵Yesu ipekel kwoono ma iso: “Soom. Iti takam ta kembei, to ambai. Pa iti bela toto mbulu ndeejejan ta boozomen ma imap.” Tana Yoan ileji, mi ikam yok pini. ¹⁶To Yesu izem yok mi ise. Indeeje tana ire saamba ikaaga, mi Anutu Bubunana isu kembei mbalmbal, mi imbot sala gwaana.^d ¹⁷To tilej kaljaana ta imbot saamba mi isu ma iso ta kembei. Iso: “Tomtom tana, ina nio Lutun nonoono. Nio lelej ambai pini mi lelej pini ilip.”^e

Sadan itoombo Yesu

(Mk 1:12-13; Lu 4:1-13)

4 ¹To Bubunana ipangutnguutu Yesu ma ila pa lele bilimjanana be Tomtom Sanaana itoombi.^f ²Yesu ikan kini som ma irao aigule tomtooru, mi peteli ma isaana kat.^g ³To Watiiji ipet kini mi iso: “Lak,

^x 3:7 Mt 12:34, 23:33 ^y 3:8 Mt 7:16; Ijgo 26:20 ^z 3:9 Yo 8:33,39; Ro 2:28+; Ga 3:7

^a 3:10 Mt 7:17+; Lu 13:6+; Yo 15:2,6; Ro 11:17+ ^b 3:11 Yo 1:26+; Ijgo 1:5, 19:4

^c 3:12 Mt 13:30 ^d 3:16 Yo 1:32 ^e 3:17 Mbo 2:7; Yesa 42:1; Mt 12:18, 17:5 ^f 4:1 Ibr 2:18, 4:15 ^g 4:2 Kam 34:28

nu sombe Anutu Lutuunu, na kena ur sua pizin pat ti bekena tiwe kom kini ma kan.” ⁴Tamen Yesu ipekel kwoono ma iso: “Sua ki Anutu imbot pataaŋa kek ta kembei:

Kini men ko irao ikis tomtom sa ma imbot ndabok na som.

Sua boozomen ta ipet pa Anutu kwoono ta ikam tomtom ma imbot ambai.”^h

⁵To Tomtom Sanaana ikami ma tila pa kar potomŋana Yerusalem, mi tisala Urum Merere uteene. ⁶To iso lae pa Yesu ma iso: “Sombe nu Anutu Lutuunu, na mbot ti mi lu uma sula. Pa sua imbot pataaŋa kek ta kembei:

Ni ko iur sua pizin aŋela kini be timboro u mi matan pu.

Mi zin ko tisiibu,

kokena punu se pat.”ⁱ

⁷Mi Yesu ipekel kwoono ma iso: “Tamen sua lwoono toro iso ta kembei:

Nu irao toombo sorok Merere Anutu ku mburaana pepe.”^j

⁸Tona Tomtom Sanaana ikami mini ma tisala pa abal biibi uteene, mi iso i pa lele mi toono ta boozomen, ramaki koronj ndabokbokŋan mi zangŋan matakiaŋa ta munŋaana men. To iso pini. Iso: ⁹“Lak, nu sombe lek kumbum pio mi pakur yo, inako aŋkam koronj ta boozomen taingŋi ma imap iwe lem.” ¹⁰Tamen Yesu iseri ma iso: “Sadan, la lem! Pa sua ki Anutu imbot pataaŋa kek ta kembei:

Lek kumbum pa Merere Anutu ku,

mi mbeeze pa ni itutamen.”^k

¹¹Tana Tomtom Sanaana izemi mi ila, mi aŋela pakan timar tipet ki Yesu mi tiuuli.^l

Yesu imangŋa pa uraata kini isu Galilea

(Mk 1:14-15; Lu 4:14-15)

¹²Indeeŋe ta Yesu ileŋ Yoan uruunu kembei tiuri lela ruumu sanaana na, imiili ma ila pa lele pakaana ki Galilea.^m ¹³Mi ila ma itu su kar Nasaret mini som. Ila itu su kar Kapenaum ta imbot tai Galilea ka peende na. Kar tana imbot se toono pakaana ki Israel un bizin ru, Zebulon mi Naptali.ⁿ ¹⁴Tabe sua ta munŋu Anutu kwoono Yesaya iso na, iur ŋonoono. Sua ta kembei:

¹⁵⁻¹⁶Niom wal ta kombot pa toono pakaana ki Zebulon mi Naptali, mi kagarau zaala biibi ta isula pa tai na, mi niom wal ta kombot la yok Yordan pakaana ta zonj izze pa i, keleŋ sua ti.^o

^h 4:4 Lo 8:3; Yesa 55:1-2 ⁱ 4:6 Mbo 91:11+ ^j 4:7 Lo 6:16 ^k 4:10 Lo 6:13; Mt 16:23

^l 4:11 Ibr 1:14 ^m 4:12 Lu 3:19+ ⁿ 4:13 Yo 2:12 ^o 4:15-16 Yesa 9:1,2

Niom Galilea koyom ta kombot raama zin wal ta Yuda somŋan i,
iŋgi sua tiŋgi ima piom tau.

Zin wal tau timbotmbot la zugut lene, ta tire azuŋka biibi.
Mi zin wal tau timbotmbot la zaala ki meeterŋana mi zugut izukkaala zin,
ta zoŋ mataana pok ma ise mi iur mat pizin.^p

¹⁷Indeeŋe mazwaana tana na, Yesu imanŋa pa uraata kini be isoyaara
sua ki Anutu pizin tomtom. Ni ikamam sua pizin ta kembei. Iso: “Kotooro
leleyom! Pa nol tabe peeze ki kar saamba ipet mat, ta igarau kek.”^q

Yesu iboobo nanŋan paŋ
(Mk 1:16-20; Lu 5:1-11)

¹⁸Aigule ta na, Yesu ipiyalyaala pa tai Galilea ka peende ma ila, mi ire
toŋmatizij ru, Simon (ni tipaata zaana toro be Petrus) mi tiziini Andreas. Ziru
tiwaswaaza ma timbotmbot. Pa ziru na, tomtom ki tikamam ye. ¹⁹To iso pizin
ma iso: “Ai, niomru tina, kamar koto yo. Nio ko anpaute yom be kakam zin
tomtom.”^r ²⁰To loŋa men mi tizem pu kizin ma imbot, mi tito i ma ziŋan tila.^s

²¹Tiwwa ma tilae ri, to Yesu mataana ila na, ire Zebedi lutuunu bizin
ru, Yems ziru Yoan. Ziŋan taman timbotmbot sala woŋgo mi tiurpewe
pu kizin. Mi Yesu iso la pizin, ²²to loŋa men mi tizem taman raama
woŋgo kizin ma imbot, mi timar ma tito Yesu ma ziŋan tila.

Yesu isoyaara sua pizin tomtom mi iziiri mete pizin
(Lu 6:17-19)

²³Tona Yesu imanŋa mi iwwa pa lele ta boozomen ki Galilea, mi ikamam
sua lela lupŋana murin kizin. Mi izzoyaryaara uruunu ambaiŋana pa peeze ki
kar saamba, mi izzo zin tomtom pa, mi izirziiri mete matakija ta boozomen
pizin tomini.^t ²⁴Tabe uruunu irak ma irao lele ta boozomen, mi ila ipet lele
pakaana ki Siria tomini. Mi tiyo zin metenŋan kizin ta munŋaana men ma timar
kini, mi ni iurpe zin ma nin ambai. Zin ta yoyouŋana biibi ikam zin, mi zin ta
bubuŋana sananŋan tizeebe zin ma tigadgaada, zin ta tikadat ma titoptop, zin
narapeŋan, mi zin kaamanŋan. ²⁵Tabe iwal biibi ki Galilea mi iwal biibi ki lele
pakaana ki Dekapolis, mi zin Yerusalem kan, mi zin Yudea kan, mi kar pakan
ta timbot yok Yordan pakaana ta zoŋ ize pa i, timokor la kini mi tito i.

Yesu ikam mos pa Anutu sua kini sala abal ta

5 ¹Yesu ire zin iwal biibi tito i, tana ikam zin nanŋan kini ma tisala pa
abal. To mbuleene isu, ²mi ikam sua pizin ta kembei:

^p 4:15-16 Yesa 9:1, 42:7; Lu 1:79 ^q 4:17 Mt 3:2 ^r 4:19 Mt 13:47 ^s 4:20 Mt 19:27

^t 4:23 Mt 9:35; Mk 1:39; Iŋgo 10:38

Kar saamba ka tomtom bizin, pareijan?

(Lu 6:20-23)

- 3 “Zin wal ta so tikilaala zitun kembei tirao pa Anutu mataana som,
na lenen ambai pa kampejana ki Anutu tabe ise kizin i.
Pa timbot lela peeze ki kar saamba kek.”^u
- 4 Mi zin ta lenen ipata na, lenen ambai pa kampejana ki Anutu tabe
ise kizin i.
Pa ni ko ipotor lenen mi ipombol zin.”
- 5 Mi zin ta tikototo zitun na, lenen ambai pa kampejana ki Anutu tabe
ise kizin i.
Pa zin ta ko tikam toono ramaki koroj ta boozomen ta Anutu imbuk
sua pa na.”^w
- 6 Mi zin ta tikam kinkiini pa mbulu ndeejana na, lenen ambai pa
kampejana ki Anutu tabe ise kizin i.
Pa koroj ta lenen pa, ta Anutu ko ikam pizin ma tirao.”^x
- 7 Mi zin ta timujaijai zin tomtom na, lenen ambai pa kampejana ki
Anutu tabe ise kizin i.
Pa zin tomini Anutu ko imujai zin.”^y
- 8 Mi zin ta lenen ngeezenan na, lenen ambai pa kampejana ki Anutu
tabe ise kizin i.
Pa zin ta ko tire i.”^z
- 9 Mi zin ta tikamam uraata be tilup zin tomtom lenen ma iwe tamen
na, lenen ambai pa kampejana ki Anutu tabe ise kizin i.
Pa ni ko ipaata zin be lutuunu bizin.”^a
- 10 Mi zin ta titoto mbulu ndeejana ki Anutu mi tomtom tiseeze matan
pa uunu tana na, lenen ambai pa kampejana ki Anutu tabe ise kizin i.
Pa timbot lela peeze ki kar saamba kek.”^b
- 11 “Mi niom ta tipasomsom zoyom, mi tiseeze motoyom, mi
tipasansaana sorok uruyom pa uunu ta kototo yo na, leleyom ambai pa
kampejana ki Anutu tabe ise tiom i.”^c 12 Leleyom ambai kat mi menmeen

^u 5:3 Mbo 40:17; Yesa 57:15; Yems 2:5 ^v 5:4 Yesa 61:2+; Yo 16:20; Tur 7:17

^w 5:5 Mbo 37:11 ^x 5:6 Yesa 55:1+; Yo 6:35 ^y 5:7 Mbo 41:1; Yems 2:13

^z 5:8 Mbo 24:3+; 1Yo 3:2+; Tur 22:4 ^a 5:9 Ro 12:18; Yems 3:18 ^b 5:10 Ibr 12:4; 1Pe 3:14

^c 5:11 Mt 10:22; Yo 15:21; 1Pe 4:14

yom biibi. Pa mbulu tana popoꝯana som. Ina raraate kembei ta mungu tikamam pa Anutu kwoono bizin na. Tana kadoono tiom biibi ta imbotmbot saamba mi izza yom a.^d

Sua pa tai mi kai

(Mk 4:21, 9:50; Lu 8:16, 14:34-35)

¹³Mi Yesu iso mini ma iso: “Niom ta kewe kembei ta tai, mi kombot la tomtom mazwan. Tamen sombe tai isaana ma mburaana imap, nako tuurpe mini be parei? Som. Tai ta kembena na, ka uraata sa mini som. Tana ko tipiri ma ila ne, mi tomtom tipadaaga.

¹⁴Mi niom ta kewe kembei ta kai be kuur mat pa toono ti. Iti tuute: Kar ta so imbot sala lele mbukuunu, inako irao ike na som. Pa imbot malaꝯ keteene kek.^e ¹⁵Mi parei, sombe tutun lam sa, ko tukutunkaala pa timbiiri? Som. Iti tuurur se kor. Naso iur mat pizin tomtom boozomen ta timbot ruumu leleene na.^f ¹⁶Mi niom ta kembena. Kawatkaala urlaꝯana tiom pepe. Keswe ma imbot mat. Naso tomtom tire mbulu tiom ambaiꝯana, mi tipakur Tomoyom Anutu ta imbotmbot saamba a.”^g

Tutu ka sua

¹⁷Yesu iso mini: “Kokena leleyom iur sorok ma kosombe nio aꝯmar be aꝯziiri tutu ki Mose mi sua kizin Anutu kwoono bizin. Na na som. Nio aꝯmar be aꝯpiyooto ka ꝯonoono ma ipet.^h ¹⁸Nio aꝯso kat piom. Saamba mi toono ko timap. Tamen tutu ka bude kimbiꝯana risa ko irao ila lene na som. Som kat. Ko imbotmbot men ta kembei ma irao sua ta boozomen iur ꝯonoono.ⁱ ¹⁹Tana tomtom sa isombe izem tutu kimbiꝯana risa, mi ipaute zin tomtom pakan be tikam ta kembei, nako tire i kembei ni za somꝯana mi ikemer kat pizin wal boozomen ta timbot kar saamba. Mi tomtom ta so ito kat tutu ta boozomen mi ipaute zin tomtom pa, inako tire i kembei ni zaana biibi isu kar saamba.”^j

²⁰Pa nio aꝯso kat piom: Sombe kewe tomtom ndeeꝯeꝯoyom pa Anutu mataana som, inako irao kelela kar saamba som. Bela kewe ndeeꝯeꝯoyom kat ma kilip pizin tutu kan mi zin ꝯgaꝯan ki tutu, tona kelela.”^k

Tuur koi pizin tomtom pepe

²¹To Yesu iso pizin mini ta kembei: “Sua ta mungu Anutu iso pa tumbundu bizin mi niom tomini keleꝯ kek, ina ta kembei: ‘Pun tomtom ma imeete pepe.’ Pa tomtom ta so ikam ta kembei, inako imender pa ka sua mi ikam ka kadoono.^l ²²Mi nio na, aꝯso piom ta kembei: Tomtom sa isombe iur koi pa tomtom toro

^d 5:12 2Sto 36:16; 1ꝯgo 7:52; 1br 11:32+ ^e 5:14 Yo 8:12; 2Kor 4:6; Ep 5:8 ^f 5:15 Lu 11:33

^g 5:16 Ep 5:8+; Pil 2:15+; 1Pe 2:12 ^h 5:17 Lu 24:44; Ro 3:31 ⁱ 5:18 Lu 16:17, 21:33

^j 5:19 Yems 2:10 ^k 5:20 Mt 23:3; Lu 18:14 ^l 5:21 Kam 20:13; Lo 5:17

sa, na ni tomini ko imender pa ka sua mi ikam ka kadoono. Mi sombe tomtom sa ipiri sua repiilijana pa tomtom toro sa, inako tipamenderi la zin peeze kan matan be tingal mataana. Mi sombe tomtom sa kwoono ipasom kat tomtom toro sa, mi iso ni ikankaana kat mi iute Anutu risa som, nako ikam ka kadoono mi ila lene you ki kar sanaana.^m

²³“Tana nu sombe kam patoronjana ku sa ila ki Anutu, mi sombe motom imiili pa tomtom sa ta nu kam ŋoobo mbulu pini, ²⁴na zem patoronjana ku tina ma imbotmbot artaal uunu, mi miili ma la ki tomtom tina ma niomru kaparurpe leleyom mungu, tonabe miili mi kam patoronjana ku.”

²⁵“Mi tomtom sa isombe ikamu ma kala sua tiirijana muriini be ipamenderu pa sua, na loŋa wi i be niomru kuurpe leleyom. Kokena iuru la ki biibi ta itirtiiri sua i. To biibi tana iuru la zin menderjan naman be tipiri u lela ruumu sanaana. ²⁶Mi nio aŋso kat pu. Nu ko irao yooto karau na som. Ko mbotmbot ma irao posop kat kadoono ta tiur pu na.^o

Tapasaana ula pepe

²⁷“Sua ta mungu tiso ma niom kelerj kek, ina ta kembei: ‘Pasaana ula pepe.’^p ²⁸Tamen nio na, aŋso piom ta kembei: Sombe tomooto sa mataana ila pa moori sa, mi leleene iurur pini be imbuuli, ina ni Anutu ire i kembei ipasaana ula ka tutu kek.’ ²⁹Tana sombe motom woono iyaryaaru upa mbulu sananjana, na ambai be pai ma isu lene. Kokena imbot, tona iyaaru u ma la lem kar sanaana.’ ³⁰Mi nomom woono ta kembena. Sombe iyaryaaru u pa mbulu sananjana, na ambai be yembut ma ila ne tomini. Kokena imbot, to iyaaru u ma la lem kar sanaana.^s

Ula yembutjana ka sua

(Mt 19:9; Mk 10:11-12; Lu 16:18)

³¹“Sua toro ta mungu tiso ma kelerj kek, ina ta kembei: ‘Tomooto sa sombe leleene be iyembut ziru kusiini ula kizin, na bela ibeede sua sotaaranjana ise ro pakaana. Naso tomtom tiute kembei ni iziiri i kek.’^t ³²Mi nio na, aŋso piom ta kembei: Tomooto sa irao be iziiri sorok kusiini na som. Kokena ikam ma kusiini tana ipasaana ula ka tutu. Pa sombe moori tana ila ma iwoolo tomooto toro, tona Anutu ko ire i kembei ziru tomooto poponjana tana tipasaana ula ka tutu. Tamen sombe moori sa izem itunu pa tomooto toro sa, tona kusiini ko irao be iyembut ula kizin.”^u

Sua pomboljana ka sua

³³“Sua toro ta mungu Anutu iso pa tumbundu bizin ma niom tomini kelerj kek, ina ta kembei: ‘Paata Merere, som koronj toro sa zaana be

^m 5:22 1Yo 3:15 ⁿ 5:24 Mk 11:25 ^o 5:26 Mt 18:34+; Lu 12:58+ ^p 5:27 Kam 20:14;

Lo 5:18 ^q 5:28 2Pe 2:14 ^r 5:29 Mt 18:9; Mk 9:47 ^s 5:30 Mt 18:8; Mk 9:43

^t 5:31 Lo 24:1+; Mk 10:4 ^u 5:32 Mt 19:9; 1Kor 7:10+

pombol sua pakaamɲana pepe. Mi sombe mbuk sua sa mi pombol sua tana pa Merere zaana, na reege pepe. Motom ingal be to.^v 34-35 Mi nio na, aɲso piom ta kembei: Sombe kumbuk sua sa, na kapaata koronj sa zaana be kopombol sua tiom tana pa pepe. Tana kapaata Merere zaana be kopombol sua tiom pa pepe. Mi koronj kini kembei saamba, ma toono, ma Yerusalem, ina tomimi kapaata zan be kopombol sua tiom pa pepe. Pa saamba, ina Anutu muriini peeze kana. Mi toono, ina muriini be kumbuunu ise pa. Mi Yerusalem, ina kar ki King Biibi.^w 36 Mi uteyom tomimi, kapaata pepe. Pa niom karao be koso mi uteyom ruunu gabgapɲana sa ise, som moomo ise? Som. Anutu itutamen ta imboro. 37 Tana koso men ta kembei: ‘E, nio ko aɲkam’, som ‘Som, nio ko aɲkam som’. Ina irao. Pa sua pombolɲana pakan, ina imar pa Tomtom Sanaana.^x

Tuur lelende pa kanda koi bizin

(Lu 6:29-30)

38 “Sua toro ta muɲgu tiso ma kelej kek, ina ta kembei: ‘Nu sombe pun waem sa mataana, inako irao be tipun nu ku tasa ma ikot. Mi sombe pun zoɲoono sa ma itop, inako irao be tipun nu ku tasa tomimi ma ikot.’^y 39 Tamen nio na, aɲso piom ta kembei: Mbulu sananɲana ta so tikam piom, na kopokot pepe. Tana tomtom sa isombe ipeeze poɲom woono, na tooru mi ipeeze poɲom ɲas tomimi.^z 40 Mi sombe tomtom sa ipamenderu pa sua be isei lene mburu ku sa, na yo kwom pa pepe. Zem ma ila pini, mi kam le mburu pakan ma isala ki tomimi.^a 41 Mi sombe menderɲana sa kwoono imbol pu, be uuli ma kwaara mburu kini ma la zaala lwoono, na kaɲkaɲ ma ur la pataaɲa lele ta ni iso ila pa i. 42 Mi sombe tomtom sa isuɲu pa le koronj sa, na kam pini. Mi sombe iwi u be ikam koronj ku sa be ila ikam uraata pa, na ruutu pepe. Yok pini.^b

Lelende pa kanda koi bizin

(Lu 6:27-28,32-36)

43 “Sua toro ta muɲgu tiso ma niom kelej kek, ina ta kembei: ‘Ur lelem pa waem bizin, mi ur koi pa kom koi bizin.’^c 44 Tamen nio na, aɲso piom ta kembei: Kuur leleyom pa koyom koi bizin tomimi. Mi zin wal ta tiseseeze motoyom na, kusunj Anutu be ipazal zin.^d 45 Naso keswe mbulu ki Tomoyom Anutu ta imbot saamba a. Pa ni ikampewe wal ta boozomen. Ikam ma zoɲ kini iyaryaara pizin wal ambaimbaiɲan, mi wal sananɲan tomimi. Mi ikam ma yaɲ izzu pizin wal sananɲan raraate kembei ta izzu pizin wal ndeeɲɲan.^e 46 Niom, sombe kuurur leleyom pizin wal ta lenen piom men, inako kakam leyom

^v 5:33 Kam 20:7; Lo 23:22 ^w 5:34-35 Mbo 48:2; Yesa 66:1; Mt 23:22; Iɲgo 7:49

^x 5:37 Yems 5:12 ^y 5:38 Kam 21:24; Lo 19:21 ^z 5:39 Ro 12:17,21; 1Tes 5:15 ^a 5:40 1Kor

6:7 ^b 5:42 1Yo 3:17 ^c 5:43 Wkp 19:18 ^d 5:44 Lu 23:34; Iɲgo 7:60; Ro 12:14,20; 1Pe 3:9

^e 5:45 Ep 5:1

kadoono ambaijana be parei? Som. Pa mbulu ta kembei na, zin wal sananjan tikamam tomini. ⁴⁷Mi sombe kakam 'aigule ambaijana' tiom pizin torjmatizij tiom men, nako mbulu tiom ilip pa mbulu kizin wal pakan be parei? Som. Pa ina, zin wal ta tiute Anutu som na, tikamam ta kembena tomini. ⁴⁸Tana kakam kinkiini be mbulu tiom ta boozomen ambai komboono kembei ta Tomoyom ta imbot saamba a.”^f

Takam mbulu ambaijana bekena tapakur itundu pa pepe

6 ¹Mi Yesu iso pizin mini ta kembei: “Kere. Mbulu tiom ambaimbaijan ta so kakam pa Merere na, kapamaala ila tomtom matan be tire yom mi tiwit uruyom pa pepe. Pa sombe kakam ta kembei, inako Tomoyom ta imbot saamba a ikam leyom kadoono ambaijana sa som.”^g

²“Tana sombe kakam koronj pizin wal sorrokjan, na kapamaala isu malaj keteene be iwal biibi tire yom pepe. Pa ina, mbulu kizin wal ta tikamam pakaamjana pa urlajana kizin na. Pa zin tiwe zitun kwon mi tipakurkur zitun ilela lupjana muriini leleene, mi isu kar keteene, bekena tomtom tire zin mi tiwit urun. Nio anso kat piom: Kadoono kizin ta tikam pataaja kek.

³⁻⁴Mi niom na, sombe kakam koronj pizin wal sorrokjan be ku'uulu zin, na kakam ki kejana. Sombe nomoyom woono ikam, na nomoyom nas iute pepe. Naso Tomoyom ta imbot saamba a, ipokot nomoyom. Pa mbulu turkejana sa ike pini som.”^h

Tusunj be parei?

(Lu 11:2-4)

⁵“Mi sombe kusunj, na kakam kembei zin wal ta tikamam pakaamjana pa urlajana kizin na pepe. Pa zin na, lenen be timender la lupjana muriini leleene, som su kar keteene, mi tikam sunjana ila iwal biibi matan. Naso tomtom tiwit urun. Nio anso kat piom: Kadoono kizin ta tikam pataaja kek.”ⁱ ⁶Mi niom, sombe kusunj, na kelela ruumu tiom leleene, mi kokotkaala kataama, mi kusunj ila ki Tomoyom ta tomtom sa irao be ire i som na. Mi ni ko ilej sunjana tiom mi ikam leyom kadoono ambaijana. Pa mbulu turkejana sa ike pini som.

⁷“Mi sombe kusunj, na kayaaru sua soroksorok boozomen kembei zin wal ta tiute Anutu som na pepe. Pa zin tikam ngar ta kembei: Sombe tikam sunjana molo kenkenjana, nako tikamam len ulaaja.”^j ⁸Mi niom na, kakam kembei ta zin pepe. Pa koronj ta kuru zoloyom pa i, na Tomoyom Anutu, ni iute kek.”^k ⁹Tana sombe kusunj, na kusunj ta kembei:

^f 5:48 Yems 1:4 ^g 6:1 Mt 23:5 ^h 6:3-4 Mt 25:37+ ⁱ 6:5 Mt 23:5; Lu 18:10+

^j 6:7 Yesa 1:15 ^k 6:8 Mt 6:32

‘Niam Tomoyam ta mbot saamba a,
Nu zom wal ko tipotom pa.

¹⁰ Kam zin tomtom ma tito peeze ku.
Kam zin ma tito lelem isu toono,
kembei tito isu saamba.^l

¹¹ Ur koyam kini pa aigule ta koozi.^m

¹² Reege sanaana tiam,
kembei niam amzem ngar pa sanaana ta tomtom tikam piam.ⁿ

¹³ Ziiri toombojana ma imbot molo piam.

Mi tatke yam pa koronj sananjan ta boozomen.^o

¹⁴ “Pa niomombe kezem ngar pa sanaana ta tomtom tikam piom,
inako Tomoyom ta imbot saamba a ireege sanaana tiom.^p ¹⁵ Mi sombe
kezem ngar pa sanaana kizin tomtom som, inako sanaana tiom tomini,
Tomoyom ireege som.

Kini ngalsekjana ka sua

¹⁶ “Niomombe kangalsek ituyom pa kini kanjana bekana
motoyom ingal sunjana, na motoyom mujaikai kembei zin wal ta
tikamam pakaamjana pa urlajana kizin na pepe. Pa zin sombe
tingalsek zitun pa kini kanjana na, tipakamkaam kembei lelen
ipata bekana tomtom tire mbulu kizin tana mi tiwit urun pa. Nio
anjo kat piom: Kadoono kizin ta tikam pataja kek.^q ¹⁷ Mi niom na,
sombe kangalsek ituyom pa kini kanjana, na keswe pepe. Kunguuru
motoyom mi kuurpe ituyom ma runguyom ambai. ¹⁸ Kokena tomtom
tikilaala kembei niom kangalsek ituyom pa kini kanjana. Mi
Tomoyom Anutu ta tomtom sa irao be ire i som na, ni ko iute, mi
ikam leyom kadoono ambaijana. Pa mbulu turkejana sa ike pini
som.

Koronj saamba kana ina koronj nonono

(Lu 12:21,33-34)

¹⁹ “Kakam kinkiini be kondou leyom koronj boojo isu toono pepe. Pa
ina, rap ko ipasaana, mi pakan ko sinin ikam ma isaana. Mi pakan na,
wal kuumbujan ko tipetepaala ruumu tiom, mi tilela ma tikem.^r ²⁰ Mi
koronj nonono ki saamba, to kakam kinkiini pa. Pa koronj tana, rap irao
be ipasaana som, mi wal kuumbujan tirao be tikem som.^s ²¹ Mi lele ta
nu sombe re kembei koronj ku nonono imbotmbot pa na, inako ngar ku
imap ma ilala pa.

^l 6:10 1Kor 15:24+; Tur 11:15 ^m 6:11 Mbo 23:1; Pil 4:19; 1Tim 6:8 ⁿ 6:12 Mt 18:21+;
Ep 4:32; Kol 3:13 ^o 6:13 Lu 22:40; Yo 17:15; 2Tes 3:3; 2Pe 2:9 ^p 6:14 Mk 11:25+

^q 6:16 Yesa 58:5+; Mt 23:5 ^r 6:19 Ibr 13:5; Yems 5:1+ ^s 6:20 Mt 19:21; 1Tim 6:17+

Mat ka zaala
(Lu 11:34-36)

22 “Iti matanda ta iurur mat piti. Tana sombe matanda ambai, ina iswe kembei mat imbot la lelede kek. 23 Mi sombe matanda isaana, inako iswe kembei tombot la zugut lene. Tana motom ingalngal itum. Kokena ndemeere sorok ma so ko mat imbot la lelem, mi tamen ko zugut ma ingi. Pa zugut ta kembei na, biibi kat.

Irao tembeeze pa bibip ru na som
(Lu 16:13)

24 “Tomtom sa ko irao be imbeeze kat pa bibip ru na som. Pa ina ko iur leleene pa ta, mi ilej la sua kini. Mi toro na, ko iur koi pini mi irepiili i. Tana niom koso kembeeze pa Anutu mi koronj sa ki toono, nako karao som.^t

Anutu ko mataana piti
(Lu 12:22-31)

25 “Tana nio anso piom ta kembei: Kopoyom rru pa koyom kini ma yok, mi leyom mburu pepe. Pa koronj kulindi kana men kembei kini mi mburu, ina irao ikam ti ma tombot ndabok na som.” 26 Kere. Man tiwaswaaza kan kini? Som titoutou kini ma tizebzebe lela diditu? Som. Tomoyom Anutu ta imbot saamba a, ni itunu ta ipututu zin. Mi niom na, kilip kat pizin man.^v 27 Mi parei? Sombe tiom tasa iru zaala be iseenge itunu swoono ma imbot molojana ri, ko irao? Som.

28 “Mi parei ta kakamam ngar biibi pa leyom mburu be kapakaala yom pa? Kere. Aigau boozomen ta tizze na, tikamam uraata sa? Som. Mi zitun tiurpewe len mburu be tizebe zin pa i? Som. 29 Mi nio anso kat piom. Mungu, king Salumo, ni izebzebi pa mburu ta ndabokbokjan kat. Tamen mburu kini sa irao kembei aigau tingi som.” 30 Mi aigau tingi, ingi koronj sorok. Koozi timbot. Gaaga tila len. Tamen Anutu itunu ta iurpe ma ambai kat. Lak, sombe ni mataana ingalngal koronj soroksorok ta kembei, na ni ko mataana ingalngal yom pa leyom mburu tomini. Oo niom, urlajana tiom musaari mete!^x

31 “Tana kopoyom rru mi koso: ‘Wai, koyam yok mi kini ingoi be amkam i? Mi leyam mburu ingoi tabe amzeebe yam pa i?’ Koso kembena pepe. 32 Pa ina, zin wal ta tiute Anutu som, ta tikamam ngar biibi pa koronj ta kembei. Mi Tomoyom ta imbot kor a, ni iute koronj ta kuru zoloyom pa i. Mi ni iute: Niom sombe leyom koronj ta kembei som, nako mbotjana tiom

^t 6:24 2Kor 6:15+; Yems 4:4 ^u 6:25 Pil 4:6; 1Tim 6:6+; Ibr 13:5; 1Pe 5:7

^v 6:26 Mt 10:29+ ^w 6:29 1Kin 10:5,25; 2Sto 9:4 ^x 6:30 Mbo 90:5+

ambai som.^y ³³Tamen niom bela kakam kinkiini pa peeze kini mi mbulu kini ndeenjajana, to koroŋ taiŋgi ko ito mi ima piom tomini.^z ³⁴Tana kopoyom rru pa aigule toro ka patanjana pepe. Pa ina, niom komboro som. Kakam ŋgar men pa patanjana ta ipet ta koozi. Ina irao.^a

Tere waende bizin kembei wal sananjan pepe

(Lu 6:37-42)

7 ¹“Kere waeyom bizin mi loŋa koso zin sananjan pepe. Kokena Anutu ire yom tomini kembei wal sananjoyom.^b ²Pa niom sombe loŋa mi koso zin sananjan, inako Anutu iso piom ta kembei tomini. Pa mbulu ta so kakam pizin tomtom, ta ko imiili piom tomini.^c ³Re. Ke pakaana biibi ta imbot la motom na, yamaana som? Kena parei ta loŋa kwom ila pa ke tipiini ri ta imbot la toŋmatizij ku mataana na,^d ⁴mi so pini: ‘A barau, ke tipiini ri ta imbot la motom na, nio aŋsombe aŋuulu u mi aŋpai ma isu lene.’ ⁵Ina nu kam pakaamjana! Pai nu ku ta biibi na ma isu muŋgu. Naso re kat tipiini ta imbot toŋmatizij ku tana mataana na, mi rao pai ma isu lene.

⁶“Koroŋ potomjana na, kigiibi sorok pizin me pepe. Mi koroŋ tiom ambaimbaijan na, kipiri su pizin ŋge pepe. Kokena tikelut ma isaana, mi timanga piom tomini.^e

Kusuŋ, kuru, mi kutut kataama

(Lu 11:9-13)

⁷“Niom koso kiwi, to kakam. Kuru, to kendeenge. Kutut kataama, to kataama ikaaga piom.^f ⁸Pa tomtom ta so iwi, nako ikam. Mi tomtom ta so iru, nako indeenge. Mi tomtom ta so itut kataama, nako kataama ikaaga pini.

⁹“Parei, sombe pikin tasa iwi tamaana pa ka kini, ko tamaana ikam ka pat? Som. ¹⁰Mi sombe iso pa ka ye, ko ikam ka mooto sananjana? Som. ¹¹Lak, niom na sananjoyom. Tamen kakamam koroŋ ambaimbaijan men pa lutuyom bizin. Mi Tomoyom ta imbotmbot saamba a, kampejana kini ilip kat piom. Tana wal ta so tisunji, na ni ko ikam koroŋ ambaimbaijan kat pizin.^g

¹²Mbulu ta so leleyom be tomtom tikam piom, na niom kupumuungu pizin. Pa tutu ki Anutu mi sua kizin Anutu kwoono bizin, ka uunu ŋonoono ta tingi.^h

Zaala ru

(Lu 13:24)

¹³“Kelela siiri kwoono ta musaana na. Pa zin wal tabe tila len i, na siiri kwoono ta zin tilela pa i, na biibi. Mi zaala ta tito na, imarra pizin. Tabe

^y 6:32 Mt 6:8 ^z 6:33 Mbo 37:4,25; Ro 14:17 ^a 6:34 Kam 16:4,19; Mt 6:11 ^b 7:1 Ro 2:1; 1Kor 4:5; Yems 4:11+ ^c 7:2 Mk 4:24 ^d 7:3 Yo 8:7 ^e 7:6 Mt 10:11 ^f 7:7 Yo 14:13, 15:7; Yems 1:5; 1Yo 3:22, 5:14+ ^g 7:11 Yems 1:17 ^h 7:12 Mt 22:40; Lu 6:31+; Ro 13:8+

tomtom boozomen lenen pa zaala tana.ⁱ ¹⁴ Mi zaala tabe tomtom tito ma tikam mbotjana mata yaryaaranjana pa i, na kwoono musaari, mi ipata pizin be tito. Tabe wal rimen ta tindeenge mi tito.^j

Mbulu kizin wal pakamkaamjan ko iswe zin

(Lu 6:43-44, 13:25-27)

¹⁵ “Kere yom! Pa wal pakamkaamjan ta tiso zin Merere kwoono bizin, kola timar tipet tiom. Zin sombe timar na, mbulu kizin mat kana ko kembei ta sipsip. Mi lenen na, kembei me sanjanjan ta malmaljan i.^k ¹⁶ Tamen niom ko karao be kikilaala zin. Pa mbulu mi uraata kizin ko iswe zin piom. Parei, ko worwooro sananjan tipiyooto nonoono ambaijana sa be teke mi takan? Som.^l ¹⁷ Mi ke ta kembena. Sombe ambaijana, nako ipiyotyooto nonoono ambaimbaijan men. Mi ke sananjana, ina ipiyotyooto nonoono sananjan men. ¹⁸ Tana ke sananjana ko irao ipiyooto nonoono ambaijana sa na som. Mi ke ambaijana ko irao ipiyooto nonoono sananjana sa na som. ¹⁹ Mi ke boozomen ta so tipiyotyooto nonon ambaimbaijan som, inako titaara ma tisu len, mi tipiri sala you ikan.^m ²⁰ Tana mbulu mi uraata ta zin wal pakamkaamjan tipiyotyooto, ta ko iswe zin piom.ⁿ

Tapaata sorok Yesu be Merere kiti pepe

(Lu 13:25-27)

²¹ “Zin wal ta tiwatwaata yo be ‘Merere kizin’, inako timap ma tilela kar saamba som. Pa zin wal tau titoto Tamaŋ Anutu ta imbot saamba na leleene, mi tikamam ka mbulu na, zin men ta ko tilela.^o ²² Tana mbeŋ kaimer iso ipet, na wal booze ko timaŋa mi tiso ta kembei: ‘O Merere, muŋgu niam amkam uraata boozomen pa nu zom. Amwe kwom mi amzzo kaljom pizin tomtom. Mi amzirziiri bubuana sananjan pizin tomtom, mi amtortooro mos booze ma ipet tomini.’ ²³ Tamen nio ko aŋso kat pizin ta kembei: ‘Nio aŋute yom risa som. Kala leyom! Pa niom wal sananjoyom.’^p

Tomtom ru tipo ruumu

(Lu 6:47-49)

²⁴ “Tana wal ta so tileŋleŋ la sua tio ti, mi titoto, ina zin kembei ta tomtom ngarjana ta ipo ruumu mboljana isala ran. ²⁵ Beso ran mosoolo isu ma wo ipet mi miiri biibi imar ma itok ruumu tana, na irao imuzu na som. Pa ran ipombol ruumu ma imbol kat.

ⁱ 7:13 Yo 10:7,9 ^j 7:14 ŋgo 14:22 ^k 7:15 Mt 24:4,24; ŋgo 20:29; 2Pe 2:1

^l 7:16 Ga 5:19+; Yems 3:12 ^m 7:19 Mt 3:10; Lu 3:9; Yo 15:6 ⁿ 7:20 Mt 12:33

^o 7:21 Ro 2:13; Yems 1:22,25 ^p 7:23 Mt 10:33, 25:41

²⁶Mi wal ta so tilenleŋ sorok kalŋoŋ, mi titoto som, ina zin kembei ta tomtom talliŋana ta ipo ruumu kini sala lele magargaaraŋana. ²⁷Beso yaŋ mosoolo isu ma wo ipet, mi miiri biibi itok ruumu tana, na loŋa men mi imuzu ma isu lene, mi ka mburu ta boozomen porokporok ma imap.”

²⁸Yesu iposop sua kini ma imap, to zin iwal ta tilenleŋi na, timurur pa ŋgar kini. ²⁹Pa ni ikamam sua kembei ta zin ŋgaraŋan ki tutu na som. Ni izzo katkat sua raama mburaana, kembei tomtom ta zaana pa uraata kini.^q

Yesu iurpe tomtom ta mbetmbeete sananŋana ikami

(Mk 1:40-44; Lu 5:12-16)

8 ¹Yesu izem abal tana, mi imiili ma isula. Mi iwal biibi tito i ma ziŋan tila. ²Mi tomtom ta, ni mbetmbeete sananŋana ikami. Imar ipet ki Yesu mi itop su kereene uunu ma iso: “O biibi, sombe lelem isaana pio, na nu rao ziiri mete tio ti ma kuliŋ iŋgeeze mini.”

³Mi Yesu namaana ila ma iteegi mi iso: “E, nio leleŋ be aŋuulu u. Kulim ambai lak!” To loŋa men, mi mete tana iko pini ma kuliini iŋgeeze mini. ⁴To Yesu iso pini. Iso: “Leŋ. Sombe la, na so tomtom sa pa mbulu ti pepe. Kaŋkaŋ ma la, mi pamaala itum pa patoronŋana ka tomtom sa muŋgu, mi kam patoronŋana pa Anutu kembei ta tutu ki Mose iso na. Naso ipombol zin patoronŋana kan be tiurla tio.”^r

Yesu iurpe mbesooŋo ta ki biibi kizin malmal kan

(Lu 7:1-10)

⁵Yesu iwwa ma ilela pa kar Kapenaum. Mi tomtom ta, ni biibi kizin malmal kan ki Rom, imar ipet kini mi itaŋroro i be iuuli. ⁶Iso: “Biibi, mbesooŋo tio ta ra, mete ikam kati ma isaana kat. Ikenne ma imbotmbot ta ruumu a.” ⁷Yesu ipekel kwoono ma iso: “Oo, kenako aŋla mi aŋre i.”

⁸Tamen biibi kizin malmal kan tina ipeteke i mi iso: “E-e biibi, nio tomtom ambaioŋ som, tana mar ruumu tio pepe. Nio aŋurla ta kembei: Nu sombe ur sua men, na mbesooŋo tio ko niini ndabok. ⁹Pa nio aŋute pa ituŋ. Nio ti aŋbot la zin bibip pakan kopon mbarman. Mi zin malmal kan pakan timbot la nio kopon mbarmaana. Tana sombe aŋso pa tiŋgi ma aŋso: ‘La!’ nako ila. Mi sombe aŋso pa tiŋga: ‘Mar!’ nako imar. Mi sombe aŋso pa mbesooŋo tio: ‘Kam ta kembei.’ nako ikam.”

¹⁰Yesu ileŋ sua tana na, imurur pa. To iso pizin iwal biibi ta titoto i na. Iso: “Nio aŋso kat piom. Nio aŋdeenje tomtom sa ki Israel ta urlaŋana kini imbol kembei ta tomtom tiŋgi na som.”^s ¹¹Mi nio aŋso piom ta kembei: Wal boozomen ko timar pa toono ta munŋaana men be mbulen su ma ziŋan Abaraam, Isak, mi Yakop tilup zin pa kini kaŋana su kar saamba.^t

^q 7:29 Mk 1:22; Lu 4:32; Yo 7:46 ^r 8:4 Wkp 14:1+; Mt 9:30; Lu 17:14 ^s 8:10 Mt 15:28

^t 8:11 Mbo 107:3; Lu 13:29

12 Tamen zin wal ta mungu timbot lela peeze ki kar saamba leleene, inako tiziiri zin ma tila len pa zugut lene, mi titanjan ma zojon njekjek ma timbotmbot.”^u

13 Tona Yesu iso pa biibi kizin malmal kan tana ma iso: “La pa ruumu ku. Urajanana ku tina, ta buri iur nonono i.” Mi indeenje kat ta Yesu iso sua tina na, mbesoogo kini, mete tana iko pini.

Yesu iziiri mete pizin wal boozomen

(Mk 1:29-34; Lu 4:38-41)

14 To Yesu ila pa Petrus ruumu kini, mi ire Petrus rwoono mooribi kuliini ibayou kat ma ikenne. 15 Tana iteege lae pa mooribi namaana, to mete iko pini ma niini ambai. To burup ma imanga, mi iurpe Yesu ka kini.

16 Timbotmbot ma lele ikamam be rou, to tomtom tiyo wal boozomen ta bubujana sananjan tizeebe zin na, ma tila kini. Mi Yesu iur sua men, mi bubujan tina tiko pizin tomtom ma tila len. Mi iziiri mete pizin tomtom ta boozomen ma nin ambai lup. 17 Tana sua ta mungu Anutu kwoono Yesaya iso na iur nonono. Sua ta kembei:

Ni ibaada patajana kiti, mi iziiri mete kiti ma ila lene.”^v

Wal pakan ta tiso tito Yesu

(Lu 9:57-62)

18 Yesu ire zin iwal biibi timar mi tiliukaali, tana iso pizin nanganj kini be tikam woongo mi tila yok tatiliujana pakaana mbaaga. 19 Som, mi tomtom ngarjana ta ki tutu, ni imar kini mi iso: “Mos katuunu, lele sa ta nu so la pa i, na nio ko anto umen.”

20 Yesu ipekel kwoono ma iso: “Me sanjanjan na, zin len murin ta toono sumbuunu. Mi man na, zin len ngini. Tamen Tomtom Lutuunu, ni le muriini sa be keteene su mi imbot pa na som.”^w

21 To nanganj kini toro isu na iso pini ta kembei. Iso: “Biibi parei? Ko irao anmiili ma anturke taman mataana mungu, mana anto u?”

22 Mi Yesu ipekel kwoono ma iso: “Som. Zin wal ta timbot la zaala ki meetejana na, zin irao titwi zin meetejan. Mi nu na, mar to yo.”

Yesu ipunmeete miiri ma duubu

(Mk 4:35-41; Lu 8:22-25)

23 To Yesu zijan nanganj kini tisala woongo ma tila. 24 Tila lukutuunu, to miiri ipol ma mburaana. Mi ipei duubu ma ise tabe ikam ma lele isaana kat. Mi tai borokborok sula woongo leleene mabe timon. Mi Yesu, ni ikeenemeete men. 25 To nanganj kini tila tipai lae pini ma tiso: “Wai, Merere, inji be tomon i! Re iti lak!”

^u 8:12 Mt 22:13, 25:30; Lu 13:28 ^v 8:17 Yesa 53:4; 1Pe 2:24 ^w 8:20 2Kor 8:9; Pil 2:6+

²⁶ Yesu ipekel kaljan ma iso: “Komoto sorok paso? Urlajana tiom musaari mete.” Tona imanga na injasaara miiri ma duubu, mi taun biibi isu.^x ²⁷ Nanganj kini tire mos tana na, timurur pa mi tiso: “Wai, tomtom tingi, ni pareijana, ta miiri ma duubu tomini tileljenj la kaljaana?”^y

Yesu iziiri bubujana sanangan pa tomtom ru

(Mk 5:1-20; Lu 8:26-39)

²⁸ Yesu zijan nanganj kini tila tipet lele pakaana kizin Gadara ta imbot la tai pakaana mbaaga na. To Yesu ipa ma ila, mi indeenje tomtom ru ta timbot lela zin meetegan murin mi tipet. Wal ru tana, bubujana sanangan tizeebe zin ma tikankaana ma tisaana kat, tabe lelen tatanga men. Sombe tire tomtom sa, na timanga pini pataanga. Tana tomtom tilala pa lele tana som. Pa timototo zin tau. ²⁹ Wal ru tana tire Yesu, to kaljan isala ma tiso: “O Anutu Lutuunu, ingi mar be kam parei piam? Pa nol tabe seeze motoyam pa i, ina zen.”^z

³⁰ Tire la pa nge uunu biibi ta tikanan ma timbotmbot la ki pakaana, ³¹ to tisu na titanroro Yesu ta kembei: “Sombe ziiri yam, na yok piam be amla amru pizin nge tanga.” ³² To ni iso pizin: “Kala!” Tona tizem wal ru tana, mi tila tiloondo pizin nge. To nge tana tiko mi tiparkamtoto zin ma tila pa yok tatiliujana kezeene, to tizirir pa dogo ma tisula yok, mi tiwin katkat yok ma timetmeete lup.

³³ Zin wal ta timborro ngejan i, tire mbulu tina, to tiko ma tila pa kar kizin mi tiso mbulu tana uruunu pizin tomtom ma tilej. ³⁴ Tona iwal biibi ki kar tana timap ma tila ki Yesu mi timanmanj be izem lele kizin, mi ila lele pakaana toro.

Yesu iurpe tomtom narapejana ta

(Mk 2:1-12; Lu 5:17-26)

9 ¹ To Yesu zijan nanganj kini tisala woongo, mi timiili ma tila pa kar kini mini. ² Tipet kar na, tindeenge wal pakan tisiñ tomtom narapejana ta ma timar kini. Mi Yesu ire wal tina urlajana kizin imbol kat. Tana iso pa tomtom narapejana tina ma iso: “Tiziñ, lelem ipata pepe. Sanaana ku, nio aŋreege kek.”

³ Zin ngarjan ki tutu tilej sua tina, to tiparso sua pizin ma tiso: “Wai! Inga sa ipasaana sua pa Anutu na.” ⁴ Mi Yesu, ni iute ngar kizin kek. Tana isu mi iso pizin. Iso: “Parei ta kakamam ngar sananjana ta kembena ila leleyom?”^a ⁵⁻⁶ Sua tangoi ta imarra be aŋso? Aŋso pa tomtom taingi be aŋreege sanaana kini, som aŋso pini be burup ma imanga mi ipa? Mi nio lelenj be kuute kat ta kembei: Tomtom Lutuunu, ni zaana be ireege sanaana kizin tomtom isu

^x 8:26 Mt 14:31; Mbo 89:9 ^y 8:27 Mbo 65:7, 89:9, 107:29 ^z 8:29 Mt 25:41; Mk 1:24; Yems 2:19 ^a 9:4 Yo 2:25

toono.” To iso pa tomtom narapejana tana. Iso: “Manga, lek mi ku, mi la pa ruumu ku.”^b 7To tomtom tina burup ma imanga, mi izem zin ma ila pa ruumu kini. 8Mi zin wal ta timbot mi tire uraata tana na, timoto kan mi tipakur Anutu. Paso, ni ikam mburaana biibi ta kembei pizin tomtom.

Yesu iso pa Matai ma ito i

(Mk 2:13-17; Lu 5:27-32)

⁹Yesu izem kar tana, mi iwwa ma ila na, ire tomtom ta iyyo takesjana i, zaana Matai. Ni imbutultul su uraata kini muriini, mi ikamam uraata. Yesu ire i, to iso pini. Iso: “Mar to yo.” Tabe Matai imanga, mi ito i ma zijan tila.

¹⁰Kaimer to Matai ikam kini isu ruumu kini. Mi zijan Yesu mi nangan kini tikanan ma timbotmbot. Molo som na, wal pakan ta tiyyo takesjan i mi wal sanangan pakan timar, mi zijan tikanan kini ma timbotmbot.

¹¹Zin tutu kan pakan tire mbulu tana, to tisu na tiso pizin nangan kini. Tiso: “Wai, parei ta biibi ta ikamam ngar piom na, zijan zin wal ta tiyyo takesjan i mi zin wal sanangan tina tikanan kini la mbata?”

¹²Yesu taljaana ikam la pa sua tana, to iso pizin ma iso: “Parei, tomtom ta iurpewe zin meterjan i, ko ila pizin wal ta nin ambaimbaijan i? Som. Ni ilala be iuulu zin wal meterjan. ¹³Sua imbot pataaja ta kembei: ‘Anutu, ni leleene ilip pa mbulu ki munajana. Mi mbulu ki patoronjana na, ni ikamam ngar pa pe som.’ Kozo kala mi kakam ngar pa sua tina ka uunu. Pa nio ti, anjar be anjoobo zin wal ndeejan na som. Nio anjar pizin wal sanangan.”^c

Wijana pa mbulu ki kini ngalsekana

(Mk 2:18-20; Lu 5:33-35)

¹⁴Tona Yoan nangan kini tikonuru Yesu mi tiwi i ta kembei. Tiso: “Aigule tataja, niamjan zin tutu kan amgalseksek ituyam pa kini kanjana bekena motoyam ingal kat Merere. Mi uunu parei ta nangan ku titoto mbulu tana som?”^d

¹⁵Yesu ipekel kwon ma iso: “Sombe tikam kini biibi pa ula popojana sa, inako parei pa tomoto toroono bizin ta timar pa kini kanjana na? Ko lenen ipata mi tikan kini som? Som. Ko tikan. Pa tomoto ta iwoolo popojana na, ni imbotmbot raama zin, tana lenen ambai. Mi kaimer, ma sombe wal sa timar mi tikam tomtom ula kana tina ma izem zin, tona toroono bizin ko lenen ipata mi tingalsek zitun pa kini kanjana.”^e

Zaala mungujana irao igaaba zaala popojana som

(Mk 2:21+; Lu 5:36+)

¹⁶Yesu iso mini ma iso: “Kawaala mungujana ta imaraaza kek na, ko teseseakaala pa kawaala suruunu ta popojana i? Ina som. Kokena kawaala

^b 9:5-6 Yo 5:8, 17:2 ^c 9:13 Mt 12:7; Lu 19:10; 1Tim 1:5 ^d 9:14 Lu 18:12 ^e 9:15 Yo 3:29

popoŋana suruunu iselul ma iwe musaari, to kawaala munguŋana tana imaraaza ma biibi. ¹⁷Mi yok baen popoŋana ta kembena. Ko tiliŋ sula baen putuunu munguŋana? Inako som tomini. Kokena baen popoŋana iti putuunu munguŋana, to imapaala, mi baen borok su lene. Som. Baen popoŋana bela isula putuunu popoŋana. Naso baen mi putuunu imbot ambai.”^f

Yesu iurpe moori ta, mi ipei morri ta ma imanga mini

(Mk 5:21-43; Lu 8:40-56)

¹⁸Yesu izzo sua tana ma imbotmbot, mi molo som na, tomtom peeze kana ta ki kar, ni imar ma itop su Yesu kumbuunu uunu, mi itaŋroro i ma iso: “O biibi, buri ŋonoono ta lutuŋ moori, ra, imeete. Mar ruumu tio ma nomom isalakaali, to ni ko imanga mini.” ¹⁹Tana Yesu imanga, mi ziŋan naŋgaŋ kini tito i ma tila.

²⁰⁻²¹Tiwwa ma tila, mi moori ta, ni mete kizin moori ikisi pa ndaama laamuru mi ru kek. Itokelkeele Yesu ma ila ise kini, to iteege lae pa mburu kini kwopiriini. Pa ikam ŋgar la leleene ta kembei: ‘Oo, nioombe aŋteege lae pa mburu kini kwopiriini risa, to mete tio imap.’ ²²Yesu itoori mi ire moori tana, to iso pini ma iso: “Luŋri, lelem ambai. Pa urlaŋana ku ta iuulu uma mete ku imap kek.” Mi indeeŋe ta Yesu izzo sua pini na, mete kini imap.

²³Tila tipet ruumu ki mboroŋan tana mi tilela na, Yesu ire zin wal tiwwi mamaaza, mi zin iwal tizzu ma tizze, mi tiŋiizi biibi izalla. ²⁴Tabe iso pizin ma iso: “Niom ta boozomen koyooto ma kala leyom. Morri tana, ni imeete som. Inga sa ikeene na.” Zin tileŋ sua kini tana na, tiseeŋge pini.^g ²⁵Tiziiri zin iwal ma tiyooto lup, to Yesu ilela pa ruumu leleene. To iteege su pa morri tana namaana, mi iwiti mi burup ma imanga.^h ²⁶Tana uruunu irak ma irao kar ta boozomen ki lele pakaana tina.

Yesu iurpe matan piŋŋan ru mi tomtom kwo munŋana ta

²⁷Yesu izem lele tina, mi ipa ma ila na, tomtom matan piŋŋan ru titoto i ma tila. Mi kaŋan izalla ma tizzo: “O, Dabit Lutuunu, muŋai yam lak!”ⁱ ²⁸Yesu isala pa ruumu, mi matan piŋŋan ru tana tila tuŋ la kini, to ni iwi zin. Iso: “Parei? Niomru kuurla kembei nio aŋrao be aŋurpe motoyom ma ambai?”

Ziru tipekel kwoono ma tiso: “E Merere, niamru amurla ta kembena.” ²⁹To Yesu namaana ila matan mi iso: “Koroŋ ta niomru kuurla, ta ko ipet piom.” ³⁰Ni iso sua tana, mi matan ipeere ma tire kat lele. To Yesu kwoono imbol pizin, beso tila na, tiswe uraata ti uruunu pizin tomtom pepe. ³¹Tamen ziru tizemi mi tila, to tizzo uruunu ma irao lele tana.

^f 9:17 Iŋgo 15:1-29; Ro 10:4; Ibr 8:13 ^g 9:24 Yo 11:11 ^h 9:25 Yo 5:21; Ro 4:17

ⁱ 9:27 Mt 20:29+

³²Wal ru tana tizemi ma tila, mi wal pakan tikam tomtom kwo munjana ta ma imar ki Yesu. Tomtom tana, bubujana sananjana ta ikami ma irao be iso sua som. ³³Yesu iziiri bubujana sananjana tana ma iyooto pini, to tomtom tina iso sua. Mi iwal biibi ta timbot mi tire mos tana na, timurur pa mi tiso: “Ai, ta mungu mungu mi imar i, na mbulu sa ta kembei ipet su Israel som.” ³⁴Tamen zin tutu kan tiso: “Inga sa Belsebul, biibi kizin bubujana sanangan, ta ikamam le mburaana. Tanata izirziiri zin bubujana sanangan ma tiyotyooto.”

Wal uraata kan na, zin rimen

³⁵Yesu iwwa pa kar ta boozomen ma izzoyaryaara uruunu ambaijana pizin tomtom pa peeze ki kar saamba. Kar bibip mi kar munmun tomini. Mi ikamam sua pizin lela lupjana kizin murin, mi iurpewe zin pa mete matakiya ta boozomen. ³⁶Mi ire zin iwal biibi ta patanjana boozomen ikam zin ma mburan imap kat na, timekewe ma timarmar. Tana leleene isaana kat pizin. Pa zin kembei sipsip ta len mborogan somjan i.^j ³⁷Tana iso pa zin nangan kini ma iso: “Kini metmetjana na, biibi kat. Tamen wal uraata kan tabe tikam na, zin rimen.”^k ³⁸Tana kusun kini katuunu be ingo wal uraata kan pakan ma tila be tingaama kini kini.”

Yesu ingo nangan kini laamuru mi ru ma tila pa uraata

(Mk 3:13-19, 6:7-13; Lu 6:12-16, 9:1-6)

10 ¹Kaimer mana Yesu ilup zin nangan kini laamuru mi ru, mi iur zin pa uraata be tila ma tiziiri bubujana sanangan, mibe tiurpe zin tomtom pa mete matakiya ta boozomen.^l ²Ingonjana laamuru mi ru tana zan ta kembei: Mataana kana na Simon, (ta tipaata zaana toro be Petrus na,) mi tiziini Andreas, to Zebedi lutuunu bizin ru, Yems ziru tiziini Yoan, ³to Pilip ma Batolomai, to Tomas ma Matai ta iyyo takesjana i, to Yems ta Alpai lutuunu na, ma Tadeus, ⁴to Simon (ni igabgaaba zin wal ta tisombe tiziiri zin Rom na), mi Yudas Iskariot ta kaimer iur Yesu ila ka koi bizin naman.

⁵Indeeje Yesu ingo zin laamuru mi ru tana be tila ma tisoyaara uruunu ambaijana na, isope zin ta kembei. Iso:

“Niom sombe kala, na kala pizin wal ta Yuda somjan i pepe, mi kelela kar sa kizin Samaria kan pepe.”^m ⁶Kala kizin Israel men. Pa zin na, sipsip ki Anutu ta tisanjan lup kek.”ⁿ ⁷Mi kosoyaara sua pizin ta kembei: ‘Nol tabe peeze ki kar saamba ipet mat, ta ingi igarau kek.’

⁸Kuurpe zin metenjan mi kepei zin meetenjan ma timanga mini. Zin wal ta mbetmbeete sanangan ikam zin na, kuurpe zin ma kulin ingeeze mini.

^j 9:36 Nam 27:17; 1Pe 2:25 ^k 9:37 Lu 10:2; Yo 4:35 ^l 10:1 Mk 6:7; Lu 9:1

^m 10:5 Yo 4:9; Ingo 13:46 ⁿ 10:6 Mt 15:24

Mi kiziiri bubuḡana sananḡan pizin tomtom. Mburaana ta nio aḡkam piom na, niom kingiimi som. Aḡkam piom sorok. Tana niom ta kembena. Sombe kakam uraata pizin tomtom, na koboobo pa leyom kadoono pepe. Kakam pizin sorok.^o ⁹Mi sombe kala, na kapa raama mburu boozo pepe. Kakam moni pepe, ¹⁰pelpee pepe, mburu keenerjana sa pepe, kumbuyom keteene pepe, mi tete pepe. Pa tomtom uraata kana na, ni irao ikam le ulaḡa ila kizin tomtom ta ni ikamam uraata pizin na.^p

¹¹“Sombe kala ma kelela kar sa, to kiwi zin ma so kendeerje tomtom sa ta irao, mi iyok be ikam yom, to kombot kini ma irao kezem kar tana. ¹²Sombe kasala ruumu, to koso pa ka tomtom bizin ta kembei. Koso: ‘Merere ko imboro yom ma kombot ambai!’ ¹³Mi sombe zin tikam yom mi lelen ambai piom, inako pombolḡana tiom tana imbotmbot se kizin. Mi sombe tikampe yom som, nako pombolḡana tana imiili ma ima tiom mini. ¹⁴Mi sombe zin tomtom ki kar sa, som ruumu sa tikam yom som, mi titit yom, na kezem zin ma timboren, mi kitirke ululu pa kumbuyom ma isu lene.^q ¹⁵Nio aḡso kat piom: Indeerje mberḡ kaimer ma Anutu isombe iur kadoono pizin tomtom, na kar tana ko tikam kadoono sananḡana ma ilip pizin Sodom ma Gomora.^r

Nanḡan ki Yesu ko tindeerje patanana

(Mt 24:9-14; Mk 13:9-13; Lu 21:12-19)

¹⁶“Kelerḡ. Niom kembei sipsip ta iḡgi be aḡgo yom ma kala kombot la me malmalḡan mazwan. Tana kere be kakam kat ḡgar mi koto mbulu ta ḡgeezanana men.^s ¹⁷Pa tomtom kola tikam yom ma tipamender yom pa sua, mi tibalis yom lela lupḡana kizin murin. ¹⁸Mi ko tikam yom ma tipamender yom su zin peeze kan mi zin king keren uunu tomini. Paso, niom kototo yo tau. Tamen mbulu tana ko iwe zaala piom be keswe nio zoḡ mi kopombol sua tio ila zin peeze kan matan mi wal boozomen ta Yuda somḡan i matan tomini.^t ¹⁹Mi sombe tikam yom mi tipamender yom la zin bibip matan be titiiri sua tiom, na kopoyom rru mi motoyom rru sua tabe koso i pepe. Pa indeerje ta so tiwisesse yom, na Anutu itunu ko iso yom pa sua tabe koso i. ²⁰Tana ituyom ko koso sua som. Pa Tomoyom Anutu Buburjana, ta ko ikam ḡgar piom mi iso yom pa sua tabe koso i.^u

²¹“Tomtom ko tiur toḡmatizirḡ kizin ila zin bibip naman be tipun zin ma timetmeete. Mi zin kolman ko tikam ta kembena pa lutun bizin. Zin nanḡan ko tizooro taman ma nan bizin, mi tiur zin la zin bibip naman be tipun zin ma timetmeete tomini. ²²Mi tomtom ta boozomen ko tiwe koyom koi. Paso, niom

^o 10:8 ḡgo 20:33+ ^p 10:10 Lu 10:7; 1Kor 9:7+; 1Tim 5:18 ^q 10:14 ḡgo 13:51, 18:6 ^r 10:15 Mt 11:24; Yud 7 ^s 10:16 Lu 10:3; ḡgo 20:29; Ro 16:19; 1Kor 15:32
^t 10:18 ḡgo 26:21+, 27:24 ^u 10:20 Kam 4:12; ḡgo 4:8

kototo yo tau. Tamen tomtom ta sombe ikiskis urlanana kini ma ila indeeje ka swoono, na Anutu ko ikamke i ma imbot ambai.^v ²³Niom sombe kakam uraata isu kar sa mi zin tiseeze motoyom, na koko ma kala pa kar toro. Pa nio anso kat piom: Niom ko kakam uraata pa kar ta boozomen kizin Israel ma imap zen, mi Tomtom Lutuunu kola imar.

²⁴“Nangar ta buri ikamam ngar na, ni irao ilip pa kolman ta ipaute i na som. Mi mbesoongo ta kembena. Ko irao ilip pa biibi kini na som.”^w ²⁵Tana mbulu ta so tikam pa kolman ta ipaute i, inako tikam pini tomini. Mi mbesoongo ta kembena. Mbulu ta so tikam pa biibi kini, inako tikam pini tomini. Tana sombe tipaata zaana Belsebul^x ise ki tomtom ta iwe mataana pa lupjana sa, nako tipasaana wal kini zan tomini ma isaana kat.”^y

Tomoto Anutu itutamen

(Lu 12:2-9)

²⁶“Tana nio anso piom: Komoto zin tomtom pepe. Pa koronjukar ta boozomen na, Anutu ko ipeeze ma borok su. Mi koronjukar, inako kaimeri ni iswe ma ipet kat mat. ²⁷Tana sua ta anso piom la zugut lene na, kozo keswe ma ipet mat pa aigule. Mi sua ta anburum pa ila taljoyom na, kala ma kosoyaara su kar keteene. ²⁸Mi zin wal ta tiso tipun yom ma kemetmeete na, komoto zin pepe. Pa zin sombe tipun yom ma kemeete, ina imap ta tina. Kaimeri na, tirao be tikam kosa sa pa kunuyom mata yaryaraanana na som. Mi Anutu, to komoto i. Pa ni mburaana biibi. Irao be ipasaana tomtom kuliini ramaki kunuunu, mi iziiri i ma ila imbot kar sanaana.”^z

²⁹“Kere. Man kimbinbin ina koronjukar sorok. Irao be tingiimi ru pa pat sijsinjana tamen nonono. Tamen Tomoyom Anutu, ni irao izem tasa ma imeete sorok mi itop su toono na som. ³⁰⁻³¹Mi niom na, ndomoyomjoyom. Kilip pizin man. Uteyom runrun na, Anutu inin ma imap. Tana komoto koyom pepe.”^a

³²“Sombe tomtom sa iswe kembei ni iwe lej ila iwal matan, inako nio tomini answi i kembei ni nangar tio ila Tamar ta imbot kar saamba a mataana. ³³Tamen, sombe tomtom sa iwatkaala nio zong ila iwal matan, inako nio tomini awatkaali ila Tamar ta imbot kar saamba a mataana.”^b

Yesu ko iwe uunu pizin tomtom be tiparyapaala zin

(Lu 12:51-53, 14:26-27)

³⁴“Niom koso nio anmar be anlap zin tomtom ma lenen iwe tamen. Ina som. Pa nio ko anwe uunu pizin be tikam malmal mi tiparyapaala zin ma timbot ndelndelja.

^v 10:22 Tur 2:10 ^w 10:24 Lu 6:40; Yo 13:16, 15:20 ^x 10:25 Zin Yuda tiwatwaata biibi kizin bubujana sanangan zaana be Belsebul, bekana tipamari. Zaana tana ka uunu ta kembei: ‘Biibi kizin lokon.’ ^y 10:25 Mt 9:34, 12:24 ^z 10:28 Yems 4:12
^a 10:30-31 Mt 6:26 ^b 10:33 Mk 8:38; Lu 9:26; 2Tim 2:12

³⁵ Ko aŋkam ma pikin tomooto ziŋan taman bizin tilup zin mini som.
Mi pikin moori ta kembena. Ko ziŋan nan bizin tilup zin mini som.

Mi moori ulanŋan ziŋan rwon moori bizin ko tilup zin mini som.

³⁶ Mi toŋmatizij uunu tamen, nako tiparwe kan koi.^c

³⁷“Tomtom ta so leleene ilip pa naana ma tamaana, mi iur leleene pio pe som, inako irao be iwe nanŋan tio na som. Mi sombe tomtom sa ni leleene ilip pa lutuunu bizin, mi iur leleene pio pe som, ina ni tomini ko irao be iwe nanŋan tio som. ³⁸Mi sombe tomtom sa ikwaara ke pambaaranana kini^d mi ito yo som, inako ni irao be iwe nanŋan tio na som.”^e ³⁹Tomtom ta sombe ikam nŋar biibi pa itunu kuliini men, inako ikam mbotŋana ŋonoono ta ki Anutu i som. Mi tomtom ta sombe izem kat itunu pio, inako ikam mbotŋana ŋonoono ta ki Anutu i.

Tu'uulu Merere wal kini. Naso takam lende kadoono ambaiŋana
(Mk 9:40-42)

⁴⁰“Sombe tomtom sa ikam yom mi iuulu yom pa uunu tau kewe leŋ, ina ni ikam yo tomini. Mi sombe ikam yo, nako ikam Ni ta iŋgo yo ma aŋmar i tomini.”^f ⁴¹Tana tomtom sa isombe ikam Anutu kwoono sa mi iuuli pa uunu tau ni imar pa Anutu zaana, inako ikam kadoono ambaiŋana raraate kembei ta Anutu kwoono tana. Mi sombe tomtom sa ikam tomtom ndeeŋeŋana sa mi iuuli pa uunu tau tomtom tana ni tomtom ndeeŋeŋana, inako ziru tikam kadoono ta Anutu ikamam pizin wal ndeeŋeŋan. ⁴²Nio aŋso kat piom: Sombe tomtom sa ikam yok lomoŋana risa pa nanŋan tio sorokŋana tasa pa uunu tau ni iwe nanŋan tio, na Anutu ko irao mataana mbeleeli na som. Kaimer ni ko ikam tomtom tana le kadoono ambaiŋana.”^g

Yoan iŋgo nanŋan kini ma tila ki Yesu
(Lu 7:18-35)

11 ¹Yesu isope nanŋan kini laamuru mi ru ma imap, to izem lele tana, mi imanŋa ma ila pa kar pakan ki Galilea, be ipaute zin tomtom mi ikam Anutu sua kini pizin.

Yoan iŋgo nanŋan kini ma tila ki Yesu

²Yoan, tomtom ki yok kamŋana, ni imbotmbot lela ruumu sanaana leleene, mi ilenleŋ Kriŋi uruunu pa uraata ta ni ikamam. Tana iŋgo

^c 10:36 Mika 7:6 ^d 10:38 Ke pambaaranana, ina sua tooroŋana pa pataŋana boozomen ta ise kiti pa Kriŋi zaana. ^e 10:38 Mt 16:24+; Mk 8:34+; Yo 12:25 ^f 10:40 Mk 9:37; Lu 10:16; Yo 13:20 ^g 10:42 Mt 25:40; Ibr 6:10

nanġanġ kini pakan ma tila ki Yesu.^h ³Tila tipet kini, to tiwi i ma tiso: “Ulaaŋa tabe imar i, ina nu tau? Som amsa tomtom toro?”ⁱ

⁴Yesu ipekel kwon ma iso: “Sua ta kelejleġ mi uraata ta kerre i, kimiili ma kala, to koso Yoan pa. ⁵Koso pini ta kembei: Matan pisġan tire lele, mi narapeġan timaŋga mi tipa. Kulin mbetmbeeteġan na, kulin ingeeze mini. Mi talġan munġan tileġ sua. Zin ta timetmeete kek na, timaŋga mini, mi uruunu ambaiġana ilala pizin wal sorrokġan ta timbot ŋoobo na.^j ⁶Mi tomtom ta sombe leleene iwe ru pio som, mi ikiskis urlaġana kini, na ni ko leleene ambai pa kampeġana ki Anutu tabe ise kini i.”^k

⁷⁻⁸Yoan nanġanġ kini timiili ma tila, to Yesu iso pizin iwal biibi pa Yoan ma iso: “Indeeġe ta kala lele bilimġana be kere Yoan na, koso ko kere sokorei? Me wiini ta miiri ipamirri i? Som tomtom sa ta iru pa mburu ambaimbaiġan? Ina som. Pa zin wal ta tirru pa mburu ta kembena na, zin timbotmbot raama zin bibip lela ruumu kizin. Irao tizem murin ndabokbokġan tana na som.^l ⁹Lak! Kala be kere sokorei? Anutu kwoono sa, na? Mi kelej. Nio aŋso kat piom: Yoan tina, ni zaana ruk ten ġana pa Anutu kwoono bizin ta boozomen.”^m ¹⁰Ina ni ta tibeede ka sua pataaġa kek ta kembei:

Re. Nio ko aŋgo tomtom tasa be iwe kwoġ.

Mi ni ta ko imuunġu pu mi iurpe zaala pu.”ⁿ

¹¹“Nio aŋso kat piom: Wal boozomen ta nan bizin tipeebe zin su toono ti na, tasa zaana biibi ma ilip pa Yoan ta yok kamġana ka tomtom na som. Tamen tomtom sorokġana sa, isombe ikilaala kat peeze ki kar saamba mi imbot lela, na ni ilip pa Yoan. ¹²Indeeġe ta Yoan tana imaŋga pa uraata kini mi imar na, peeze ki kar saamba, ikamam be per se mat. Mi wal pakan tikam kaisiigi pa.”^o ¹³Tutu mi sua boozomen ta muŋġu Anutu kwoono bizin tiso pa koronġ tabe ipet i, ina imar imap su ta Yoan.^p ¹⁴Mi be kuurla sua kizin, so kikilaala ta kembei: Ilia ta muŋġu tisombe kaimer ko imiili mini na, ina tiso se ki Yoan tau.^q ¹⁵Niom so talġoyom, na kelej sua tio ti mi kakam ġgar pa.”

¹⁶Yesu ikam sua tooronġana ti ma iso: “Inġi ko aŋso parei pizin wal ta koozi timbotmbot i? Wal ti pareiġan? Zin kembei pikin ta timbutultul isu kar keteene, mi tiboboobo la pa waen bizin ma tiso:

¹⁷‘Niam amse kombom piom,
mi niom karak som.
Mi ambo lelaġ,
mi niom kataġ som.’

^h 11:2 Mt 14:3 ⁱ 11:3 Mal 3:1 ^j 11:5 Yesa 29:18, 35:5+, 61:1 ^k 11:6 Mt 13:57,

26:31 ^l 11:7-8 Mt 3:5, 6:29 ^m 11:9 Lu 1:76 ⁿ 11:10 Mal 3:1; Mk 1:2 ^o 11:12 Lu 16:16

^p 11:13 Ro 10:4; Ibr 8:13 ^q 11:14 Mal 4:5; Mt 17:10+; Mk 9:11+

18 “Pa Yoan imar na, igabgaaba zin tomtom pa baen winjana mi kini kanjana na som. Tamen tomtom lenen pini som, mi tisombe ni bubugana sananjan izeebi. 19 To Tomtom Lutuunu imar, mi ikanan mi iwinin. Mi ni tomini, tomtom lenen pini som, mi tisombe: ‘Inggi to ta igabgaaba zin wal sananjan mi zin ta tiyyo takesjan i, mi zijan timbel kini kanjana ma baen winjana.’ Tamen Anutu ngar kini, ina indeenje men. Kere mbulu ta ngar kini ipiyotyooto, to kikilaala.”^r

Yesu iyaamba kar pakan ki Galilea

(Lu 10:13-15)

20 Kar pakan na, Yesu imbel mos kamjana pizin kek. Tamen zin tiurla kini som, mi titooro lenen som. Tana isu to iyaamba zin. 21 Iso: “Oora, niom Korazin koyom mi Betsaida koyom na, tembel yom kek! Mos bibip ta tipet su kar tiom na, kozobe zin wal matan munjan ki kar Tiro ma Sidon tire koron sa ta kembei, so lenen ipata pa sanaana kizin ma tingun muungu pa, mi titooro lenen ta alok kek.” 22 Nio anso piom. Indeenje mben kaimer ma Anutu isombe iur kadoono pizin tomtom, na ni ko leleene imiili ri pizin. Tamen niom, nako som kat.

23 “Mi niom Kapenaum koyom na, niom koso Anutu ko iwit yom ma kasala kar saamba. Som kat! Niom ko kusula ta kar sanaana a. Pa niom kembel uraata bibip rejana kek. Mi be mungu zin Sodom kan tire mos boozomen ta kembei, so ra, tila len som, mi kar Sodom imbotmbot men. 24 Nio anso kat piom. Indeenje mben kaimer, mi Anutu isombe iur kadoono pizin tomtom, nako leleene imiili ri pizin. Tamen niom, nako som kat.”^t

Yesu ko iuulu iti be ketende su

(Lu 10:21,22)

25 Indeenje mazwaana tana, Yesu isu mi iso: “O Tamaŋ, nu ta Merere ki saamba mi toono, nio anpakuru. Pa koron ta nu turke pizin wal ngarjan, ina nu swe pizin wal ta len ngar biibi som ma kembei ta zin pikin i. Tabe zin timbot mat pa.” 26 E, Tamaŋ, ina nu itum lelem tau. 27 Koron ta mungaana men, ta Tamaŋ iur mar nomon kek. Tomtom sa kuliini irou kat Lutuunu som. Tamaana ituta. Mi Tamaana ta kembena. Tomtom sa kuliini irou kati som. Lutuunu itutamen, mi zin tau Lutuunu leleene be iswe Tamaana pizin na, zin men tina ta tiute i.”^v

28 To Yesu iso mini ma iso: “Niom wal ta kembel uraata mi kabadbaada patajana boozomen na, kamar tio mibe aguulu yom ma keteyom isu.”

29 Kagaaba yo, mi kakam ngar imar tio. Nio itun ko anpakiiri yom pa

^r 11:19 Lu 5:29+, 15:1+ ^s 11:21 Yona 3:6 ^t 11:24 Mt 10:15 ^u 11:25 1Kor 1:26+

^v 11:27 Mt 28:18; Yo 3:35, 10:15, 17:2 ^w 11:28 Yer 31:25; Mt 12:20

mbulu tio. Naso itijan tapa raraate kembei bapalo ru ta tikamam uraata ila mbata i, mi anjamarra patanjana tiom, mi ankam yom ma keteyom isu. Pa nio tomtom luumuŋon mi leŋ ngerŋon. ³⁰Tana nio sombe ankam peeze piom mi kagaaba yo ma itijan tapa raraate, inako ipata piom som. Mi uraata tabe ankam ma ise tiom, ina rauraujana.”^x

Yesu ta imborro aigule potomjana

(Mk 2:23-28; Lu 6:1-5)

12 ¹Indeeŋe aigule potomjana tabe zin Yuda keten su pa na, Yesu ziŋan nanŋaŋ kini tiwwa pa zaala ta ila pa kini wit lene. Mi nanŋaŋ kini petel zin. Tana tiwwa ma tila, mi tikewe ŋonon pakan mi tikanan. ²Mi tutu kan pakan tire zin, to timaŋga mi tiso pa Yesu. Tiso: “Ai re. Ingi sa aigule potomjana tabe ketende su pa i! Nanŋaŋ ku tina tikewe wit ŋonon paso? Mbulu ta kembei, tutu ingalsek pa.”^y

³⁻⁴To Yesu ipekel kwon ma iso: “Sua ta iso pa mazwaana ta king Dabit ziŋan wal kini petel zin ma tiru zalan na, niom kapaata som? Sua tana iso ta kembei: Mazwaana tana, Dabit ilela beeze ki Anutu, mi ikan narabu potomjana ta tiurur la Anutu kereene uunu na. Narabu tana, ka ngalsekiŋana. Pa tutu iso zin patoronjana kan men ta tirao be tikan. Mi som. Dabit ikam ma ikan, mi ikam pizin wal kini ma tikan tomini. Mi ka sua sa som.”^z ⁵Mi sua ta tutu iso pa uraata kizin patoronjana kan na tomini, niom kapaata som? Aigule potomjan boozomen tabe ketende su pa i, na zin tikamam uraata lela Urum Merere. Tana zin tomini timololo aigule tana ka tutu. Tamen len uunu sa pa mbulu kizin tana som. Kere kek?”^a ⁶Mi nio anso kat piom: Koron ta ilip pa Urum Merere, ta koozi imbotmbot ti. ⁷Anutu sua kini iso ta kembei: ‘Nio leleŋ ilip pa mbulu ki muŋaijana. Mi patoronjana na, ankamam ngar pa pe som.’ Mibe kikilaala kat sua ti uunu, so irao kaŋgal sorok nanŋaŋ tio matan na som. Zin len uunu sa isaana som.”^b ⁸Pa aigule potomjana tabe ketende su pa i, Tomtom Lutuunu ta imborro.”^c

Yesu iurpe tomtom nama kaamaŋana pa aigule potomjana

(Mk 3:1-6; Lu 6:6-11)

⁹Yesu izem lele tina, mi ila ma ilela lupjana muriini kizin. ¹⁰Mi tomtom nama kaamaŋana ta, ni imbotmbot lela lupjana tana tomini. Mi tutu kan pakan ta ziŋan timbotmbot na, zin tiso titoombo Yesu. Beso imolo aigule potomjana tabe keten su pa i ka tutu, tonabe iwe le uunu be tiŋgal mataana pa. Tana tisu to tiwi i. Tiso: “Lak, tutu kiti iso

^x 11:30 1Yo 5:3 ^y 12:2 Kam 20:10, 34:21 ^z 12:3-4 1Sam 21:1+ ^a 12:5 Nam 28:9+

^b 12:7 Hos 6:6; Mt 9:13 ^c 12:8 Kol 2:16-17

parei? Irao be tuurpe zin tomtom ma nin ambai pa aigule potomjana tabe ketende su pa i, som som?”^d

¹¹ Yesu ipekel kwon ma iso: “Parei, sombe tiom tasa le sipsip tamen ŋonoono, mi sipsip kini tana itop sula toono sumbuunu pa aigule potomjana tabe ketende su pa i, ko ikeeni ma ise som? Som. Ko ikeeni ma ise.”^e ¹² Mi iti tomtom na, tilip pizin mbili. Tana iti sombe tu'uulu zin tomtom pa aigule potomjana tabe ketende su pa i, na tomolo tutu som.”¹³ Tona iso pa tomtom nama kaamanjana tina ma iso: “Swooro nomom.” Beso iswooro namaana na, ambai kembei ta namaana toro. ¹⁴ Tabe zin tutu kan tana tizem lupjana muriini, mi tila ma tilup zin mi timbuuru kana be tipuni ma imeete.^f

Yesu, ni Anutu mbesooŋo kini

¹⁵ Mi Yesu, ni ikam la pa ngar kizin tutu kan kek. Tana izem lele tina mi ila lene. Mi iwal biibi ta tito i ma zijan tila. Mi Yesu iurpewe metegan kizin ta boozomen ma nin ambai. ¹⁶ Mi ingalsek pizin be tiswe uruunu ma ipet mat pepe. ¹⁷ Tana sua ta muŋgu Anutu kwoono Yesaya iso na, iur ŋonoono. Sua ta kembei:

¹⁸ Kere mbesooŋo tio taiŋgi. Nio ituj aŋroogi,
mi leleŋ ambai pini, mi leleŋ pini ilip kat.
Nio ko aŋkam Bubuoŋ ma isalakaali.
Mi ni ko ipaute zin wal ta Yuda somjan i pa mbulu ndeeŋjana ki Anutu.^g ¹⁹ Kaljaana ko izalla ma biibi som.

Mi zijan zin tomtom ko tiparkam siloogo pa sua som.
Kaljaana ko isala mi ipamaala itunu isu kar keteene na som.

²⁰ Zin wal ta patajana ipun zin ma mburan imap na, ni ko ikam patajana toro sa ma isalakaala zin som.
Mi zin wal ta mburan ikamam be imap na, ni ko ipayaryaara zin mini.

Mi ko inoknok ta kembena ma irao koronj ta boozomen timap ma tito mbulu ndeeŋjana ki Anutu.

²¹ Tana uruunu ko irak ma irao toono ta boozomen, mi zin wal ta Yuda somjan i ko tiur matan pini mi tipase pini.^h

Tisombe Yesu ikam Sadan mburaana (Mk 3:20-30; Lu 11:14-23)

²² Kaimer to tikam tomtom ta ma ila ki Yesu. Tomtom tana, bubujana sananjan iru pini, mi ikami ma mataana ipis mi kwoono imun. Mi Yesu iurpe i, to mataana ire lele mi iso sua mini. ²³ Zin iwal tire mbulu tina

^d 12:10 Lu 14:3 ^e 12:11 Lu 14:5 ^f 12:14 Yo 5:16 ^g 12:18 Yesa 42:1+; Mt 3:17

^h 12:21 Ro 15:12

na, kwon itaanda pa mi tiso ta kembei: “Ai, tomtom ti, ko Dabit Lutuunuⁱ som?”

²⁴ Zin tutu kan tilerj sua tina na, timanga mi tiso: “A ni, Belsebul ipombolmboli, tanata le mburaana be iziiri zin bubuana sananjan. Ingi biibi kizin bubuana sananjan uraata kini tau.”

²⁵ Mi Yesu, ni iute ngar kizin kek. Tana iso pizin ma iso: “Parei, lele sa, sombe ka tomtom bizin tibalak mi tiparkam malmal pizin, ko lele tana imbot ambai? Som. Ko isaana. Mi kar sa, som ruumu sa, ta kembena. Sombe tikam ta kembei, inako timbot ambai som. ²⁶ Sombe Sadan iurur koi pa itunu wal kini, mi izirziiri zin, nako peeze kini imbot ambai be parei? Som. ²⁷ Lak, anwi yom. Sombe Belsebul ta ipombolmbol yo mi anzirziiri zin bubuana sananjan, na parei pa nanjan tiom ta tizirziiri zin na? Asij ipombolmbol zin? Sua ta kipiri pio, ta imiili pa ituyom mi iswe ngar tiom sananjan. ²⁸ Tamen sombe Anutu Bubuna ta ipombolmbol yo mi anzirziiri zin bubuana sananjan, na ingi peeze ki Anutu ipet mat ma imbot la mazwoyom kek.^j

²⁹ “Parei, ko tomtom sa irao be ilela sorok ruumu ki tomtom ta ni mburaana biibi na, mi iyo mburu kini? Som. Bela ipun ruumu katuunu ma mburaana imap, mi ipo namaana ma kumbuunu, tona irao iyo koronj kini ta boozomen.^k

³⁰ “Tomtom ta so igabgaaba yo som, ina iwe konj koi. Mi sombe tomtom sa, ni iuluulu yo be anluplup zin tomtom som, na ni kembei iyangwirngwiiri zin.^l ³¹ Tana nio anso piom ta kembei: Sanaana ta boozomen kizin tomtom, mi sua sananjan boozomen ta tiwirri pa Anutu na, ni irao ireege pizin. Tamen sua sananjan ta so tipiri pa Bubuna Potomjana, inako Anutu ireege pizin na som.^m ³² Tana tomtom sa isombe igiibi sua sananjan pa Tomtom Lutuunu, na sanaana kini tina, Anutu ko irao ireege pini. Tamen sombe ipiri sua sananjan pa Bubuna Potomjana, na Anutu ko ireege pini som. Som ma som kat. Ko imbotmbot ma alok.”

Ke gonoono ta iswe ke pareijana

(Lu 6:43-45)

³³ Yesu iso mini ma isombe: “Ke sa, sombe ipiyotyooto gonoono ambaijana, to toso ina ke ambaijana. Mi sombe gonoono ambai som, to toso ina ke sananjan. Pa ke gonoono ta izzwe ke tina pareijana. ³⁴ Mooto sananjan lutuunu bizin ta niom na! Ko karao be koso sua ambaijana sa ma ipet pa kwoyom na som. Pa leleyom na, bok pa ngar

ⁱ 12:23 Sua kizin Yuda ta Dabit Lutuunu na, iswe kembei zin tiso Yesu, ni Mesia. Pa Mesia bela iyooto pa Dabit poponjana kini. ^j 12:28 Igo 10:38 ^k 12:29 Kol 2:15; 1Yo 3:8, 4:4; Tur 20:2 ^l 12:30 Mk 9:40; Lu 9:50 ^m 12:31 1Tim 1:13; Ibr 6:4+, 10:26+

sananjana. Mi ngar ta imbotmbot la lelede ta iwedet pa kwondo.”

³⁵Tomtom ambaijana, ni leleene bok pa ngar ambaijana. Tana ipiyotyoto mbulu ambaimbaijan ma iwedet. Mi tomtom sananjana na, ni leleene bok pa ngar sananjana. Tana ipiyotyoto mbulu sananjan ma iwedet.

³⁶“Mi nio anso kat piom. Indeeje mberj kaimer na, Anutu ko ipamender zin tomtom, mi iwi zin pa sua soroksorok boozomen ta mungu iwedet pa kwon na, mi iur kadoono pa. ³⁷Tana itum sua ku ta ko iswe u. Sombe sua ku ambai, nako Anutu ire u kembei lem uunu sa isaana som. Mi sombe sua ku ambai som, nako lem uunu mi ni iur kadoono pu.”^o

Yona iwe kilalan pa mbulu tabe ipet pa Yesu
(Mk 8:11-12; Lu 11:29-32)

³⁸Yesu iso sua tana ma imap, tona zin tutu kan mi zin ngarjan ki tutu pakan tiso pini ma tiso: “Mos katuunu, niam amso amre nu tooro mos sa! Naso amurla ku.”

³⁹Mi Yesu ipekel kwon ma iso: “Wais, niom tomtom ta koozi kombotmbot i, niom sananjayom kat. Sua ta kumbuk pa Anutu na, kipizil ndemeyom pa kek. Pa koso kere kat mos sa pa motoyom, to kuurla. Mi mos kembei ta mungu ipet pa Anutu kwoono Yona na, mos tamen tina ta ko Anutu ikam piom. ⁴⁰Ni imbot la ye biibi kopoono pa aigule tel. Mi mbulu raraate men ta ko ipet pa Tomtom Lutuunu. Pa ni ko imbot sula toono leleene pa aigule tel.”^p ⁴¹Indeeje mberj kaimer ma Anutu iso iur kadoono pizin tomtom na, zin Ninibe kan ziyan zin tomtom ta koozi timbotmbot na, ko timanga. Mi zin Ninibe kan ko tingal matan. Pa mungu zin tilej sua ki Yona, mi titooro lenen. Mi ingi tomtom ta ilip pa Yona, ta koozi imbotmbot i. Tamen tomtom tilej la sua kini som.”^q

⁴²“Mi moori zaanajana ta mungu ikamam peeze pa lele pakaana ta mbuleene kat na, ni tomini ziyan zin tomtom ta koozi timbotmbot i ko timanga. Mi ni ko ingal matan pa zorojana kizin. Paso, ni iute Anutu som. Tamen imbel pai pa lele molo mi imar, bekana ilej ngar ta Anutu ikam pa king Salumo na. Mi ingi tomtom ta ilip pa Salumo, ta koozi imbotmbot i.”^r

Sua toorojana pa bubujana sananjana ta ila mi imiili mini
(Lu 11:24-26)

⁴³Mi Yesu iso pizin mini ma iso: “Bubujana sananjana sa, sombe iru pa tomtom sa mi iyoto mini, inako iwwa le sorok pa lele bilimjana mi iru muriini sa be keteene isu. ⁴⁴Mi sombe iru ma som, nako iso: ‘A, ingi

ⁿ 12:34 Mt 3:7, 15:18 ^o 12:37 Yems 3:2 ^p 12:40 Yona 1:17 ^q 12:41 Yona 3:5

^r 12:42 1Kin 10:1+

ko an̄miili ma an̄la an̄lou muriŋ munguŋana mini!’ Mi so imiili ma ila na ire kembei tiurpe ma tisiiri ma in̄geeze kek, mi ikolkol ma imbotmbot, ⁴⁵nako ila mini mi iyo waene bizin lamata mi ru tomen ta tilip pini pa mbulu sanan̄jana na, ma ziŋan timar mi tiru pa tomtom tana ma timbotmbot. Tabe ni isaana kat. Mungu na pe som. Mi in̄gi be isaana ma isaana kat. Zin wal sanan̄jan ta koozi timbotmbot i, na mbulu raraate men ta ko ipet pizin.”^s

Yesu naana mi toŋmatiziŋ kini

(Mk 3:31-35; Lu 8:19-21)

⁴⁶Yesu ikamam sua pizin iwal biibi ma imbotmbot, mi naana ziŋan tiziini bizin timar tipet. Timbot mat mi tiso tire i. ⁴⁷Tana tomtom ta, iso pini ma iso: “Ai, nom ma tizim bizin ta timar timbotmbot mat a. Mi lenen be tire u.”

⁴⁸Yesu ipekel kwoono ma iso: “Anan̄ ma tiziŋ bizin ziŋoi?” ⁴⁹Tona isara namaana ila kizin nan̄gan̄ kini mi iso: “Wal ti, ta nio anan̄ ma tiziŋ bizin. ⁵⁰Pa zin wal ta so titoto Tamaŋ ta imbotmbot saamba a leleene, ina zin ta tiwe nio anan̄ mi tiziŋ mi luŋri bizin.”^t

Sua tooroŋana pa kini iweniwen tiyaaraŋana

(Mk 4:1-20; Lu 8:4-8)

13 ¹Indeeŋe aigule tana na, Yesu izem ruumu, mi ipa ma isula pa tai Galilea. To mbuleene isu peende mi ikamam sua pizin tomtom.

²Molo som na, iwal biibi timar ma timokor la kini. Tabe ni ilu i se woongo mi mbuleene isu, mi tipuzuuru woongo ma iperae ŋana ri. Mi zin iwal biibi tana timaramraama su peende be tileŋ sua kini. ³Mi Yesu iso zin pa koron̄ boozomen ila sua tooroŋan. Iso pizin ta kembei:

“Lwoono ta na, tomtom ta, ni ikam kini iweniwen mi ila mokleene kini be itiyaara. ⁴Itiyaryaara ma ila na, pakan titoptop su zaala keteene. Mi man timar ma tire su pa, to tiŋa kan ma tila. ⁵Mi pakan na, titoptop su toono ta ran̄ biibi imbot meleebe na. Tana karau men mi tindomdom. ⁶Beso zoŋ ise ma mataana kat, to run imelle ma timetmeete. Paso, toono biibi som, tana uran isula kat toono leleene som. ⁷Mi pakan na, titoptop su toono pakaana ta worwooro matanmatan̄jan tindomdom pa i. Beso wooro tindom na, tikaukau kini tana ma isaana. ⁸Mi pakan na, titoptop su toono pakaana ta ambaiŋana. Tana tise ambai ma tiur ŋonoono. Kiini pakan tiur ŋonon booze, pakan booze kat, mi pakan booze ma ilip.” ⁹Mi Yesu ipemet sua kini ma iso: “Niom so talŋoyom, na keŋeŋ sua ti mi kakam ŋgar pa.”

^s 12:45 Yo 5:14; Ibr 6:4+; 2Pe 2:20+ ^t 12:50 Yo 15:14+; Ro 8:29; Ibr 2:11+

Uunu ta Yesu ikamam sua ila sua tooroŋan
(*Mk 4:10-12; Lu 8:9-10*)

¹⁰Kaimer mana nanŋaŋ kini timar kini mi tiwi i. Tiso: “Parei ta nu kamam sua pizin tomtom ila sua tooroŋan men?” ¹¹Yesu ipekel kwon ma iso: “Munŋu peeze ki kar saamba na, ka ŋgar turkeŋana. Mi ingi Anutu isombe ipeeze ŋgar tana ma imbot mat piom. Mi wal pakan na, ni leleene be ipeeze ma imbot mat pizin som.” ¹²Pa tomtom ta sombe ileŋ sua ki Anutu mi iurla, nako Anutu ikam le ŋgar pakan ma isala ki, beken a tomtom tana irao kat pa ŋgar. Tamen ni ta ileŋ, mi iurla som na, ŋgar kini musaari tina, Anutu kola itatke pini.” ¹³Tana uunu tau aŋkamam sua pizin ila sua tooroŋan men, ina ta kembei:

Matan irre, mi tikilaala som.

Mi talŋan ileŋleŋ, tamen tikam kat ŋgar pa ka uunu som.”

¹⁴Tana sua ki Anutu kwoono Yesaya iur ŋonoono ise kizin. Sua ta kembei:

Niom ko kungun talŋoyom ma keŋleŋleŋ sua.

Tamen ko kakam ŋgar pa ka uunu som.

Mi ko kerre pa motoyom.

Tamen ko kikilaala som.^x ¹⁵Paso, wal ti ŋgar kizin imbol kat, mi len be tikilaala som.

Tana sua ta talŋan ikamam na, tileŋ la som.

Mi tipumun matan, tabe tire som.

Mi be len be tikam kat ŋgar, so matan ire, mi tileŋ la sua ta talŋan ikamam na mi tikilaala.

To titooro len mi aŋurpe zin.

¹⁶“Mi niom na, leleyom ambai pa kampeŋana ta ise tiom. Paso, koron ta niom kere ki motoyom mi keŋleŋ kat pa talŋoyom, ina ipei ŋgar tiom kek.” ¹⁷Pa nio aŋso kat piom: Munŋu Anutu kwoono bizin booŋo ziŋan wal kini ndeŋeŋan pakan len ilip be tire koron ta niom kerre i. Tamen tire som. Mi len be tileŋ koron ta niom keŋleŋleŋ i. Tamen tileŋ som.”

Yesu ipeeze sua ta ni itooro pa kini iweniwen tiyaaraŋana
(*Mk 4:13-20; Lu 8:11-15*)

¹⁸Mi Yesu iso mini ma iso: “Keŋleŋ! Sua tooroŋana ta aŋkam pa tomtom ta itiyaara kini iweniwen na, ka uunu ta kembei. ¹⁹Kini iweniwen ta titoptop su zaala keteene, ina ise kizin wal ta tileŋ sua pa peeze ki kar

^u **13:11** 1Yo 2:27 ^v **13:12** Mt 25:29; Mk 4:25; Lu 19:26 ^w **13:13** Lo 29:4

^x **13:14** Yesa 6:9+; Yo 12:39+; Iŋgo 28:25+ ^y **13:16** Lu 10:23+

saamba, mi tamen ipei ngar kizin som. Tabe Tomtom Sanaana imar ma itatke sua ta tileŋ na. ²⁰Mi kini iweniwen ta titoptop su toono ta raŋ biibi imbot pa meleebe na, ina ise kizin wal ta tileŋ Anutu sua kini, mi loŋa men tikan la mi menmeen zin pa. ²¹Tamen sua tina isula kat pa lelen som. Tana patanana sa isombe indeeŋe zin, som sua ki Anutu iwe uunu pa wal pakan be tiseeze matan, to loŋa men mi tizem urlanana kizin. ²²Mi kini iweniwen ta titoptop su lele ta worwooro matanmatanŋan tindomdom pa i, ina ise kizin wal ta tileŋ sua ki Anutu, mi tamen tikam ngar biibi mete pa koron ki toono ma matan berber pa koron bozboozo. Tabe koron soroksorok tina ikaukau zin ma urlanana kizin ipiyooto ŋonoono ambaiŋana sa som.^z ²³Mi kini iweniwen ta titoptop su toono ambaiŋana na, ina ise kizin wal ta tileŋ la sua ki Anutu mi tikam ngar pa. Tabe urlanana kizin ipiyooto ka ŋonoono. Pakan tipiyooto uraata ambaimbaiŋan booza, pakan booza kat, mi pakan booza ma ilip.”^a

Sua tooroŋana pa ro sananŋana ta ise pa mokleene

²⁴To Yesu ikam sua tooroŋana toro pizin. Iso: “Peeze ki kar saamba na, ka mbulu kembei tomtom tau ikam kini iweniwen tau ambaimbaiŋan ma ipaaza sula mokleene kini. ²⁵Mbeŋ ma zin tikeene, mi ka koi imar mi ikam ro sananŋana iweniwen mi ipaaza sula mokleene tana tomini raama kini ambaimbaiŋan. To iko ma ila lene. ²⁶Beso kini tina indom ma ise, na ro ise ramaki. ²⁷Tana zin uraata kan tila ma tisotaara mokleene katuunu. Tiso: ‘Biibi, nu paaza kini iweniwen ambaimbaiŋan men. Parei ta ro sananŋan taŋgi tise tomini?’ ²⁸Ni ipekel kwon ma iso: ‘Inako koron koi sa ma koron.’ Tana zin uraata kan tiwi i ma tiso: ‘Kenako parei? Ko amla ma ampuru ro sananŋan ma tila len?’ ²⁹To ni ipekel kwon ma iso: ‘E-e, kembena pepe. Timbot ta kembena. Kokena kupuru ramaki kini ambaiŋana. ³⁰Kezem zin ma timbot ma irao gorgor ki kini ŋgaamanana. Tonabe tikilaala kat zin. Pa nio ko anso pizin uraata kan be tipuru zin munŋu ma tipezekat, mi tigiibi sala you. Mana kaimer to tila tikam kini ŋonoono, mi tindou lela diditu tio.”^b

Sua tooroŋana pa mastet

(Mk 4:30-32; Lu 13:18-19)

³¹To Yesu ikam sua tooroŋana toro pizin. Iso: “Peeze ki kar saamba na, ka mbulu kembei mastet iweene musaari ta tomtom ikam mi ila ipaaza sula mokleene kini. ³²Koron tina na somto kat pa koron iweniwen ta boozomen. Tamenombe indom ma ise, na isala ma ilip pa zeere boozomen ma iwe kembei ta ke i, mi iur namannaman booza. Tana zin man tila ma tipo len ŋgini isala.”^c

^z 13:22 1Tim 6:9-17; 2Tim 4:10 ^a 13:23 Yems 1:25 ^b 13:30 Mt 3:12 ^c 13:32 Mt 24:14

Sua toorogana pa yis
(Lu 13:20-21)

³³Mi Yesu ikam sua toorogana taingi pizin tomini. Iso: “Peeze ki kar saamba na, ka mbulu kembei ta yis. Sombe moori sa ikam mi itooro raama palawa, to korog ri tana irao izil pa palawa biibi ma imap.”

³⁴Sua ta boozomen tana Yesu ikam pizin iwal biibi ila sua toorogan men. Mi iswe kat pizin som. ³⁵Tana sua ki Anutu kwoono iur ngonono. Sua ta kembei:

Kwoŋ ko ikaaga mi aŋkam sua pizin tomtom ila sua toorogan men. Indeeŋe Anutu iur saamba mi toono, mi imar indeeŋe koozi na, korog pakan ike.
Mi nio ko aŋpeeze ka ŋgar ma ipet mat.^d

Yesu ipeeze sua ta ni itooro pa ro sananjan

³⁶Yesu izem iwal biibi tana, mi ila pa ruumu, to nanganj kini tila kini mi tiwi i. Tiso: “Sua ta nu tooro pa ro sananjana na, peeze ka uunu piam.”

³⁷Tana Yesu iso: “Tomtom ta ipaaza kini iweniwen ambaimbaijan na, Tomtom Lutuunu tau. ³⁸Mi mokleene, ina toono ti. Mi kini iweniwen ambaimbaijan, ina zin wal ta titoto peeze ki kar saamba. Mi ro sananjan, ina zin tau titoto peeze ki Tomtom Sanaana.^e ³⁹Tomtom tana ka koi ta ipaaza ro sananjan isula mokleene, ina Tomtom Sanaana. Mi gorgor ki kini ngaamanjana, ina toono swoono. Mi zin uraata kan, ina zin aŋela. ⁴⁰Indeeŋe toono swoono, nako tikam pizin wal sananjan kembei ta zin uraata kan tikam pa ro sananjan tana. Ko tilup zin mi tipiri zin sala you ma ikan. ⁴¹Pa Tomtom Lutuunu ko ingo zin aŋela kini be tiyo wal boozomen ta timololo tutu na, mi zin wal ta tiyaryaaru zin tomtom ma titoptop pa sanaana na. Kokena tigaaba zin wal ta timbot lela peeze kini leleene.^f ⁴²Mi ko tipiri zin sula you sananjana leleene, to tiyeryer ma zoŋon ŋekŋek ma timbotmbot.^g ⁴³Mi zin wal ndeeŋejan ki Anutu, nako kan azuŋka biibi kembei ta zoŋ, mi timbotmbot lela kar ki Taman Anutu. Niom sombe talŋoyom, na kelej sua tio ti mi kakam ŋgar pa!”^h

Sua toorogana pa tomtom ta indeeŋe korog ndabokjana

⁴⁴Mi Yesu iso mini ma iso: “Peeze ki kar saamba na, ka mbulu kembei ta tomtom ta iwwa pa lele pakaana ta ma indeeŋe korog ndabokjana kat. Tana ikel toono, mi iturke korog tana ma imbot. To ila raama menmeeni, mi ikam korog kini ta boozomen ma ingomoono zin lup, beken a ingiimi toono tana ramaki korog tana ma iwe lene.

^d 13:35 Mbo 78:2 ^e 13:38 1Yo 3:10 ^f 13:41 Mt 24:31 ^g 13:42 Mt 8:12

^h 13:43 Dan 12:3; 1Kor 15:40+

Sua toorojana pa natabu

⁴⁵“Mi peeze ki kar saamba na, ka mbulu kembei ta tomtom tau irru natabu ndabokjana kat be ingiimi. ⁴⁶Sombe indeeje tasa ta ambaijana kat, inako ila mi ingomoono koronj kini ta munjana men bekena ingiimi natabu tana ma iwe lene.

Sua toorojana pa pu

⁴⁷“Mi peeze ki kar saamba na, ka mbulu kembei ta pu ye tau zin wal ye kan tila tipiri sula tai mi tiraara. Mi ye matakina booze tila titi la pu tana. ⁴⁸Yeombe tila pu ma sik, to wal ye kan tiyaaru ma tilela peende. Tona tikinke zin ye pa pu, mi tipitpeleele zin ma tila ndelndelja. Ye ambaimbajan, to tiyo zin sula ngamar. Mi sananjan na, tipiri zin ma tila len. ⁴⁹Indeeje toono swoono na, mbulu raraate men ta ko ipet pizin tomtom. Pa Anutu ajela kini ko tisu ma tipitpeleele zin tomtom. Wal ambaimbajan ko tila ndel, sananjan tila ndel. ⁵⁰Tona zin ko tipiri zin wal sananjan sula you lelene ma you ikan zin ma tiyeryer mi zojon nekjek ma timbotmbot.”ⁱ

Sua pemetjana

⁵¹Yesu iso sua ma imap, to iwi zin nanganj kini ma iso: “Parei, sua ta anizzo na, kakam ngar pa ma imap?” Mi zin tiso: “E, niam amkam ngar pa kek.” ⁵²To ni ipekel kwon ma iso: “Tana zin ngarjan ki tutu ta so ngar kizin ipet mi tito peeze ki kar saamba, na zin ko tirao be tipaute zin tomtom pa sua mungujan mi sua popojana tomini. Kembei ta ruumu katuunu tau iweene koronj mungujan mi koronj popojan pa diditu kini.”

Zin Nasaret kan tiurla ki Yesu som mi tirepiili i

(Mk 6:1-6; Lu 4:16-30)

⁵³Yesu ikam sua toorojana ta boozomen tana ma imap, to izem lele tina, ⁵⁴mi imiili ma ila pa itunu kar kini. Mi ilela lupjana muriini mi ikamam sua pizin tomtom. Mi wal ta tilej sua kini na, timurur pa ngar kini ma tiso: “Wai, asij ipaute tomtom ti, ta le ngar biibi ta kembei? Mi ni ikam mburaana biibi swoi, ta irao ikam uraata bibip ta kembei?”^j ⁵⁵E-e, ni kar toro sa bekena takankaana pini? To ti tamaana, ni tomtom ki iwwo ruumu. Mi naana Maria tau. Mi tiziini bizin ta Yems, Yosep, Simon mi Yudas.^k ⁵⁶Mi lunuri bizin tomini ta itijan tombotmbot i. Ko ni ikam ngar mi mburaana tingi be parei?” ⁵⁷Tana tirepiili i mi tiurla kini som.

Mi Yesu iso pizin ma iso: “Anutu kwoono sa,ombe ikam uraata su itunu lele kini, nako tomtom matan pasomi. Miombe ikam uraata pa

ⁱ 13:50 Mt 13:42 ^j 13:54 Yo 7:15 ^k 13:55 Yo 6:42

itunu wal kini, nako tirepiili i. Mi sombe ila lele toro, tona len nger pini mi tiwit uruunu.”¹ 58 Tana ni itooro mos boozo pe som isu kar kini. Paso, zin tiurla kini som.

Yoan ta yok kamjana ka tomtom na, imeete

(Mk 6:14-29; Lu 9:7-9)

14 ¹Indeeŋe tana, Erot, biibi ta imboro lele pakaana ki Galilea na, ileŋ Yesu uruunu. Tana iso pizin menderjan kini ma iso: ²“Ingga ko Yoan som? Ni ta mungu ikamam yok pizin tomtom mi imeete kek, ta ko imangga mini a? Tanata le mburaana biibi kat.”

³⁻⁴Erot iso sua tana paso, ikam ngar pa mbulu ta ikam pa Yoan na. Pa Erot iwoolo kana toono Pilip kusiini, zaana Erodias. Tana Yoan ilala ki Erot, mi iyamyaambi ma izzo pini ta kembei. Iso: ‘Mbulu ta kam pa tom Pilip kusiini, ina nu molo tutu.’ Tana Erot iso mi tikam Yoan ma tila tipo i, mi tiuri lela ruumu sanaana ma imbotmbot.”^m ⁵Mi Erot, ni leleene be ipun Yoan ma imeete. Tamen imoto kana pizin Yuda. Pa zin tire Yoan kembei ni Anutu kwoono.”

⁶Erot imbotmbot ma indeeŋe mbeŋ kini ta naana ikami pa na, to ikam kini biibi. Tikanan ma tiwinin ma timbotmbot, mi Erodias lutuunu moori ilela ruumu mi irak su keren uunu ma ambai kat. Tabe ipas Erot keteene, ⁷mi imbuk sua mboljana pini. Iso: “Ŋonoono kat. Koron ta nu so lelem pa, nako ankam pu.” Mi ipombol sua kini tina ma imbol kat.

⁸Morri tina ila ki naana Erodias, to naana isokere i mi iso pini be ikam Yoan uteene. Tana ito naana kaljana, mi iso pa Erot ta kembei. Iso: “Yoan ta yok kamjana ka tomtom na, nio leleŋ be yembut ngureene, mi uteene isula timbiiri, mi imar tio ti.”

⁹King ileŋ sua tina na, leleene ipata. Tamen irao be itit kaljana na som. Pa ipombol sua ma iso ŋonoono kat ila wal biibi tina matan ma tileŋ kek. ¹⁰Tana ingo wal pakan ma tila ruumu sanaana, mi tiyembut Yoan ngureene. ¹¹To tiur uteene isula timbiiri, mi tikam ma tila ki morri tina. Mi ni ikuundu ma ila ki naana.

¹²Yoan nangan kini tileŋ, to tila ma tikam putuunu, mi tila titwi i. Mi tila ma tisotaara Yesu.

Yesu iputu tomtom munjana lamata (5,000)

(2Kin 4:42-44; Mk 6:30-44; Lu 9:10-17; Yo 6:1-14)

¹³Indeeŋe Yesu ileŋ Yoan uruunu kembei ni imeete kek na, izem lele tana, mi ikam woongo ma ila pa lele bilimjana bekana itutamen imbotmbot. Tamen zin iwal tileŋ uruunu, to tizem kar kizin mi tipa

¹ 13:57 Yo 4:44 ^m 14:3-4 Wkp 20:21 ⁿ 14:5 Mt 21:26

toono ma tito i. ¹⁴Yesu ilela peende na, ire zin iwal biibi tana ma leleene isaana pizin. Tabe iurpe zin metengan kizin ma nin ambai.^o

¹⁵Timbotmbot ma lele be rorou, to nangaj kini tila mi tiso pini. Tiso: “Lak, ingi rou kek. Mi ingi tombotmbot lele ta ka kini somjana i. So pizin bekeni tila pa kar ta kolouloujan ma tingiimi kan kini.” ¹⁶Yesu ipekel kwon ma iso: “Soom. Zin timbotmbot. Irao tila na som. Niom ituyom kakam kan kini ma tikan.”

¹⁷Mi nangaj kini tipekel kwoono ma tiso: “Mi ta, niam amkam kini sa ma amar som. Niam narabu tiam zaraaba lamata men mi ye luluunu tamen ta imbotmbot i.”

¹⁸To Yesu iso: “Kakam kini tana ma imar.” ¹⁹Tona iso pizin iwal tana ma mbulen isu lele mbutmbuutujana. Zin mbulen su makin, to iteege narabu lamata mi ye luluunu ta tana, mi mataana isala kor mi isuj pa. To itete narabu mi izarra la kizin nangaj kini, mi tila ma tirai pizin tomtom. ²⁰Mi wal ta boozomen tana tikan ma kopon isaana. Mi surunsurun ta imbotmbot na, nangaj kini tiyogeege sula kiri laamuru mi ru ma bokbok. ²¹Wal ta tikan kini tina, tinin zin tomooto men ma tirao kembei mungaana lamata (5,000). Mi moori ma pikin na, ninjan som.

Yesu ipa se tai

(Mk 6:45-52; Yo 6:15-21)

²²Uraata tana imap to, Yesu ipiyar nangaj kini ma tise woongo be timuungu ma tila tai pakaana mbaaga. Tana zin tila, mi ni itunu imbot ma iur zin iwal biibi ma tila. ²³⁻²⁴Iwal biibi timap ma tila len, tona ni isala pa abal ta be itutamen imbot mi isuj. Izunzuj ma ila mbej. Indeeje tana na, nangaj kini tikam woongo ma tila ma tipet tai lukutuunu kek. Mi tikam sanaana pa miiri ma duubu. Mburan papiriizi pa puze.^p ²⁵Yesu imbotmbot ma lele imarmar, to imanga ma izem lele tina, mi ipa se tai kuliini mi ikonjuru zin nangaj kini ma ila. ²⁶Beso tire lae pini na, motojana biibi ikam zin mi kaljan sanaana ma tiso: “Wai kere! Kon sa ta imar i!” Mi timoto kan ma tisaana.^q

²⁷To Yesu loja men mi iso la pizin ma iso: “Komoto pepe. Leleyom ambai. Ingi nio tau.” ²⁸Tona Petrus imanga mi iso: “Merere, ina nu tau? Kena so mi nio ajpa se tai ma ajma.”

²⁹Yesu iso pini ma iso: “Mar lak!” Tona Petrus izem woongo, mi isula be ipa ma ila kini. ³⁰Tamen ire miiri ma duubu biibi, to imoto kana, mi iso ko imon ma isula lene. Tabe kaljaana sanaana ma iso: “Merere, uulu yo lak!” ³¹To Yesu loja mi karau la pa namaana ma iteege. Mi iso pini: “Oo, urlajana ku imbol zeen. Lelem iwe ru paso?”^r

^o 14:14 Mt 9:36 ^p 14:23-24 Lu 6:12, 9:28 ^q 14:26 Lu 24:37 ^r 14:31 Mt 8:26

³² Ziru tila ma tisala woongo na, miiri ma duubu imap mi taun isu.
³³ Tana nangaj ta timbot lela woongo leleene na, tilek kumbun pini mi tiso: “Ŋonoono kat, nu Anutu lutuunu.”^s

Yesu iziiri mete pizin tomtom isu kar Genesaret
(Mk 6:53-56)

³⁴ To Yesu zijan nangaj kini tila ma sor lela kar Genesaret. ³⁵ Mi zin tomtom ki kar tana tire zin, to tikilaala kembei Yesu ta imar i. Tana tiloondo ma tikam uruunu ma irao lele tana, mi tiyyo zin metengan kizin ma timap ma tila kini. ³⁶ Mi titanroro i be irao zin metengan titeegi, som titeege mburu kini kwopiriini men. Mi wal boozomen ta titeegi na, mete kizin imap mi nin ambai lup.^t

Tutu ki Anutu ilip pa tutu kizin kolman
(Mk 7:1-13)

15 ¹ Tona zin tutu kan zijan ngargan ki tutu pakan tizem Yerusalem, mi timar tipet ki Yesu. Mi tiso pini ta kembei. ² Tiso: “Parei ta nangaj ku tina timololo tutu ki tumbundu bizin? Pa tutu ki namanda nguurušana na, titoto som mi tikanan sorok kini.”^u

³ Yesu ipekel kwon ma iso: “Mi parei ta niom kikiskis tutu kizin kolman mi komololo pa Anutu tutu kini? ⁴ Pa Anutu iso ta kembei:

Lem nger pa tomom ma nom mi mbeeze pizin.

Mi tomtom ta sombe mata pasom tamaana ma naana, som ikam sua sananšana pizin na, kupuni ma imeete.”

⁵ “Tamen niom na, koso ta kembei: Tomtom sa, sombe le koronj be iuulu tamaana ma naana pa, mi tamen ikam pizin som, mi iso pizin ma iso: ‘O koronj ti, nio anrao ankam piom som. Pa ingi anur ma iwe Anutu lene kek.’ ⁶ Tomtom sa iso ikam ta kembei, na niom koso ni ikam mbulu ambaišana mi kopomboli pa. Tabe kakam ma ni iuulu tamaana ma naana som. Tana tutu tiom tana ikam Anutu sua kini ma iwe koronj sorok. ⁷ Niom wal pakamkaamngoyom. Sua ta mungu Anutu kwoono Yesaya ibeede na, ina indeenje kat yom. ⁸ Pa ni iso ta kembei:

Wal taingi, tipakurkur yo sorok pa kwon.

Tamen lelen na, imbot molo kat pio.” ⁹ Pa tipaute zin tomtom pa tutu kizin kolman, mi tiso ina tutu ki Anutu.

Tana mbulu ta tikamam be timbesmbeeze pio na, iwe koronj sorok.”^x

^s 14:33 Mt 16:16 ^t 14:36 Mt 9:20+ ^u 15:2 Lu 11:38 ^v 15:4 Kam 20:12, 21:17

^w 15:8 Yesa 29:13; Ezek 33:31 ^x 15:9 Kol 2:20+; Tit 1:14

Koroŋ ta ikam tomtom ma isaana pa Anutu mataana
(Mk 7:14-23)

¹⁰Tona Yesu iboobo zin iwal ma tila kini, mi iso pizin ta kembei. Iso: “Kunŋun talŋoyom pa sua tio ti mi kakam ŋgar pa! ¹¹Koroŋ ta takan ma isula pa kopondo i, ina irao be ikam ti ma tasaana pa Anutu mataana na som. Mi koroŋ ta lelende iur pa, mi iyooto ma ipet pa kwondo, ina ta ikam ti ma tasaana pa Anutu mataana.”^y ¹²Tona nanŋaŋ kini tila kini mi tiso: “Wai, sua ta giibi na, ipasaana zin tutu kan lenen. Manako parei?”

¹³⁻¹⁴Yesu ipekel kwon ma iso: “Motoyom ila pizin pepe. Pa Tamaŋ Anutu ta imbotmbot saamba a, koroŋ boozomen ta ni itunu ipaaza som, inako ipuru zin ma timap ma tila len. Wal tana, zin kembei wal matan piŋŋan ta tisombe tiso zin tomtom pa zaala. Mi parei? Sombe tomtom mata piŋŋana tasa imuŋgu ma iso waene toro ta mata piŋŋana i pa zaala, ko ziru irao titop sula sumbuunu som? Som. Ko titop.”^z

¹⁵To Petrus imanga na iso: “Peeze sua tooroŋana tina ka uunu piam ma amleŋ.” ¹⁶Tana Yesu iso pizin ma iso: “Wai, niom tomini kakankaana? ¹⁷Ŋgar tiom ikam sua ti risa som? Koroŋ ta takan pa kwondo na, isula pa kopondo, mi kaimer to iwe tiende ma ila lene. ¹⁸Mi ŋgar sananŋana ta imbotmbot la lelende mi iyooto ma ipet pa kwondo, ina ta ikam ti ma tasaana pa Anutu mataana. ¹⁹Pa ŋgar sananŋan boozomen ta imbotmbot la tomtom lenen, ta ipiyotyooto mbulu sananŋan. Mbulu ta kembei: tupun sorok tomtom ma imeete, tapasaana ula, takam mbulu kizin me ma ŋge, tekem, topombol sua pakaamŋana, mi tipiri sua sananŋana pizin tomtom.”^a ²⁰Mbulu ta kembena ta ipasaana iti pa Anutu mataana. Mi sombe tomtom sa iŋguuru namaana som, mi ikan sorok kini, ina na som.”

Urlaŋana biibi ki Kanaan nan ta
(Mk 7:24-30)

²¹To Yesu imanga mini, mi izem lele tina, mi ila pa lele pakaana ta kar bibip ru, Tiro ma Sidon timbot pa na. ²²Mi molo som na, Kanaan nan ta, ni imbot lele tina mi imar ki Yesu. Mi itaŋroro i ma iso: “Biibi, Dabit Lutuunu, muŋai yo lak! Pa lutuŋ moori ta bubuŋana sananŋana izeebi ma isaana kat.”

²³Mi Yesu ipekel kalŋaana som. Kaŋkaŋ men. Mi moori iboboobo mi itokelkeeli ma tila. To zin nanŋaŋ tila ki Yesu mi tiso pini. Tiso: “Re moori tiŋga lak! Imar ma iyalle iti paso?”

²⁴Mi Yesu ipekel kwon ma iso: “Tamaŋ Anutu, ni iŋgo yo ma aŋmar pizin Israel men. Pa zin na sipsip kini ta tisaŋsaŋ lup kek.”^b

^y 15:11 Mt 12:34; 1Tim 4:4 ^z 15:13-14 Mt 23:16,24; Lu 6:39; Ro 2:19 ^a 15:19 Un 8:21; Mt 12:34 ^b 15:24 Mt 10:6

²⁵ Moori tana ileŋ sua ti, to ila itop su Yesu kumbuunu uunu mi iso: “Biibi, uulu yo lak!” ²⁶ Mi Yesu ipekel kwoono ma iso: “Wai, kini kizin pikin ko loŋa tigiibi ila ma me tikan? Ina ambai som.”

²⁷ To moori ipekel kwoono ma iso: “Biibi, ina ŋonoono. Tamen sombe pikin ikanan kini, mi muunu itoptop su, inako iwe me kan.” ²⁸ Yesu ileŋ sua kini, to ipekel kwoono ma iso: “O moori, urlaŋana ku imbol kat. Tana koronŋ ta nu lelem pa, Anutu ko ikam pu.” Yesu iso sua tina, to bubuŋana sananŋana iyooto pa moori tina lutuunu moori ma niini ambai mini.^c

Yesu iurpe metenjan boozo ma nin ambai

²⁹ To Yesu izem lele pakaana tana, mi ila ipet tai Galilea mini. Ipiyaala pa peende ma ila, to isala pa lele mbukuunu ta, mi mbuleene isu ma imbotmbot.^d ³⁰ Mi molo som na, iwal biibi tiyo zin metenjan kizin boozomen ma tila kini. Pakan kaamaŋan, pakan narapeŋan, pakan matan piŋan, pakan kwon munŋan, mi metenjan pakan tomini. Tiyo zin ma tila kini, mi tiur zin su kumbuunu uunu, to ni iurpe zin ma nin ambai. ³¹ Mi zin iwal ta tire mos tina na, timurur pa mi tipakur Anutu kizin Israel zaana. Paso, kwon munŋan tiso sua, kaamaŋan nin ambai mini, narapeŋan tipa, mi matan piŋan tire lele.^e

Yesu iputu tomtom munjaana paŋ (4,000)

(Mk 8:1-10)

³² Tona Yesu iboobo zin nangaŋ kini ma tila kini, mi iso pizin. Iso: “Nio leleŋ isaana pizin iwal biibi ti. Pa itinjan tombotmbot pa aigule tel, ma kini kizin imap kat. Mi leleŋ be aŋur zin sorok ma tila raama petel zin na som. Kokena tila mi mburan imap isu zaala lwoono.”^f

³³ Mi nangaŋ kini tiso: “Wai! Ko takam kini swoi ma irao be tuputu zin iwal biibi ta kembei? Pa inŋi sa tombotmbot lele bilimŋana na.”

³⁴ To Yesu iwi zin. Iso: “Narabu tiom piizi ta imbotmbot na?” Zin tipekel kwoono ma tiso: “Lamata mi ru. Mi ye munmun pakan tomini.”

³⁵ Tona Yesu iso pizin iwal ma mbulen isu toono. ³⁶ Zin mbulen isu makinŋ, tona ikam narabu lamata mi ru raama zin ye tina mi isuŋ pa. To itete mi izarra la kizin nangaŋ kini, mi zin tila ma tirairai pizin iwal. ³⁷ Mi tomtom ta boozomen tikan ma kopon isaana. To tiyogeege kini surunsurun ma tizeebe sula tiigi lamata mi ru ma bokbok. ³⁸ Zin tomooto ta tikan kini tina na, tinin zin ma tirao kembei munjaana paŋ (4,000). Mi moori ma pikin na, ninjan som.

³⁹ Zin iwal tina tikan kini ma imap, to Yesu iur zin ma tila len pa kar kizin kizin. Tona ilu i se woŋgo, mi ila pa lele pakaana ki Magadan.

^c 15:28 Mt 8:10,13 ^d 15:29 Mk 7:31 ^e 15:31 Mk 7:37 ^f 15:32 Mt 14:14

Zin tutu kan mi zin sadusi tisombe tire mos sa
(*Mk 8:11-13; Lu 12:54-56*)

16 ¹Timbotmbot mi zin tutu kan mi zin sadusi pakan tikonjuru Yesu ma timar mi tisombe titoombi. Tisombe ni ikam mos sa tabe iswe kembei ni iwwa raama saamba mburaana, to tiurla kini.^s ²Mi ni ipekel kwon ma iso: “Niom sombe kere zoŋ isula, mi ikam ma saamba uunu isiŋsiŋ, tona koso: ‘Oo, iti gaaga ko zoŋ biibi.’” ³Mi sombe kere zoŋ ise ma lele uunu igabgap, tona koso: ‘Wai, koozi ko yaŋ biibi.’ Tana lele na, karao be kikilaala. Mi mbulu ta koozi iwedet i na, kikilaala som. ⁴Niom tomtom ta koozi kombotmbot na, niom wal sananjoyom. Sua ta kumbuk pa Anutu na, kipizil ndemeyom pa kek. Pa kamanman be kere kilalan sa pa motoyom, to kuurla. Mi nio anso kat piom. Kilalan tamen ta ki Yona, ta ko Anutu ikam piom ma kere.” Ni iso pizin ta kembei, to imanga ma izem zin, mi ila lene.^h

Yis kizin tutu kan mi zin sadusi
(*Mk 8:14-21*)

⁵Indeeŋe Yesu ziŋan nangan kini tila pa tai pakaana mbaaga na, nangan kini matan iŋgal be tikam kan narabu som. ⁶Yesu imbotmbot mi mataana ila pa mbulu sananjana kizin tutu kan, to isu na iso pizin nangan kini. Iso: “Motoyom iŋgal ituyom mi kere yom pa yis kizin tutu kan mi zin sadusi.”ⁱ

⁷Mi nangan kini tikam kat ngar pa sua kini som. Tabe tiparzzo pizin ma tiso: “Iŋgi ko iso piti paso, matanda mbeleele mi takam kanda narabu som tau.”

⁸Mi Yesu ikam la pa ngar kizin kek. Tana iso pizin ma iso: “Oo, niom tina, urlanana tiom musaari mete. Koyyo kwoyom pa narabu paso? ⁹Ngar tiom ipet pio zen? Uraata tio ta kere kek na. Indeeŋe ta aŋtete narabu lamata men pizin tomtom munjaana lamata ma tikan na, koyogeege kini surunsurun isula kiri piizi?”^k ¹⁰Mi indeeŋe ta aŋtete narabu lamata mi ru pizin tomtom munjaana paŋ ma tikan na, koyogeege surunsurun isula tiigi piizi?”^l ¹¹Kena parei ta niom kakam ngar pa sua tio ti ka uunu som? Nio anso pa narabu ŋonoono som. Iŋgi anso piom be kere yom pa mbulu pakaamjana kizin tutu kan mi zin sadusi.”

¹²Tona ngar kizin ipet mi tikilaala kembei ni iso pa yis ta tiurur la narabu som. Ni iso pa sua ta zin tutu kan mi zin sadusi tikamam pizin tomtom.

^s 16:1 Mt 12:38; Lu 11:16 ^h 16:4 Yona 2:1; Mt 12:39+; Lu 11:29 ⁱ 16:6 Lu 12:1; 1Kor 5:6+; 1Pe 2:1 ^j 16:7 Zin Yuda, sombe tiurpe narabu kizin na, titooro palawa raama yis.
^k 16:9 Mt 14:17+ ^l 16:10 Mt 15:34+

Petrus iswe kat kembei Yesu ni Mesia

(Mk 8:27-30; Lu 9:18-21)

¹³Yesu ziŋan nanŋaŋ kini tizem lele tina mi tipa ma tila pa lele pakaana ki kar Sisarea Pilipai. Timbotmbot tina, mi Yesu isu na iwi zin nanŋaŋ kini. Iso: “Lak, tomtom tikam ŋgar pa Tomtom Lutuunu be parei?”

¹⁴Zin tipekel kwoono ma tiso: “Wal pakan tiso nu Yoan ta munŋu ikamam yok pizin tomtom na. Mi pakan tiso nu Anutu kwoono Ilia. Mi pakan tiso nu Anutu kwoono Yeremia. Mi pakan tiso nu Anutu kwoono toro sa.”^m

¹⁵To Yesu iwi zin mini ma iso: “Mi niom na, koso nio asiŋ?”

¹⁶Simon Petrus imanŋa mi ipekel kwoono ma iso: “Nu Mesia tau. Anutu mata yaryaaraŋana Lutuunu.”ⁿ

¹⁷To Yesu iso: “Simon, Yona lutuunu. Lelem ambai pa kampeŋana ki Anutu ta ise ku na. Pa sua ta so na, tomtom toono kana sa iso u pa som. Tamaŋ Anutu ta imbot saamba a, ni itunu ta iswe sua tana pu.”^o ¹⁸Nio aŋso pu: Nu Petrus.^p Mi zin wal ta so timender sala pat taiŋgi, nako nio aŋlup zin ma tiwe lupŋana tio, mi aŋpombol zin ma timender mbolŋana kat. Tana kar sanaana mburaana ko irao ilip pizin na som.^q ¹⁹Mi nu Petrus, ko aŋuru be mboro kar saamba ka kataama. Tana koronŋ ta nu sombe ur ŋgalseki pa isu toono, nako ŋgalsekŋana isu saamba tomini. Mi koronŋ ta nu so yok pa isu toono, inako yokŋana isu saamba tomini.”^r ²⁰Yesu iso sua tana ma imap, to kwoono imbol kat pizin be tiswe i la ki wal sa pepe. Kokena tiute ni Mesia.^s

Yesu iso pa meeteŋana kini

(Mk 8:31-33; Lu 9:22)

²¹Indeeŋe tina mi ila na, Yesu izzo katkat pa mbulu tabe ipet pini i ma nanŋaŋ kini tileŋleŋ. Ni izzo pizin ta kembei. Iso: “Nio bela aŋsala Yerusalem, mi zin peeze kan ziŋan bibip kizin patoronŋana kan, mi zin ŋgarŋan ki tutu ko tiseeze motoŋ mi tipun yo ma aŋmeete. Mi mbeŋ iwe tel pa, tona Anutu ko ipei yo ma burup ma aŋmanŋa mini.”

²²Petrus ileŋ sua tina na, ikam Yesu ma ziru tibelev lae, to imanŋa mi iyaambi. Iso: “E-e biibi, kembena pepe. Mbulu ta kembei irao ipet pu pepe.”

^m 16:14 Mt 14:1+ ⁿ 16:16 Yo 6:69 ^o 16:17 Ga 1:15+ ^p 16:18 Zaana ‘Petrus’ ka uunu ta kembei: ‘pat’. ^q 16:18 Yo 1:42; Ep 2:20; Tur 21:14 ^r 16:19 Mt 18:18; Yo 20:23; ŋgo 10:34-44; Tur 3:7 ^s 16:20 Mt 17:9

²³Tamen Yesu itoori, mi isu na iyaamba Petrus. Iso: “Sadan, ko molo pio. Nu peteke yo paso? Iŋgar ku kembei Anutu ŋgar kini som. Ina nu kam ŋgar kembei zin tomtom men.”^t

Zaala tabe toto Yesu pa
(Mk 8:34-38; Lu 9:23-27)

²⁴Tona Yesu iso pizin nanŋaŋ kini ma iso: “Tomtom sa isombe igaaba yo ma iwe leŋ, na bela ikoto itunu, mi ikwaara ke pambaaraŋana kini mi ito yo.” ²⁵Pa sombe tomtom sa ikam ŋgar biibi pa itunu kuliini men, inako ikam mbotŋana ŋonoono ta ki Anutu i som. Mi tomtom sa isombe izem kat itunu pio, inako ikam mbotŋana ŋonoono ta ki Anutu i.^v ²⁶Mi parei? Sombe tomtom sa ikam koron toono kana ta munŋaana men, mi tamen itunu kunuunu ila lene, ko ambai? Som. Pa ni le zaala sa be ikam kunuunu tana ma imiili mini na som. ²⁷Kaimer Tomtom Lutuunu ziŋan aŋela kini kola timiili ma timar raama Tamaana mburaana mi azuŋka kini. Tonabe itiiri zin tomtom ta boozomen, mi iur kadoono pizin ikot mbulu kizin kizin.”^w

²⁸Mi keleŋ. Nio aŋso kat piom: Tomtom tiom pakan ta itiŋan tombotmbot i, ko kemeete zen, mi kere Tomtom Lutuunu iswe peeze kini raama mburaana biibi.”

Yesu runguunu itooro ma iwe milmilŋana
(Mk 9:2-13; Lu 9:28-36)

17 ¹Timbotmbot ma kan mbeŋ lamata mi ta ilae, tona Yesu ikam Petrus mi Yems ziru tiziini Yoan ma zin paŋ men tisala pa abal ta uteene molo. ²Timbotmbot mi matan ila na, tire Yesu runguunu itooro ma iyaara ma kembei ta zoŋ mataana, mi mburu kini ikokou ma imilmil kat.^x ³Molo som na, tire Mose ziru Ilia tipet ki Yesu ma ziŋan tizzo sua. ⁴To Petrus imaŋga na iso la pa Yesu. Iso: “Aiss Merere, ingi ambai kat. Pa itiŋan ta tombotmbot i. Sombe lelem, nako aŋpo beeze tel sa su ti. Ta pu, ta pa Mose, mi ta pa Ilia.”

⁵Petrus izzo mi molo som na, miiri tieene milmilŋana ta izukkaala zin. To tileŋ kalŋaana ta imar pa miiri tieene mi iso: “Lutuŋ tamen ŋonoono ta leleŋ pini ilip kat ta tina. Keleŋ la kalŋaana.”^y

⁶Nanŋaŋ tileŋ sua tana na, motoŋana biibi ikam zin. Tabe titop su toono mi iturke matan. ⁷To Yesu imar igarau zin, mi iteege zin ma iso: “Komoto pepe. Kamanga.” ⁸Beso matan se na, tire Yesu itutamen imbotmbot. Tomtom toro sa som.

^t 16:23 Mt 4:10 ^u 16:24 Mt 10:38; Lu 14:27 ^v 16:25 Lu 17:33; Yo 12:25; Tur 12:11

^w 16:27 Mt 25:31; Ro 2:6; 2Kor 5:10; Tur 22:12 ^x 17:2 Kam 34:29+; Yo 1:14; 2Pe 1:16+

^y 17:5 Kam 40:34+; Mbo 2:7; Mt 3:17

⁹Tizem abal mi tiwwa ma tisula na, Yesu kwoono imbol pizin ma iso: “Mbulu ta kere na, kozo keswe uruunu pizin wal pakan karau pepe. Imbotmbot ma sombe Tomtom Lutuunu imanga mini pa naala, tona keswe ma ipet.”^z

¹⁰To nangan kini tiwi i ma tiso: “Parei ta zin ngarnan ki tutu tisombe Ilia bela imiili ma imar mungu, tona Mesia?”^a

¹¹Mi Yesu ipekel kwon ma iso: “E, ina gonoono. Ilia bela imar mungu mi ipazal koron ta boozomen. ¹²Mi nio anso piom: Ilia, ni imar kek. Tamen tomtom tikilaali som. Mi tito zitun ngar kizin mi tiseeze mataana. Mi zin kola tikam mbulu raraate men pa Tomtom Lutuunu.”^b ¹³Ni iso sua tana, to ngar kizin ipet mi tikilaala kembei ni izzo pa Yoan, tomtom ki yok kamjana.^c

Yesu iziiri bubujana sananjana pa nangan ta
(Mk 9:14-29; Lu 9:37-42)

¹⁴Tiwwa ma tila mi tipet kizin iwal biibi, to tomtom ta, ni ikonjuru Yesu, mi ilek kumbuunu pini ¹⁵ma iso: “Biibi, mungai lutu mi uuli lak! Pa mete sananjana ta ikami ma ikadat ma isaana kat. Mazwaana pakan, ni itoptop zalla you, mi mazwaana pakan izulla yok. Mete tana kembei ikam patajana biibi kat pa lutu tana. ¹⁶Tana anjkami ma ila kizin nangan ku be tiurpe i. Tamen titoombo ma tirao som.”

¹⁷To Yesu iso: “Aiss, niom tina ko som kat! Leyom urlajana sa som. Niom zorzooronjyom kat. Itijan tembel mbotjana kek. Tana anso ko ngar tiom ipet risa? Mi ingi som. Ambai. Kakam nangan tina ma imar.” ¹⁸Tana tikami ma ila ki Yesu, to Yesu injasasaara bubujana sananjana tina ma iyooto pini pataja. Iyooto na, nangan tina niini ambai, mi mete kini imap kat.

¹⁹Kaimer to nangan kini men tila ki Yesu mi tiwi i. Tiso: “Parei ta niam ti amrao be amziiri koron tana som?”

²⁰Mi Yesu ipekel kwon ma iso: “Pa leleyom iwe ru tau. Nio anso kat piom. Niom sombe leyom urlajana risa, inako karao be koso pa abal ti ta kembei: ‘Zem murim tingi mi la tinga.’ Mi ko izem muriini mi ila imbot lele toro. Pa niom ko katat pa kosa sa som.”^d

[²¹Mi zin bubujana sanangan ta kembei na, zaala tamen ta tarao be tiziiri zin pa i: Bela tangalsek itundu pa kini kanjana mi tusu Anutu be iuulu ti, to tarao. Zaala toro sa som.”]

Yesu iso mini pa meetejana kini ma iwe ru pa
(Mk 9:30-32; Lu 9:43-45)

²²Yesu zijan nangan kini tila ma tilup zin su Galilea, to ni iso pizin ta kembei. Iso: “Kere. Tomtom Lutuunu, kola tikami mi tiuri la tomtom

^z 17:9 Mt 16:20 ^a 17:10 Mal 4:5 ^b 17:12 Mt 11:14, 14:10 ^c 17:13 Lu 1:17

^d 17:20 Mk 11:23; Lu 17:6

pakan naman. ²³Mi zin ko tipuni ma imeete. Tamen ka mberj iwe tel pa, to Anutu ko ipei i ma burup ma imanga mi mataana iyaara mini.” Nanġaġ kini tilenj sua tana na, lenen ipata kat.

Yesu ipiri takes pa Urum Merere

²⁴Yesu ziġan nanġaġ kini tipa ma tila tipet kar Kapenaum, to zin tomtom ta tiyyo takes pa Urum Merere na, timar ki Petrus mi tiwi i. Tiso: “Parei, biibi tiom iwirri takes pa Urum Merere, som som?”^e

²⁵Mi Petrus ipekel kwoono ma iso: “E, ni iwirri.” Kaimer to imiili ma ila pa ruumu. To Yesu isu mi iwi i. Iso: “A Simon, nu kam nġar be parei? Ziġoi ta tiwirri takes ila ki king? Itunu lutuunu bizin, som zin wal pakan?”

²⁶Petrus iso: “Zin wal pakan.”

²⁷To Yesu iso: “Tana lutuunu bizin irao tipiri som. Mi tonġo. Kokena tapasaana wal ti lenen. Tana la ma kam kwiili ku mi piri sula tai. Ye mataana kana ta so keeni, na pat sa ko imbot la kwoono. Mi pat tina irao ilup ituru. Tana kam ma la, mi giibi pa ituru ndomondo.”

Asiġ ta ni zaana biibi ma ilip

(Mk 9:33-37; Lu 9:46-48)

18 ¹Indeeġe mazwaana tana, nanġaġ ki Yesu tila kini mi tiwi i. Tiso: “Lak, zin wal ta timbot lela peeze ki kar saamba na, asiġ ta zaana biibi ma ilip?”^f

²To Yesu iboobo nanġaġ musaana ta ma ila kini, mi ipamenderi su keren uunu mi iso: ³“Nio aġso kat piom. Bela kotooro nġar tiom ma kewe kembei ta zin pikin, tona karao kombot lela peeze ki kar saamba.”^g

⁴Pa tomtom ta so ikoto itunu ma iwe kembei ta nanġaġ ti, inako zaana biibi ma ilip pizin wal pakan ta timbot lela peeze ki kar saamba. ⁵Mi sombe tomtom sa ikam nġar pio, mi ikam zin nanġaġ munmun kembei ta nanġaġ ta tiġi mi imbeeze pizin, na ni ikam yo tau.”^h

Watġana ka sua

(Mk 9:42-48; Lu 17:1-2)

⁶Mi Yesu iso mini: “Nanġaġ popoġana sa ta kembei iso iurla tio, mi sombe tomtom sa iwati ma itop pa sanaana, na tomtom tana, tembeli kek. Sombe tikam pat biibi ma timbit la nġureene, mi tupundu i sula mozo lukutuunu ma ila ne, to ambai. ⁷Tembel zin tomtom toono kan. Pa watġana booza kola indeeġe zin. Pa mbulu ta kembei imbot pataaġa kek. Mi tomtom ta so ikam tomtom toro ma itop pa sanaana, na ra, tembeli kek.

^e 17:24 Kam 30:13 ^f 18:1 Lu 22:24 ^g 18:3 Mt 19:14; Mk 10:15; Lu 18:17

^h 18:5 Mt 10:40; Lu 10:16; Yo 13:20

⁸“Nomom tasa, som kumbum tasa, isombe iyaryaaru u ma kamam mbulu sananꝓana, na ambai be yembut ma ila ne. Kokena imbot, to ikam ma tigiibu sula lem you sananꝓana. Mi you tana ko irao imap na som. Tana toꝓgo. Nomom, som kumbum tataꝓa men, ina irao. Pa kaimer ko kam mbotꝓana mata yaryaaraꝓana.ⁱ ⁹Mi motom ta kembena. Tasa isombe iyaryaaru uma kamam mbulu sananꝓana, na ambai be pai ma isu lene. Kokena motom ru imbot, to ikam ma tigiibu sula lem you ki kar sanaana. Tana toꝓgo. Motom tamen, ina irao. Pa kaimer nu ko kam mbotꝓana mata yaryaaraꝓana.”

¹⁰To Yesu iso mini ma iso: “Kere. Kokena motoyom pasom zin nanꝓaꝓ popoꝓan tiꝓgi! Pa nio aꝓso kat piom: Zin aꝓela ta matan pizin na, timbotmbot su Anutu kereene uunu ta kar saamba a.^j

Sua tooroꝓana pa sipsip ta imbirizi

(Lu 15:3-7)

¹¹“Tomtom Lutuunu, ni isu toono be iru zin tomtom ta tisaꝓsaꝓ pa Anutu zaala kini, mibe ikam zin ma timiili mini.^k

¹²“Lak, sombe tomtom sa, ni le sipsip tomtom lamata, mi so tasa imbirizi, inako ikam parei? Ni ko izem zin tomtom paꝓ lamoro mata mi paꝓ (99) tana ma timbotmbot su abal zilꝓaana, mi ila iru sipsip kini ta isaꝓsaꝓ na. ¹³Iru i iru i ma sombe indeeꝓi, to leleene ambai kat. Nio aꝓso kat piom. Ni ko menmeeni biibi kat pa sipsip ta tina, ma ilip pizin pakan ta tisaꝓsaꝓ som na. ¹⁴Mi Tomoyom Anutu ta imbotmbot saamba a, ni nꝓar kini raraate men. Ni leleene be zin nanꝓaꝓ popoꝓan tiꝓgi, kizin tasa ila lene pepe.”

Sua urpeꝓana ka mbulu

(Lu 17:3-4)

¹⁵Mi Yesu iso mini ma iso: “Toꝓmatiziꝓ ku tasa isombe ikam ꝓoobo mbulu pu, na la kini mi niomru men kombot, to pazali. Mi sombe ileꝓ la kalꝓom, ina ambai. Pa nu kam leleene ma imiili mini.^l ¹⁶Mi sombe ileꝓ sua ku som, to kam tomtom ru sa, mi niomꝓan kala mi kotoombo sua pini. Beso ipekel sua pareiꝓana, na niom tel tina keleꝓ sua kini tana. Tona niom sombe koso zin wal pakan pa sua kini, na sua tiom ko imbol.^m ¹⁷Mi sombe ni ileꝓ yom som, tona koso ka sua lela lupꝓana ki Anutu leleene be tileꝓ mi titiiri tomini. Mi sombe tomtom tana izooro lupꝓana ki Anutu tomini, tona kere i kembei ni tomtom sananꝓana mi iute Anutu som.ⁿ

ⁱ 18:8 Mt 5:29+ ^j 18:10 Ibr 1:14 ^k 18:11 Lu 19:10 ^l 18:15 Wkp 19:17; Lu 17:3; Ga 6:1; Yems 5:19+ ^m 18:16 Lo 19:15; Yo 8:17 ⁿ 18:17 1Tim 5:19+; Ro 16:17; 1Kor 5:13

¹⁸“Nio aŋso kat piom: Koron ta so kangalsek pa isu toono, ina ngalsekŋana isu saamba tomini. Mi koron ta sombe koyok pa isu toono, ina yokŋana isu saamba tomini.”^o

¹⁹“Mi nio aŋso piom mini ta kembei: Sombe wal tiom ru sa tilup lelen mi tiyok raraate be tisun Anutu pa koron sa, na Tamaŋ Anutu ko ileŋ sunŋana kizin mi ikam ma iur ŋonoono.”^p ²⁰Pa sombe wal ru, som tel sa tilup zin pa nio zon, na nio ko aŋbot raama zin.”^q

Sua tooroŋana pa mbesoono ta imuŋai waene som

²¹Tona Petrus imanga mi iwi Yesu ma iso: “Merere, sombe tonmatizin tio sa inoknok mbulu sananŋana pio, inako nio aŋurpe leleŋ pini mi motoŋ mbiriizikaala sanaana kini pa piizi? Sombe aŋkam pa lamata mi ru, ko irao?”

²²Yesu ipekel kwoono ma iso: “E-e, lamata mi ru, ina irao som. Nin pepe. Noknok men.”^r ²³Pa peeze ki kar saamba na, ka mbulu kembei ta king ta. Ni leleene be itiiri zin uraata kan kini ta timborro pat kini na. Ko timboro kat, som som? ²⁴Ni imanga pa tiiriŋana na, tikam tomtom kini ta ma imar. Tomtom tana, ni ipasaana pat zaanaŋana kat (kembei ta 10 milion kina) ma imbiriizi. ²⁵Mi ni le pat sa irao be ipekel na som. Tana king iur sua be tikam ngomo pa tomtom tina raama waene mi lutun bizin mi koron kini ta boozomen. To kadoono tana imap ma ila ki king be ipekel pat ta tomtom tana ipasaana kek na. ²⁶Tamen ni ila itop su king kereene uunu mi itaŋroro i ma iso: ‘Biibi, muŋai yo lak! Mbun tio imbotmbot. Mi kaimer ma ko aŋkot.’ ²⁷Tana king leleene isaana pini, mi iso: ‘Tonŋo pa, imborene.’ To izemi ma ila.

²⁸“Tomtom tana iyooto ma ila, mi ise ki toroono ta. Toroono tana, ni ikam mbun ri (kembei ta pius laamuru) ila kini. Ise kini na, namaana ila ngureene mi ibibiizi mi iso pini ma iso: ‘Ai, kot mbun ku ta buri!’ ²⁹Tona toroono tina itop su kereene uunu mi itaŋroro i ma iso: ‘Muŋai yo lak. Mbun tio imbotmbot. Mi kaimer ma ko aŋkot.’ ³⁰Tamen ni ileŋ sua kini som. To iso ma tiur toroono tana lela ruumu sanaana leleene. Mi iso ni ko imbot ma irao ikot mbun kini.

³¹“Mi zin uraata kan pakan tire mbulu tana na, kembei ambai pa matan som, mi lelen ipata kat. Tana tila mi tisotaara king. ³²King ileŋ, to loŋa men mi iboobo tomtom tana ma imar, mi iso pini ta kembei. Iso: ‘Nu tina, mbesoono sananŋom kat! Nu taŋroro yo be aŋmuŋai u, tana aŋzem mbun ku, mi motoŋ inggal mini som. ³³Mi parei ta kam mbulu raraate pa torom tana som?’^s ³⁴Tana king keteene malmal biibi kat, mi iur tomtom

^o 18:18 Mt 16:19; Yo 20:23 ^p 18:19 Mk 11:24; Yo 15:7 ^q 18:20 Mt 28:20; Yo 14:23

^r 18:22 Sua ta Matai ibeede na, iso ta kembei: ‘Urpe pa 70 taims 70 (o 490).’

^s 18:33 Ep 4:32; Kol 3:13

tana lela ruumu sanaana leleene be tiseeze mataana ma irao ikot mbun kini ma imap kat.”^t

³⁵Tona Yesu ipemet sua kini ma iso: “Waeyom bizin ta so tikam sanaana piom, sombe kumuḡai zin som, mi kuurpe leleyom pizin som mi motoyom kiskis sanaana kizin men, inako Tamaḡ Anutu ikam mbulu raraate men piom.”^u

Sua pa ula yembutḡana
(Mk 10:1-12)

19 ¹Yesu ipemet sua tana makinḡ, tona izem Galilea mi ila pa lele pakaana ki Yudea, ta imbot yok Yordan pakaana ta zoḡ izze pa i. ²Mi iwal biibi ta titoto i ma ziḡan tila. Mi ni iurpe mete kizin isu lele tana ma nin ambai.

³To zin tutu kan pakan tila kini ma tisombe titoombi. Tana tiwi i ma tiso: “Lak, tutu kiti iso parei? Tomooto sa, sombe koronḡ sa ikami ma leleene pa kusiini mini som, ko irao iyembut ula kizin, som som?”^v

⁴Yesu ipekel kwon ma iso: “Niom kapaata sua ki Anutu som? Pa sua iso ta kembei: Indeeḡ mata popoten ta Anutu iur saamba mi toono na, iur tomooto mi moori.”^w ⁵Mi Anutu iso mini ma iso: “Uunu tina ta tomooto izem tamaana ma naana, mi ziru moori tiparlup zin ma tiwe tamen.”^x

⁶Tana ziru irao timbot ndelndelḡa mini som. Paso, tiparlup zin ma tiwe tamen kek. Mi koronḡ ta Anutu ilup ma iwe tamen kek na, tomtom sa irao be iyembut na som.”

⁷To zin tutu kan tiwi i mini ma tiso: “Kena uunu parei ta Mose ibeede tutu ta kembei: Tomooto sa sombe leleene be iziiri kusiini, na bela ibeede ula yembutḡana ka sua ise ro pakaana. Naso tomtom tiute kembei ni iziiri i kek.”^y ⁸Yesu ipekel kwon ma iso: “Ina ḡonoono. Mi uunu tau Mose iyok piom be kiziiri kusiynom bizin, ina imbot la sanaana ta imbol la leleyom tau. Mi indeeḡ ta mata popoten mi Anutu iur tomooto mi moori na, mbulu sa ta kembena som. ⁹Tana nio aḡso piom ta kembei: Tomooto sa irao iziiri kusiini sorok na som. Uunu tamen tau. Sombe kusiini izem itunu pa tomooto toro sa, tona tomooto tana irao iyembut ula kizin. Mi sombe iyembut ula pa uunu sorok sa, mi ila iwoolo kana moori toro, ina ni ipasaana ula ka tutu.”^z

¹⁰Tabe naḡḡaḡ kini tisu mi tiso: “Wai, ina ipata. Kenako towoolo pepe.”^a

¹¹Mi Yesu ipekel kwon ma iso: “Sua tiom tana ambai. Tamen wal ta boozomen tirao be tito na som. Zin tau Anutu iur zin pataaḡa be tiwoolo

^t 18:34 Mt 5:25+ ^u 18:35 Mt 6:15; Mk 11:25; Yems 2:13 ^v 19:3 Mt 16:1 ^w 19:4 Un 1:27, 5:2 ^x 19:5 Un 2:24; Ep 5:31 ^y 19:7 Lo 24:1+; Mt 5:31 ^z 19:9 Mt 5:32; 1Kor 7:10+
^a 19:10 1Kor 7:1-7+

som, mi ipombol zin pa mbulu ta kembei na, zin men ta tirao. ¹²Pa tomtom ta tiwoolo som, ina ka uunu matakija. Tomtom pakan na, nan bizin tipeebe zin raama patanjana sa ta ikam zin ma tirao be tiwoolo som. Mi pakan na, tomtom tipasaana kulin, tabe tirao be tiwoolo som. Mi pakan na, tikam ngar biibi pa peeze ki kar saamba, tana lenen be tiwoolo som. Tana tomtom ta so irao be ito sua taingi, na ambai be ito.”^b

Yesu ipombol zin nangaj munmun

(Mk 10:13-16; Lu 18:15-17)

¹³Wal pakan tikam zin nangaj munmun ma tila ki Yesu, be iur namaana isala uten mi isuj pizin mi ipombol zin. Tamen nangaj kini timanga mi tijasaara zin. ¹⁴To Yesu iso pizin: “Ai, kapakaala zin paso? Pa peeze ki kar saamba ka tomtom bizin, ina ta kembei. Tana kezem zin ma timar.”^c ¹⁵Tona iur namaana isala uten, mi ipombol zin. To izem lele tina mi ila.

Mbio uunu ta imar ki Yesu

(Mk 10:17-31; Lu 18:18-30)

¹⁶Tomtom ta, ni imar ki Yesu, mi iwi i ma iso: “Mos katuunu, mbulu ambaijana pareijana tabe anjam, to anjam mbotjana mata yaraarajana?”^d

¹⁷Yesu ipekel kwoono ma iso: “Parei ta nu wi yo pa mbulu ambaijana? Anutu itutamen ta ni ambaijana. Nu sombe lelem be kam mbotjana mata yaraarajana, na to kat tutu.”^e

¹⁸To ni iwi Yesu ma iso: “Tutu ingoi?” Mi Yesu ipekel kwoono ma iso: “Tutu, nu ute kek. ‘Pun tomtom ma imeete pepe, pasaana ula pepe, kem pepe, pombol sua pakaamjana pepe.’^f ¹⁹Lem nger pa tomom ma nom, mi mbeeze pizin. Mi lelem pizin tomtom kembei ta lelem pa itum.’”^g

²⁰Tabe nangaj tina iso: “Wai, tutu sojana? Tutu boozomen tana, ta anjo anjo ma imar indeenje koozi. Mi sokorei toro ta anjam zen?”

²¹To Yesu iso pini. Iso: “Sombe lelem be mbulu ku ambai komboono, na la mi kam koron ku ta boozomen, mi kam ngomo pa. To rai ka pat pizin wal ta sorrokjan i, mi mar to yo. Naso kam lem koron ngonono ta izza u su kar saamba.”^h ²²Nangaj tina ilej sua tana na, lelene ipata mi ila lene. Paso, ni le koron booze kat.

²³Tona Yesu iso pizin nangaj kini ma iso: “Nio anso kat piom: Zin ta mbio uunu na, inako ipata kat pizin be tiwe Anutu lene mi timbotmbot lela peeze ki kar saamba lelene.”ⁱ ²⁴Anpoto sua tio, ina ipata kat pizin

^b 19:12 1Kor 7:25+ ^c 19:14 Mt 18:2+ ^d 19:16 Ijgo 16:30 ^e 19:17 Wkp 18:5;

Lu 10:28; Ro 10:5; Ga 3:12 ^f 19:18 Kam 20:12+ ^g 19:19 Wkp 19:18; Ga 5:14; Yems 2:8

^h 19:21 Lu 12:33; Ijgo 2:45, 4:34+; 1Tim 6:17+ ⁱ 19:23 Mt 13:22; 1Tim 6:9+; Yems 5:1+

mbio uunu. Kere. Mbili sa isombe itoombo be iloondo pa sor sumbuunu, ko irao? Som. Mi zin mbio uunu na, ka ngar tamen tau. Sombe titoombo be tiwe Anutu lene mi timbot lela peeze kini leleene, nako ipata kat pizin. Tirao som kat.”

²⁵Nanggan kini tilenj sua ti na, timurur pa mi tiso: “Wai, kena ko asinj tabe Anutu ikamke i ma imbot ambai?”

²⁶To Yesu mataana ila kizin mi iso: “Tomtom zitun sombe titoombo, nako tirao som. Mi Anutu, ni itat pa kosa sa som.”^j

²⁷To Petrus imanga ma iso: “Lak, niam ti amzem koroŋ tiam ta boozomen ma imborene lup, mi ingi amtoto u i. Ko amre leyam kampejana pareijana?”

²⁸Mi Yesu iso pizin: “Nio aŋso kat piom ta kembei: Sombe Anutu iurpe koroŋ ta boozomen ma tiwe popoŋan mini, mi Tomtom Lutuunu mbuleene se muriini peeze kana raama azuŋka biibi, tona niom ta kototo yo i, ko mbuleyom se muriyom peeze kan laamuru mi ru, mi komboro zin Israel un laamuru mi ru.^k ²⁹Mi sombe tomtom sa izem ruumu kini, som toŋmatizij kini, som tamaana ma naana, som lutuunu bizin, som mokleene kini pa nio zoŋ, inako ikam kampejana ma ilip ma ilip kat pa koroŋ ta izem na. Mi kaimer ko ikam mbotjana mata yaraaraŋana tomini.^l ³⁰Tamen wal boozo men ta mungu tiwe mataana, nako tila tikemer. Mi zin tau kaimer kan, nako tiwe mataana.”^m

Sua toorojana pizin wal ta tikam uraata pa baen lene

20 ¹Yesu ikam sua toorojana taingi. Iso: “Peeze ki Anutu na, ka mbulu kembei ta tomtom ta. Mbenbenjana mi ni imanga ma ila be iyo wal pakan ma tikam uraata pa baen lene kini. ²Ni indeeje tomtom pakan, to iso pizin ta kembei: Sombe tikam uraata pa aigule ta, to ingiimi zin pa pat denari ta.” Iso pizin makinj, to tila pa uraata. ³Ni imbotmbot ma zoŋ mataana ise ma ikam kembei lamata mi paŋ, to ila mini pa nol uunu. Mi ire tomtom pakan timendernder sorok ma timbotmbot, ⁴to iso pizin. Iso: ‘Ai, niom tina, kombombooreyom sorok paso? Leyom uraata som? Kena kala kakam uraata pa baen lene tio. Nio ko aŋkam leyom kadoono ma ikot uraata tiom.’ ⁵Tana zin tomini tila tikam uraata.

Zoŋ mataana ise ma palakuutu, to ila mini. Mi zoŋ mataana ikam kembei tel na, ni ikam mbulu raraate men tau. ⁶Rou, ma zoŋ mataana ikam kembei lamata, to ni iwwa ma ila nol uunu mini. Mi indeeje tomtom pakan timendernder sorok ma timbotmbot, to iwi zin ma iso: ‘Ai,

^j 19:26 Un 18:14 ^k 19:28 Lu 22:30; 1Kor 6:2; Tur 3:21 ^l 19:29 Ibr 10:34

^m 19:30 Mt 20:16; Lu 13:30 ⁿ 20:2 Indeeje mazwaana tana, tomtom sa isombe ikam kat uraata pa aigule ta, na tikamam le kadoono irao pat denari ta.

parei ta niom kombotmbot sorok ma zoŋ be isula i? Leyom uraata som?’
⁷Mi zin tipekel kalŋaana ma tiso: ‘E-e, tomtom sa ikam yam pa uraata som.’ To ni iso pizin ma iso: ‘Oo, kena kala kakam uraata pa baen lene tio.’

⁸“Mi rou kat ma uraata imap, tona baen lene katuunu iboobo menderŋana kini ta ma imar, mi iso pini. Iso: ‘Boobo zin uraata kan ma timar, mi kam len kadoono. Mi kam pizin kaimer kan muŋgu, to ila ma imap su kizin muŋga kan.’⁹ Tana menderŋana ila ma iyo zin uraata kan ma timar, mi ikam len kadoono. Zin wal ta timar kaimer ma tikam uraata rimen na, ni ikam len pat denari ta ma ikot zin. ¹⁰Tana zin muŋga kan tindemeere ma tiso ko ni ikam len kadoono biibiŋana ma isalae pizin pakan. Mi som. Zin tikam raraate kembei ta zin pakan. ¹¹Tana indeeŋe ta zin tikam pat na, zurun imbuk mi tikam sua boozo pa baen katuunu. ¹²Tiso: ‘Wai, zin wal ta timar kaimer na, tikam uraata biibi som. Mi niam na, zoŋ ilas yam ma ambel uraata pa mbeŋbeŋŋana mi ila rou. Mi iŋgi parei ta nu ŋgiimi yam raraate kembei ta zin kaimer kan!’

¹³“Tana baen katuunu iso pa tomtom kizin ta ma iso: ‘Toronŋ, nio aŋkam ŋoobu som. Kadoono ta muŋgu aŋso ma yok pa, ta aŋkam pu na. ¹⁴Tana kam pat ku, mi miili ma la pa ruumu ku. Mi leŋ. Sombe leleŋ be aŋkampe zin kaimer kan ma aŋkam len kadoono raraate kembei ta aŋkam pu, ¹⁵ina nio koroŋ tio. Som parei? Nu ketem malmal pio, paso aŋkampe zin wal pakan?’ ” ¹⁶Tona Yesu ipemet sua kini ma iso: “Kere. Wal kaimer kan ko timuŋgu, mi zin muŋga kan ko tila tikemer.”^p

Yesu iso mini pa meeteŋana kini ma iwe tel pa
(Mk 10:32-34; Lu 18:31-34)

¹⁷Yesu iwwa be isala pa Yerusalem, mi ikam naŋaŋ kini laamuru mi ru ma ziŋan tilae ri, to zin men mi iso sua pizin. ¹⁸Iso: “Keleŋ. Iŋgi be tasala pa Yerusalem i. Mi Tomtom Lutuunu, ni ko tikami mi tiuri la zin bibip kizin patoronŋana kan ziŋan zin ŋgarŋan ki tutu naman. Mi zin ko tiur sua be imeete. ¹⁹Mi ko tiuri la zin wal ta Yuda somŋan i naman, mi zin tipeŋeu i, mi tibalisi, mi tipuni sala ke pambaaraŋana ma imeete. Tamen ko ka mbeŋ iwe tel pa, to burup ma imanga mini.”

Yems ziru Yoan lenen be tiwe biibi
(Mk 10:35-45)

²⁰Zebedi kusiini ziŋan lutuunu bizin ru tila ki Yesu, to nan iŋgun kumbuunu isu Yesu kereene uunu, mi iso iwi i pa koroŋ ta. ²¹Tana Yesu iwi i ma iso: “Nu lelem pa sokorei?” Mi moori tina ipekel kwoono ma iso: “Nio leleŋ be kaimer, nu sombe swe mburom mi peeze ku ma ipet mat,

na ur lutuŋ bizin ru ti be timbot su zilŋom uunu mi tiuulu upa peeze kamŋana. Ta imbot nomom woono, mi toro imbot la ki ŋas.^q

²² Yesu ipekel nan kalŋaana ma iso: “Koroŋ ta kiwi yo pa na, niom kuute ka pataŋana som. Kere. Mbooro tabe nio aŋwin la i, ko niomru karao be kiwin la tomini?”^r

²³ Ziru tipekel kwoono ma tiso: “E, niam amrao.” To Yesu iso: “Ŋonoono, mbooro tio na, niomru kola kiwin la. Mi muriyom ta koso pa na, ina uraata tio som. Ina koroŋ ki Tamaŋ Anutu. Mi zin wal tabe timbot zilŋoŋ uunu i, ina ni iur zan pataaŋa kek. Zin ta ko timbot pa.”^s

²⁴ Indeeŋe zin naŋgaŋ laamuru tileŋ wal ru tana sua kizin na, keten malmal pizin. ²⁵ Tabe Yesu iso pizin ma timar, mi iso pizin. Iso: “Mbulu ki toono na, niom kuute kek. Zin karkari ta Yuda somŋan i, bibip kizin tipakurkur zitun, mi matan pasom zin wal ta timbot la kopon mbarmaana na. Mi zin wal ta zanŋan i, na tikototo zin tomtom.”^t ²⁶ Tamen niom na, kakam mbulu ta kembena pepe. Tiom tasa, isombe leleene be iwe biibi piom, na ni bela ikoto itunu ma iwe mbesooŋo piom.”^u ²⁷ Mi tiom tasa isombe leleene be iwe mataana piom, na bela iwe mbesooŋo sorokŋana kat piom. ²⁸ Pa ina, mbulu ki Tomtom Lutuunu. Kere. Ni imar be tomtom timbeeze pini na som. Imar be itunu imbeeze pizin tomtom, mibe izem kat itunu ma imeete pizin tomtom boozomen bekena ingiimi zin ma tiwe lene.”^v

Yesu iurpe tomtom matan piŋan ru
(*Mk 10:46-52; Lu 18:35-43*)

²⁹ Yesu ziŋan naŋgaŋ kini tizem kar Yeriko ma tila na, iwal biibi tito zin ma ziŋan tila. ³⁰ Mi tomtom matan piŋan ru ta mbulen isu zaala zilŋaana ma timbotmbot. Ziru tileŋ kembei Yesu imar, to timaŋa mi kalŋan biibi ma tiso: “O biibi, Dabit Lutuunu. Muŋai yam lak!”

³¹ Iwal biibi tileŋ zin, to tipeteke la pizin be timaane. Tamen ziru kalŋan izalla ma tiso: “Ai biibi, Dabit Lutuunu, muŋai yam lak!” ³² Tana Yesu imender, mi iboobo zin ma timar. To iwi zin. Iso: “Niomru leleyom be aŋkam parei piom?”

³³ Ziru tipekel kwoono ma tiso: “Biibi, niam leleyam be motoyam peere ma amre lele.” ³⁴ Mi Yesu leleene isaana pizin. Tana namaana ila matan, to loŋa men mi matan ikam pak. Tona ziru tomini tito i ma ziŋan tila.

Yesu isala pa Yerusalem
(*Mk 11:1-11; Lu 19:28-40; Yo 12:12-19*)

21 ¹ Yesu ziŋan naŋgaŋ kini tipa ma timar kolouŋana pa Yerusalem. Mi tigarau pa kar Betpage ta imbot sala abal Olib lwoono na, to

^q 20:21 Mt 19:28; Lu 22:30 ^r 20:22 Mt 26:39+; Yo 18:11 ^s 20:23 Tur 1:9

^t 20:25 Lu 22:25+ ^u 20:26 Mt 23:11; 1Pe 5:3 ^v 20:28 Lu 22:27; Pil 2:7; 1Tim 2:6

Yesu ingo nanganj kini ru be timuungu ma tisala. ²Iso pizin ta kembei: “Kasala pa kar ta imbot mar kembei. Sombe kala kepet, to kere donjki ziru lutuunu ta timbit zin lae ma timbotmbot. Kuputke zin, mi kakam zin ma kusu. ³Mi sombe tomtom sa iwi yom, to koso pini ta kembei: ‘Merere, ni le uraata ri pizin. Mako ipimiili zin ma lonja men mi timar mini.’”

⁴Tabe sua ki Anutu kwoono ta, iur nonoono. Sua ta kembei:

⁵Koso pizin Sion^w kan ta kembei:

“Kere. King tiom ta isama i.

Ni ikoto itunu, mi mbuleene ise mbili uraata kana.

Mbuleene ise donjki lutuunu poponjana mi isama i.”^x

⁶Tana nanganj kini ru tina tila, mi tikam kembei ta ni iso pizin na.

⁷Tikam donjki lutuunu ziru naana ma timar, to tikinke mburu kizin mat kana mi tipeele sala donjki lutuunu ndemeene, to Yesu isala mi mbuleene ise. ⁸Mi iwal biibi tiwar mburu kizin isu zaala beken a tipakuri. Mi wal pakan na, tisebogboogo ke namannaman, mi tisan zin su zaala tomini.

⁹To wal pakan timuungu pini, mi pakan tikemer, mi kaljan izalla ma tizzo:

“Hosana!” Tapakur Dabit Lutuunu.

Merere ko ipombol tomtom ti mi ikampe i.

Pa ni ikam Merere runguunu ta imar i.

Hosana! Tapakur Merere zaana ma isala kor!”^z

¹⁰Beso Yesu ilela Yerusalem na, kar kopoono iseleenge. Mi zin Yerusalem kan tiparwwi zin ma tiso: “Ingga asij ta imar a?” ¹¹Mi zin iwal biibi tipekel kaljan ma tiso: “Ingga Yesu, Anutu kwoono ta imar pa kar Nasaret ki Galilea.”

Yesu iziiri zin tomtom pa Urum Merere

(Mk 11:15-19; Lu 19:45-48; Yo 2:13-22)

¹²To Yesu ilela siiri ki Urum Merere leleene, mi imangayaara zin tomtom ta tikamam ngomo pa koronj kizin isu urum kwoono na. Ni imanga pa mbalia ta zin wal tiparpekelkel pat zalla na, ramaki mbalia kizin wal ta mbulen izze mi tikamam ngomo pa man mbalmbal na. ¹³Mi iso pizin ta kembei. Iso: “Sua ki Anutu iso pataaja kek ta kembei:

Zin ko tipaata urum tio be sunjana muriini.”^a

Tamen niom kakam ma iwe kembei ‘raj sumbuunu ta zin kuumbu kan tikewe lela i.’”^b

^w 21:5 Sion na, kar Yerusalem zaana toro. ^x 21:5 Yesa 62:11; Sek 9:9 ^y 21:9 Hosana na, sua mbukuunu kizin Israel. Ka uunu ta kembei: ‘ikamke.’ Sombe tipakur tomtom biibi sa mi tiyotyoto pini, na tiboboobo ta kembei: “Hosana, Hosana!” ^z 21:9 Mbo 118:26

^a 21:13 Yesa 56:7 ^b 21:13 Yer 7:11

¹⁴Yesu imbotmbot la urum kwoono, mi wal matan pisjan mi narapejan pakan timar kini, mi ni iurpe zin ma nin ambai. ¹⁵Mi zin bibip kizin patoronjana kan mi zin ngarnan ki tutu tire uraata bibip ta ni ikamam na, mi tilen zin nangan munmun ta timbotmbot urum kwoono na, tipakurkur Yesu mi kaljan izalla ta kembei: “Hosana! Tapakur Dabit Lutuuu!” ¹⁶To nin puliizi mi tiso lae pa Yesu ma tiso: “A, sua ta tizzo i, nu taljom ma len som?” Yesu ipekel kwon ma iso: “E, nio anlen kek. Mi parei? Niom kapaata sua ki Anutu som? Sua ta kembei:

Anutu, nu itum ur zin nangan munmun mi pikan
be tiwit urum!”^c

¹⁷Yesu iso sua tana, to izem zin ma timbotmbot, mi imiili ma ila pa kar Betania, mi ikeene pa mben tana.

Yesu ipiri sua pa ke fik
(Mk 11:12-14, 20-24)

¹⁸Berek su na, Yesu imiili ma ila mini pa Yerusalem. Iwwa ma ila mi peteli su zaala lwoono. ¹⁹Tana mataana ila na, ire ke fik ta imender su zaala ziljana na. To ipa ma ila be ikam ka nonono. Tamen ila na, indeen nonono sa som. Ruunu men. Tana iso pa ke tana ma iso: “Indeen ta tingi mi ila na, nu ko piyoto mini nonono sa som.” Iso sua tana na, ke tana ruunu imelle ma imap, mi imeete pataja.^d ²⁰Nangan kini tire mos tana na, timurur pa mi tiso: “Wai, parei ta ke tingi karau men mi imeete?”

²¹Mi Yesu ipekel kwon ma iso: “Nio anso kat piom: Sombe leleyom iwe ru som mi kuurla kat, inako karao be kakam kembei ta nio ankam pa ke taingi. Mi tina men som. Ko karao be kakam uraata bibip pakan tomini. Kembei ta abal tinga. Sombe koso be izem muriini mi ila itop sula tai, nako mbulu tana ipet.”^e ²²Pa sombe kuurla kat mi kusug Anutu pa korog sa, inako ni ikam piom.”^f

Zin bibip tiwi Yesu pa asij ta iuri pa uraata kini?
(Mk 11:27-33; Lu 20:1-8)

²³Yesu imiili ma ilela siiri ki Urum Merere lelene mini, mi ikamam sua ki Anutu pizin tomtom ma imbotmbot. Mi zin bibip kizin patoronjana kan zijan zin peeze kan pakan timar tipet kini, to tiwi i. Tiso: “Lak, uraata ta kamam na, nu zom pa? Mi asij iuru pa?”^g

²⁴Yesu ipekel kwon ma iso: “Wijana tiom ambai. Mi nio ansombe anwi yom pa tio ta i. Sombe kepekel, inako anpekel niom tiom. ²⁵Lak,

^c 21:16 Mbo 8:2 ^d 21:19 Lu 13:6+ ^e 21:21 Mt 17:20 ^f 21:22 Mt 7:7+, 18:19; Yo 14:13+
^g 21:23 Yo 2:18; Ijgo 4:7

Yoan ta mungu ikamam yok pizin tomtom na, asiŋ iuri pa uraata kini? Ni ta imbotmbot saamba a, som zin tomtom?” Mi zin tipekel karau som. Tiparwwi zin ma tiso: “Wai, iŋgi kozo ko toso parei? Pa sombe toso Ni ta imbotmbot saamba a iuri, to ni ko iso piti ta kembei: ‘Kena parei ta niom kuurla sua kini som?’”²⁶ Mi sombe toso: ‘A Yoan, tomtom tiuri pa uraata kini,’ inako iwal biibi ti timanga piti. Pa zin timap tipou Yoan ma tiso ni Anutu kwoono.”

²⁷Tana tipekel Yesu kwoono ma tiso: “Ii, niam amute som.” To Yesu kadoono isu mi iso pizin. Iso: “Kenako nio tomini, irao be aŋso yom pa Ni ta iur yo pa uraata tio i na som.”

Sua tooroŋana pa zin nanŋaŋ ru

²⁸Mi Yesu iso pizin ma iso: “Lak, niom kakam ŋgar be parei? Tomtom ta, ni lutuunu bizin ru. Aigule ta, ni ila ki lutuunu ta, mi iso pini ta kembei. Iso: ‘Lutuŋ, koozi la pa baen lene mi kam uraata.’”²⁹ Mi lutuunu ipekel kalŋaana ma iso: ‘E-e, nio mburoŋ som.’ Mana kaimer itooro ŋgar kini, to ila mi ikam uraata.

³⁰“Tona tomtom tana ila ki lutuunu toro, mi iso pini be ni tomini ila ikam uraata. Mi lutuunu tina, ni iyok sorok ma iso: ‘E, nio ko aŋla.’ Tamen ila som.”³¹ Lak, nanŋaŋ iŋgoi ta ito tamaana leleene?”

Mi zin tiso: “Lutuunu mataana kana.”

To Yesu iso: “Nio aŋso kat piom. Zin wal sananŋan ta tiyyo takes na, ziŋan zin moori zaala lwoono kan na, zin timuŋmuungu piom mi tila timbot lela Anutu peeze kini leleene.”³² Pa Yoan imar be iso yom pa zaala ndeeŋeŋana ki Anutu, mi tamen niom kuurla kini som. Mi zin wal sananŋan ta tiyyo takes na, ziŋan zin moori zaala lwoono kan na, zin tiurla kini. Mi niom kere zin titooro lenen, tamen ituyom kotooro leleyom mi kuurla kini som.”^h

Sua tooroŋana pa zin wal uraata kan

(Mk 12:1-12; Lu 20:9-19)

³³Mi Yesu iso pizin mini ma iso: “Kunŋun talŋoyom mi keŋeŋ sua tooroŋana toro ti. Toono katuunu ta, ni iurpe toono kini mi ipaaza ke baen pa. Mi ipo siiri ma iliu, mi iurpe baen piiziŋana muriini, to ipo beeze ta isala kor, bekana uraata kan timbot sala mi matan lala pa baen lene. Iurpe koroŋ ta boozomen ma imap, to izem la kizin wal uraata kan naman be matan pa, mi imaŋga ma izem kar kini, mi ila imbot pa lele pakaana toro.”ⁱ

³⁴“Imbot imbot ma indeeŋe mai ki baen keŋana, to iŋgo mbesooŋo kini pakan ma tila kizin wal uraata kan tana be tikam baen kini pakan ma

^h 21:32 Lu 7:29+ ⁱ 21:33 Mbo 80:8+; Yesa 5:1+

imar. ³⁵Tamen tila na, mbesooŋo ta, zin uraata kan tikiskisi ma tibalisi. Mi toro na, tipuni ma imeete. Mi toro na, tipuni pa pat. ³⁶To baen katuunu iŋgo mbesooŋo kini pakan tomen ma tila. Mi zin tomini, uraata kan tikam mbulu raraate men pizin. ³⁷Kaimer to iŋgo itunu lutuunu ma ila. Pa ikam nŋar ta kembei. Iso: ‘Lutuŋ ŋonoono, nako len nŋer pini mi tipou i.’ ³⁸Tana iŋgo lutuunu ma ila. Beso ber na, molo mi uraata kan tiparso pizin ma tiso: ‘Ouo kere. Iŋga biibi itunu lutuunu ta imar a. Ni tabe imender pa koron ti pa kaimer mi iwe katuunu. Lak, kozo tupuni ma imeete. Naso koron ti imbot ma iwe lende.’ ³⁹To timaŋga na tikiskisi, mi tiyaaru tataati pera siiri ndemeene, mi tipuni ma kup.”^k

⁴⁰Yesu iso sua tana ma imap, to iwi zin. Iso: “Lak, ina kozoko baen katuunu ikam parei pa wal uraata kan tana?” ⁴¹Mi zin tipekel kalŋaana ma tiso: “Kola ikas zin wal sananŋan tana ma timetmeete lup. Meetenjana kizin ko sananŋana kat. Mi iur wal pakan be timboro baen lene kini tana. Beso mai ki baen keŋana, tona zin ko tikam baen ŋonoono ila kini.”^l

⁴²To Yesu iso pizin mini ma iso: “Sua ki Anutu ta tibeede se ro na, niom kapaata som? Sua ta isombe:

Pat ta zin ruumu poŋana kan matan repiili mi tipiri lae lene na,
pat tamen tana, ta ko tipamender ruumu sala ma imbol.

Mbulu tina ipet pa Anutu itunu mburaana.

Mi amre na, ipa ndel kat.”^m

⁴³⁻⁴⁴Mi Yesu iso seenge sua mini ma iso: “Mi wal ta so titutkat zin sala pat tana, nako tisaana kat. Miombe pat tana itop sala nwan ma ipun zin, inako tiron imurummurum ma imap. Tana nio aŋso kat piom: Anutu ko itatke peeze kini piom, mi iur la wal pakan naman, beken a tipiyooto ka ŋonoono ma ipet.”ⁿ

⁴⁵Zin bibip kizin patoronŋana kan mi zin tutu kan tileŋ sua tooronŋan ki Yesu na, tikilaala kembei ni iso sua tana ise kizin. ⁴⁶Tana tisombe tikisi. Tamen timoto kan. Pa zin iwal biibi tire Yesu kembei ni Anutu kwoono.”^o

Sua tooronŋana pa bobi ki Anutu

(Lu 14:15-24)

22 ¹To Yesu ikam sua tooronŋan pakan mini pizin tomtom. Iso: ²“Peeze ki kar saamba na, ka mbulu kembei ta king ta. Ni isombe ikam kini pa ula ki lutuunu. ³Tana ikam sua ila pizin wal pakan pa ula tabe ipet i. Mi iparaŋraŋ koron ta boozomen makin, to iŋgo mbesooŋo kini mini ma tila be tiyo zin leembe. Tamen tila na, zin leembe mburan be timar som. ⁴Tana iŋgo mbesooŋo pakan mini, mi iso pizin ma

^j 21:38 Mt 27:18 ^k 21:39 Ibr 13:12 ^l 21:41 Iŋgo 13:46, 28:28 ^m 21:42 Mbo 118:22+; Iŋgo 4:11; Ro 9:33; 1Pe 2:4+ ⁿ 21:43-44 Yesa 8:14+; Ro 9:33; 1Pe 2:8 ^o 21:46 Mt 21:26

iso: ‘Zin wal ta aŋboobo zin be timar na, kala mi koso pizin ta kembei: ‘Kini ma buzur, ta aŋparaŋraŋ pataaŋa kek. Tana kamar mi takan ula ka kini.’ ⁵Tamen zin leembe tikam ŋgar pa bobi tana som. Mi tila pa uraata kizin kizin. Pakan tila pa mokleene, mi pakan tila be tikam ŋgomo pa koron kizin. ⁶Mi pakan na, tikiskis zin mbesoonjo ki king, mi tikam bakai pizin, mi tipun zin ma timetmeete.

⁷“Tabe tipas king tana keteene ma keteene malmal kat. To ingo zin malmal kan kini ma tila, mi tikas zin wal ta tipun mbesoonjo kini na ma timetmeete lup, mi titun kar kizin. ⁸Kaimer to, iboobo mbesoonjo kini pakan ma timar, mi iso pizin ta kembei. Iso: ‘Aiss, lutuŋ kini kini ula kana ta aŋparaŋraŋ makin kek. Mi zin wal ta mungu aŋboobo zin be timar na, aŋur motoŋ pizin sorok. Aŋdemeere ma aŋso ko zin wal ambaimbaiŋan. Mi ingi som.’ ⁹Kena kala mini, mi kapa pa zaala lwonlwon mi koso pizin wal ta boozomen be timar ma tikan kini ki lutuŋ. Pa ingi koron isu ma isaana kek.’

¹⁰“Tana zin mbesoonjo tila pa zaala lwonlwon mi tiyo wal ta boozomen ma timar ma ruumu tana bok kat. Tikam zin wal ambaimbaiŋan, mi wal sananjan tomini.

¹¹“Tikanan ma timbotmbot, to king ilela be ire zin leembe. Mi ire tomtom ta, ni iur mburu ki ula som mi imar sorok.’ ¹²Tana iwi i ma iso: ‘Ndaŋ, parei ta nu ur mburu ki ula som, mi mar le ti sorok?’ Mi tomtom tina, ni le sua sa som. ¹³To king iso pizin mbesoonjo kini ma iso: ‘Kopo kumbuunu ma namaana, mi kipiri i pera zugut lene. Lele tana ka tomtom bizin tiyakyak mi zoŋon ŋekŋek ma timbotmbot.’ ”

¹⁴To Yesu iparwai sua kini ma iso: “Bobi ki Anutu ila pizin iwal biibi. Mi tamen ka tataŋa men, ta ni ikam zin.”

Wiŋana pa takes piriŋana (*Mk 12:13-17; Lu 20:20-26*)

¹⁵To zin tutu kan tila tilup zin mi tiru zaala pa Yesu. Tisombe titoombi pa wiŋana pakan. Beso ni ipekel ŋoobo, to iwe le uunu. ¹⁶Tana tingo nanŋaŋ kizin pakan ziŋan Erot wal kini pakan ma tila ki Yesu, mi kwon imbeeze pini ma tiso: “Mos katuunu, niam amute: Nu tomtom ki sua ŋonoono men. Nu mototo zin tomtom som, mi lae ki tomtom sa som. Nu zzo katkat zin tomtom pa Anutu zaala kini, mi kamam sua ŋonoono men pizin. ¹⁷Tana so kat piam. Nu re be parei? Itiombe tigiibi takes ila ki Kaisa, ko indeeŋe pa tutu kiti, som som?”

¹⁸Mi Yesu, ni iute ŋgar kizin sananjana kek. Tana iso pizin ma iso: “Niom pakamkaamŋoyom! Parei ta koso kotoombo yo? ¹⁹Pat ta tiwirri pa takes na, kakam tasa imar ma aŋre.” Tana tikam pat denari ta ila kini. ²⁰Mi ni iteege, to iwi zin. Iso: “Lak, asiŋ ruŋguunu mi zaana ti?”

^p 22:8 ŋgo 13:46 ^q 22:11 Tur 3:4+, 19:8 ^r 22:13 Mt 8:12

²¹Zin tiso: “Ina Kaisa tau.” To Yesu iso: “Tana. Koronj ta Kaisa zaana pa, to ila kini. Mi koronj ki Anutu na, ila ki Anutu.”^s ²²Tilej sua kini tana na, timurur pa. To tizemi mi tila len.

Wal meetejan ko timanga mini, som som?

(Mk 12:18-27; Lu 20:27-40)

²³Indeeje aigule tana na, zin sadusi pakan tomini timar ki Yesu. Zin sadusi na, Yuda pakan ta tiurla kembei Anutu ko irao ipei zin meetejan ma timanga mini som.^t ²⁴Tana timar ki Yesu, mi tiwi i ma tiso: “Mos katuunu, Mose iso ta kembei: Sombe tomtom sa iwoolo moori ma tipeebe sa som mi imeete, to tiziini bela iwoolo ka nooro. Beso tipeebe ma ingi, tona pikin tana ikel toono kolmanjana ta imeete na.”^u ²⁵Lak, lwoono ta na, tonmatizij tiam lamata mi ru. Timbotmbot ma mungamunga iwoolo. Mi ikam keljana sa som, mi imeete. To tiziini ta ito i na, ikam ka nooro. ²⁶Mi tipeebe sa som, mi ni tomini ra, imeete. To tiziini ta iwe tel pa na, ikam mbulu raraate men. Ta kembei kembei ma zin lamata mi ru tana timetmeete lup. Mi len keljan sa som. ²⁷To kaimer na, moori tomini, ni imeete. ²⁸Lak, indeeje mbej kaimer ma zin meetejan tisombe timanga mini pa naala, nako moori tina iwe tomtom ingoi kusiini? Pa zin lamata mi ru ta tiwooli na.”

²⁹Yesu ipekel kwon ma iso: “Aiss, niom tina, kuute Anutu mburaana mi sua kini risa som kat. Tanata kakam kat ngar som. ³⁰Mbej kaimer, sombe Anutu ipei zin meetejan ma timanga mini pa naala, na tomtom ko tiparwoolo zin mini som. Pa zin ko kembei zin ajela ta timbot saamba a. ³¹⁻³²Mi manjanana kizin wal meetejan, ina niom katalli pa kat. Parei, sua ta Anutu ikam piom na, kapaata som? Sua ta iso ta kembei:

Nio ingi Anutu ki Abaraam, Isak, mi Yakop.”

“Sua tana iswe kembei wal tel tana matan yaryaara ma timbotmbot raama Anutu. Mibe timeete ma tila len kat, so ni irao ipaata itunu be Anutu kizin som.”^w

³³Zin iwal biibi tilej sua kini tina na, timurur pa mi sua imap.

Tutu mataana kana

(Mk 12:28-34; Lu 10:25-28)

³⁴Zin tutu kan tilej kembei Yesu ipiri sua pizin sadusi ma sua kizin imap, to tila tilup zin. ³⁵To tomtom kizin ta, tau ni le ngar biibi pa tutu na, ni isombe itoombo Yesu. ³⁶Tana ila ipet ki Yesu, mi iwi i. Iso: “Mos katuunu, tutu ingoi ta ilip pa tutu ta boozomen?”

³⁷Yesu ipekel kwoono ma iso:

^s 22:21 Un 1:27; Ro 13:7; 1Pe 2:17 ^t 22:23 Nggo 23:8 ^u 22:24 Lo 25:5

^v 22:31-32 Kam 3:6 ^w 22:31-32 Kam 3:6; Nggo 7:32; Ibr 11:16

“Ur lelem ila ki Merere Anutu ku raama ngar ku mi mburom ma imap ma iwe ni lene men.”^x

38 “Tutu tingi ta biibi kat mi iwe mataana pa tutu ta boozomen. 39 Mi tutu biibi toro ta ka ngar igarau, ina ta kembei:

Ur lelem pizin tomtom kembei ta lelem pa itum.”^y 40 “Tutu ta boozomen ki Mose mi sua ta mungu Anutu kwoono bizin tiso na, timap ma timbot lela tutu ru taingi lelen.”^z

Mesia ko iyooto pa Dabit be parei?

(Mk 12:35-37; Lu 20:41-44)

41 Zin tutu kan tilup zin ma timbotmbot, mi Yesu iwi zin ma iso:

42 “Lak, Mesia tabe imar i, niom kakam ngar pini be parei? Ko ipet pa asiŋ popoŋana kini?”

Mi zin tiso: “Ni ko ipet pa Dabit.”^a

43 To Yesu iwi zin mini ma iso: “Kena parei ta Bubujana ipei ngar ki Dabit ma ipaata Mesia be Biibi kini?”^b 44 Pa Dabit iso ka sua ta kembei:

Merere Anutu iso pa Biibi tio ta kembei:

‘Mar mbulem su ta nomoŋ woono i

ma irao aŋkoto kom koi bizin ma mburan imap kat,

mi kumbum ise nguren.’^c

45 “Tana Dabit itunu ipaata Mesia be Biibi kini. Lak, popoŋana sa ki Dabit ko irao be ilip pini be parei?”

46 Tileŋ sua kini tana ma sua imap. Tomtom sa irao be ipekel kwoono som. Tana indeeŋe tana mi ila na, tomtom sa iwi i pa kosa sa mini som. Pa timoto.

Mbulu pakurŋana kizin tutu kan mi zin ngarŋan ki tutu

(Mk 12:38-39; Lu 11:43,46, 20:45-46)

23 1 Tona Yesu iso pizin iwal biibi ziŋan nangarŋ kini. 2 Iso: “Kere. Zin tutu kan mi zin ngarŋan ki tutu tikam Mose muriini be tikam tutu pizin tomtom. 3 Tana sua boozomen ta so tikam piom, na kozo keleŋ la mi koto. Mi mbulu kizin na, koto pepe. Pa sua kizin ta tizzo na, zitun tikamam ka mbulu som.”^d 4 Mi tiyyo tutu namannaman boozomen, tabe tikam pataŋana biibi pizin tomtom. Tamen zitun tiur naman kunuunu risa be tiuulu zin na som.”^e 5 Mbulu kizin ta munŋaana men na, tikamam pa tomtom matan men. Kere. Koronŋ kizin ta sua ki Anutu imbot la mi tiwwo sala ndomon mi ila naman ngureene na, ina bibip kat. Ilip pizin tomtom pakan. Mi kere mburu ta tizebzeebe zin pa i,

^x 22:37 Lo 6:5 ^y 22:39 Wkp 19:18; Mt 19:19 ^z 22:40 Mt 7:12; Ro 13:10; Ga 5:14

^a 22:42 Yo 7:42 ^b 22:43 Ŋgo 2:30 ^c 22:44 Mbo 110:1; Ŋgo 2:34+; 1Kor 15:25; 1Ibr 1:13

^d 23:3 Mal 2:7+ ^e 23:4 Ŋgo 15:10

ka morenmoren mololo, bekenā tomtom tire mi tipakur zin.^f ⁶ Mi sombe tila pa kini kanjana, som tilela lupjana muriini, to lonja mi tiserseere ma tila be mbulen se mbalia mataana kana ta zin wal zanja murin na.^g ⁷ Mi lenen be tiwwa pa kar keteene, bekenā tomtom tire zin mi tiso sua pakurjana pizin. Mi lenen be tomtom tipaata zin be ‘mos katuunu.’

⁸ “Tamen niom na, tomtom tipakur yom ma tipaata yom be ‘mos katuunu’ pepe. Niom ta boozomen kaparwatwaata yom be tojmatizij men. Paso, niom leyom mos katuunu tamen nonono ta imbotmbot. Ina nio tau. ⁹ Mi niom irao be kapakur tomtom toono kana sa mi kapaati be tomoyom na pepe. Pa Tomoyom tamen nonono na, Ni ta imbotmbot saamba a. ¹⁰ Mi wal tipaata yom be biibi kizin pepe. Pa biibi tiom tamen nonono ta Mesia. ¹¹ Tomtom ta sombe leleene be iwe biibi piom, na bela ikoto itunu ma iwe mbesoojo piom.^h ¹² Pa tomtom ta sombe ipakurkur itunu, na Anutu ko ikoto i. Mi tomtom ta sombe ikototo itunu mi imbesmbeeze pizin tomtom, na Anutu ko ipakuri.ⁱ

Yesu ingal zin tutu kan mi zin ngarjan ki tutu matan
(*Mk 12:40; Lu 11:39-42,44,52*)

¹³ “Niom tutu koyom mi niom ngarjoyom ki tutu na, tembel yom kek! Niom kembel pakaamjana pa urlajana tiom. Ituyom kombotmbot lela peeze ki kar saamba som. Mi wal ta so tikam kinkiini be timbot lela, na kapakaala zaala pizin mi kepeteke zin.

¹⁴ “Niom tutu koyom mi niom ngarjoyom ki tutu, tembel yom kek! Niom kembel pakaamjana pa urlajana tiom! Pa niom korog to kawadatke zin noroja bekenā kekem leyom ruumu kizin ramaki mburu kizin. Mi kapakaam ma kakamam sunjana mololo. Tana kadoono tabe kakam pa mbulu tiom tana, ko sorok som kat.]

¹⁵ “Niom tutu koyom mi niom ngarjoyom ki tutu, tembel yom kek! Niom kembel pakaamjana pa urlajana tiom! Pa niom kawwa pa lele ta boozomen ta irao tai mi toono be kakam tomtom lenen ma tigaaba yom mi tiwe nanga tiom. Mi zin wal ta kakam zin na, niom kekeske zin pa mbulu tiom sananjana, ma tila tilip piom kat. Tana kaimer ko niomjan mi kala leyom ta kar sanaana.

¹⁶ “Tembel yom kek! Pa niom motoyom pisjoyom. Tamen kosombe koso zin tomtom pa Anutu zaala kini. Niom kapakankaana zin tomtom ma kozzo pizin ta kembei: ‘Tomtom sa sombe ipaata Urum Merere zaana bekenā ipombol sua kini, na sua tina ko imbol pe som. Mi sombe ipaata mburu milmiljana ta imbot lela Urum Merere na zaana, tona sua kini ko imbol kat. Irao be itooro kaljana mini na som.’^j ¹⁷ Niom motoyom

^f 23:5 Kam 13:9; Lo 6:8; Mt 6:1+ ^g 23:6 Mt 6:5; Lu 14:7 ^h 23:11 Mt 20:26; Lu 22:26; Pil 2:5+ ⁱ 23:12 Lu 14:11, 18:14; 1Pe 5:6; Yems 4:10 ^j 23:16 Mt 15:14

pisnjoyom mi tallinoyom kat! Koronj ingoi ta potomjana kat ma ilip? Urum Merere, som mburu milmiljana ta imbot lela? Som. Mburu, ina koronj sorok. Ina urum ta ikam mburu tana ma iwe koronj potomjana. ¹⁸Mi kakam mbulu toro ta kembei tomini. Pa koso: 'Tomtom sa isombe imbuk sua sa mi ipaata artaal zaana bekena ipombol sua kini, na sua kini tana ko imbol pe som. Mi sombe ipaata patoronjana ta imbot sala artaal na zaana, tona sua kini ko imbol kat. Irao be itooro kaljaana mini na som. ¹⁹Motoyom pisnjoyom kat! Pa koronj ingoi ta potomjana kat ma ilip? Artaal, som patoronjana ta imbot sala artaal? Som. Patoronjana, ina koronj sorok. Ina artaal ta ikam patoronjana tana ma iwe koronj potomjana. ²⁰Tana sombe tomtom sa ipaata artaal bekena ipombol sua kini, ina ni ilup artaal ramaki ka koronj boozomen ta timbot sala na. ²¹Mi sombe ipaata Urum Merere be ipombol sua kini, ina kembei ipaata Anutu zaana pa tomini. Pa Urum Merere, ina Anutu muriini. ²²Mi sombe ipaata saamba bekena ipombol sua kini, ina kembei ni ipaata Anutu zaana mi Anutu muriini peeze kana tomini. Paso, Anutu ni imbotmbot ta tina.^k

²³⁻²⁴"Niom tutu koyom mi niom ngarnoyom ki tutu, tembel yom kek! Niom kembel pakaamjana pa urlajana tiom! Pa motoyom ingaljal be kikinin zeere tiom soroksorok mataana kana be kakam la ki Anutu, kembei ta tutu iso na. Ina ambai. Tamen tutu bibip jonoono, ina kakam ngar pa som! Tutu ta kembei: Kitiiri kat patajana kizin tomtom, mi kuurpe ma ambai. Kumunai zin tomtom. Mi koto sua tiom mbukjana. Tutu tel ti mi tutu pakan tomini, sombe koto to ambai. Niom motoyom pisnjoyom! Ko koso zin tomtom pa Anutu zaala kini be parei? Jonoono, tutu namannaman munmun ta boozomen na, niom motoyom ingaljal be koto. Tamen tutu bibip jonoono na, kototo som. Niom kembei zin wal ta tisepet lokon pa yambon ma ila ne. Mi mbili biibi kat ta tutu ingalsek pa na, tire som, mi tiwon men.^l

²⁵"Niom ngarnoyom ki tutu mi niom tutu koyom, tembel yom kek! Niom kembel pakaamjana pa urlajana tiom! Niom kembei mbooro ta ndemeene ingeeze kat mi leleene na imukmuk. Pa mbulu tiom mat kana na, kuurpe ma ambai pa tomtom matan. Tamen leleyom na, bok pa ngar sananjana. Pa motoyom koronjyoyom mi kakamam ngar pa ituyom men.^m ²⁶Niom tutu koyom tina, niom motoyom pisnjoyom! Kuurpe leleyom mungu. Naso mbulu tiom mat kana ingeeze tomini."ⁿ

²⁷"Niom ngarnoyom ki tutu mi niom tutu koyom, tembel yom kek! Niom kembel pakaamjana pa urlajana tiom! Niom kembei meetenjan murin ta tipengeeze mat kana ma ingeeze kat. Mi leleene kana na, bok pa uri tirontiron mi koronj buzanjan boozo.^o ²⁸Ina raraate men piom. Pa

^k 23:22 Yesa 66:1; Mt 5:34 ^l 23:23-24 Wkp 27:30; Mika 6:8 ^m 23:25 Mk 7:4

ⁿ 23:26 Mt 15:20; Tit 1:15 ^o 23:27 Igo 23:3

mbulu tiom mat kana na, tomtom tire ma tiso ko niom ndeenjeyom. Tamen leleyom na, bok kat pa mbulu pakaamjana mi sanangana.^p

Yesu iswe kadoono kizin tutu kan mi zin ngarjan ki tutu
(Lu 11:47-51)

²⁹“Niom ngarjeyom ki tutu mi niom tutu koyom, tembel yom kek! Niom kembel pakaamjana pa urlajana tiom! Motoyom ila pa Anutu kwoono bizin mi zin wal ndeenjan ta munju tumbuyom bizin tipun zin ma timetmeete na. Zin wal tana, ta koozi kuurpe naala kizin ma ingeeze kat bekena kapakur zin. ³⁰Mi koso ta kembei: ‘Aiss, niam be ambot pa mazwaana tana, so amgaaba tumbuyam bizin pa mbulu ta tikam pa Anutu kwoono bizin tana na som.’ ³¹Tana niom keswe kat ituyom. Zin wal ta tipunun Anutu kwoono bizin ma timetmeete na, popojana kizin ta niom na!^q ³²Kena koposop uraata ki tumbuyom bizin ma imap kat!

³³“Niom sananjeyom kembei ta mooto. Mooto sanangana lutuunu bizin ta niom na! Ko kala koyom? Anutu kola iur kadoono piom mi ipiri yom sula kar sanaana.^r ³⁴Tana nio anso kat piom ta kembei: Nio ko ango zin wal ngarjan, mi Anutu kwoono bizin, mi zin tomtom tabe tipaute yom pa mbulu ki Anutu. Mi tomtom kizin pakan na, niom ko kupun zin ma timetmeete. Mi pakan, nako kupun zin sala ke pambaarajana. Mi pakan, nako kabalis zin lela lupjana muriini tiom, mi keketo zin pa kar ta boozomen.^s ³⁵Tana kadoono tabe ise tiom i, ko sorok som. Pa wal boozomen ta titekteege sorok zaaba pizin wal ndeenjan na, kadoono kizin sanangana ta ingi be ise tiom i. Indeeje ta Abel, mi imar imar ma ipet ki Bereki lutuunu Sakaria ta imbot koloujana pa artaal uunu lela Urum Merere mi kupuni mi imeete na, mbulu sanangan ta boozomen tana ka kadoono kola ise tiom.^t ³⁶Nio anso kat piom: Niom ta kombotmbot i, ko kere sua ta boozomen ti iur jonoono.”

Yesu leleene isaana pa Yerusalem
(Lu 13:34-35)

³⁷Yesu imanga to iso: “O kar Yerusalem, kar Yerusalem! Anutu kwoono bizin ta niom kembel kasjana kek. Mi zin ngonjana kini ta ni ingo zin piom na, ku'unun zin pa pat ma timetmeete. Mi nio na, lelej be ankokor yom ma kamar, kembei ta man ikuubukaala lutuunu bizin. Tamen niom leleyom pio som.^u ³⁸Tana Anutu ko izem yom ma Urum Merere tiom imborene sorok.^v ³⁹Pa nio anso kat piom ta kembei: Niom ko kere moton mini som ma irao ituyom kosombe:

^p **23:28** Lu 16:15 ^q **23:31** Igo 7:52 ^r **23:33** Mt 3:7 ^s **23:34** Igo 5:40, 22:19; 2Kor 11:24; Ibr 11:36+ ^t **23:35** Un 4:8; Ibr 11:4 ^u **23:37** Igo 7:59 ^v **23:38** 1Kin 9:7+; Yer 12:7, 22:5; Mt 24:15

Merere, ko ipombol tomtom ti mi ikampe i.
Pa ni ikam runguunu ta imar i.”^w

Yesu iso pa Urum Merere reegejana
(Mk 13:1-2; Lu 21:5-6)

24 ¹Yesu izem Urum Merere ma ila, mi zin nanġan kini tikonjuru i mi tisombe tiso i pa urum tana mi ruumu pakan ta timbot raama. ²Mi ni iso pizin ma iso: “Ijonoono kat. Koron boozomen tinġa ta kere la pa a, kaimer ko tireege ma tipiri kinġakinġa ma tisu len lup. Kan koronġan risa ko imbot se muriini mini na som.”^x

Patajana boozo kola iwedet mana urum reegejana
(Mk 13:3-13; Lu 21:7-19)

³Tona Yesu ila ma isala abal Olib, mi mbuleene su ma imbotmbot. Mi nanġan kini tila tipet kini, to zin men zinan Yesu timbot mi tiwi i. Tiso: “Biibi, so kat piam. Sua ta so pa urum reegejana na, uraata tana ko iur ġonoono ġiizi? Miombe miilġana ku mi toono swoono ka nol igarau, inako ka kilalan parejana?”

⁴Yesu ipekel kwon ma iso: “Motoyom ingalġal ituyom! Kokena tomtom sa ipandelndel yom.”^y ⁵Pa wal boozo kola timanġa, mi tipaata sorok nio zon mi tiso: ‘Inġi nio Mesia tau.’ Mi wal boozomen ko tikan la sua kizin pakaamġana.^z ⁶Miombe kelen malmal ka orooro, som malmal bibip urun, na keteyom guruk mi komoto pepe. Pa mbulu ta kembena kola ipet. Mi toono swoono, nako zen. ⁷Pa toono ta boozomen ka tomtom bizin kola tiparkam malmal pizin. Mi king ta ko ikam malmal pa king ki lele toro. Yenġeenġe bibip kola titok toono, mi lele pakan ko tikan peteele.^a ⁸Patajana boozomen tana, ina iwe mataana pa patajana bibip pakan tabe tipet pa kaimer i.

⁹“To koyom koi bizin ko tikam yom, mi tiur yom la zin peeze kan naman be tiseeze motoyom mi tipun yom ma kemetmeete. Mi toono ta boozomen kan tomtom bizin kola tiur koi piom paso, niom kototo yo.”^b ¹⁰Mbulu tana iso ipet, to tomtom boozo ko tizem urlanġana kizin, mi tiparwe kan koi, mi tiparswe zin la ki kan koi bizin. ¹¹Mi wal boozomen kola timanġa, mi tipakaam kembei zin Anutu kwoono bizin. Mi tomtom boozomen ko tikan la kalġan.^c ¹²Mi wal boozomen ko len par pizin mini som. Pa mbulu sananġana kola ipet ma iwe biibi.^d ¹³Tamen tomtom ta so imender mbolġana, mi ikis urlanġana kini ma irao swoono, inako Anutu ikamke i ma imbot ambai.^e ¹⁴Mi ko tisoyaara uruunu ambaiġana

^w 23:39 Mbo 118:26 ^x 24:2 Lu 19:44 ^y 24:4 Ep 4:14; 2Tes 2:1+; 1Yo 4:1

^z 24:5 Iġo 5:36+; 1Yo 2:18 ^a 24:7 Tur 6:3+ ^b 24:9 Mt 10:22; Yo 15:18 ^c 24:11 1Tim 4:1+; 2Pe 2:1; 1Yo 4:1 ^d 24:12 2Tim 3:1+; Tur 2:4 ^e 24:13 Mt 10:22

tingi pa peeze ki kar saamba ma irao toono mungu, beken a tomtom ta boozomen tilej, tona toono swoono.^f

Patajana biibi kat kola ikam zin Yerusalem kan
(*Mk 13:14-23; Lu 21:20-24*)

¹⁵ “Kaimera ko kere wal pakan tipamender koron sananjan a kat lela lele potomjan a, to lele tana isaana kat. Ka sua Anutu kwoono Daniel iso ta mungu kek. (Tomtom ta sombe ipaata sua ti, na ni itunu irao ikam ngar pa ka uunu.)^g ¹⁶ Mbulu tana iso ipet, na zin wal ta timbotmbot lele pakaana ki Yudea na, loja mi tiko ma tisala pa lele abalabaljan a. ¹⁷ Tana tomtom sa isombe imbot ruumu kini ka pooto, na ilela ruumu be ikam koron kini sa pepe. Kanjan patajan a ma ila. ¹⁸ Mi sombe tomtom sa imbot mokleene kini mi ikamam uraata, na iloondo ma ila ruumu mini be ikam mburu kini toro sa pepe. Ni tomini, kanjan patajan a ma ila. ¹⁹ Zin moori ta sombe koponjan mi zin ta pemyamjan pa mazwaana tana, na ra, tembel zin kek. Pa patajan a biibi kola ikam zin. ²⁰ Tana kuson pa Anutu. Kokena mbulu tana ipet pa gorgor ki yan, som aigule potomjan a tabe ketende su pa i. To niom irao koko som, mi patajan a ikam yom. ²¹ Patajan a tana, ko sananjan a kat ma ilip pa patajan a boozomen ta tipet pa toono kek na. Indeeje mata popoten ta Anutu iur saamba mi toono, mi imar imar ma indeeje koozi na, patajan a sa ta kembei ipet pasa zen. Mi kaimera ko patajan a toro sa ta kembei ipet mini som.^h ²² Patajan a tana, sombe Anutu ipemet loja som, inako tomtom sa irao imbot na som. Tamen ni kopoono pizin wal kini ta iroogo zin pa itunu kek, tana kola ipemet ma imap karau men.

²³ “Mbulu tana iso ipet, mi sombe tomtom sa iso piom ma iso: ‘Kere Mesia ta itunu tis’, som ‘Ni imbotmbot tinga’, na kuurla sua kini pepe.ⁱ ²⁴ Pa wal pakamkaamjan kola timanja, mi tipakaam zin tomtom ma tiso zin Mesia, som Anutu kwoono sa. Mi ko titooro mos boozo, mi tikam uraata bibip pakan, beken a tipakaam zin tomtom pa. Mi Anutu wal kini ta ni iroogo zin pa itunu na tomini, wal tana ko titoombo be tipakaam zin.^j ²⁵⁻²⁶ Kelen! Koron boozomen tana ipet zen, mi ingi anjotaara yom patajan a. Tana sombe tomtom sa iso piom ma iso: ‘Kere. Mesia ta ila ma imbotmbot lele bilimjan a tinga!’ na kala pepe. Mi sombe tiso: ‘Mesia ta imbotmbot lela ruumu leleene a!’ na kuurla sua kizin pepe.^k ²⁷ Pa Tomtom Lutuunu isombe imiili ma imar mini, na ni ko isu kembei ta lolo ikam bil ma ikakat saamba. Tana tomtom irao toono ta boozomen ko tire i.

^f 24:14 Mt 10:18, 28:19; Mk 13:10 ^g 24:15 Dan 9:27, 11:31, 12:11

^h 24:21 Dan 12:1; Yoel 2:2 ⁱ 24:23 2Tes 2:1+ ^j 24:24 Lo 13:1+; 2Tes 2:8+; Tur 13:13+

^k 24:25-26 Lu 17:23+

28 “Lele ta sombe koronj buzaana sa imbotmbot pa, inako man anjkor tila tindou zin la ma bok.^l

Miiliḡana ki Tomtom Lutuunu

(Mk 13:24-27; Lu 21:25-28)

29 “Pataḡana boozomen tana sombe tipet lup, inako molo som to zonj mataana imeete. Mi puulu tomini, ko iyaara mini som. Mi pitik ko tizem murin mi titoptop. Mi Anutu ko itok zin koronj mburanḡan ta timbot sala maḡaanaḡana na.^m 30 To kilalan sa ko ipet sala maḡaanaḡana be iso zin tomtom pa Tomtom Lutuunu be imiili. Tana zin tomtom ta timbot toono na, kola titanḡan, mi tire sala pa Tomtom Lutuunu imbot lela miiri tieene, mi isu raama mburaana mi azunḡa kini biibi kat.ⁿ 31 Tona koronj sa kembei ta twiiri ko itaḡ ma kalḡaana biibi, mi Tomtom Lutuunu inḡo zin aḡela kini ma tila tipa pa lele ta boozomen be tiyogeeḡe zin wal ta ni iroogo zin pa itunu na, ma tila tilup zin la kini.^o

Sua tooroḡana pa ke fik

(Mk 13:28-31; Lu 21:29-33)

32 “Kere la pa ke fik mi kakam nḡar pa. Ke tana isombe irunḡ, tona kikilaala kembei inḡi be zonj biibi isu. 33 Ina zaala raraate men pa mbulu ta anḡzo yom pa i. Niom sombe kere mbulu ta boozomen tana tiwedet, to kikilaala ta kembei: Miiliḡana ki Tomtom Lutuunu, ta ka nol igarau kek. 34 Nio anḡo kat piom: Wal ta koozi kan i, ko timap pa toono zen, mi tire uraata boozomen inḡi ipet.^p 35 Saamba mi toono kola timbiriizi ma tila len. Tamen sua tio ko irao be ila lene na som. Ko imbotmbot men ta kembei.^q

Miiliḡana ki Tomtom Lutuunu na, tomtom sa iute ka nol som

(Mk 13:32-37; Lu 17:26-30,34-36)

36 “Nol tabe koronj ta boozomen tana tipet pa i, na tomtom sa iute som. Aḡela ta timbot saamba na tiute som, mi Lutuunu tomini, iute som. Tamaana itutamen ta iute.^r 37-39 Miiliḡana ki Tomtom Lutuunu ko kembei nonor biibi ta ipet pa mazwaana ki Noa na. Indeeḡe tana, tomtom matan sorok ma timbotmbot. Tikilaala mbulu tabe ipet pizin i som. Tikanan ma tiwinin, mi tiparwolwoolo zin, ma ila indeeḡe kat aigule ta Noa bizin tilela woongḡo na. Tona nonor ipet ma ipambiriizi zin tomtom ma timap lup. Mi sombe Tomtom Lutuunu imiili ma imar mini, inako mbulu raraate men tau.^s 40 Nol kini iso ipet, mi tomtom ru timbot mokleene mi tikamam

^l 24:28 Lu 17:37 ^m 24:29 Ezek 32:7; Yoel 2:10,31; 2Pe 3:10 ⁿ 24:30 Dan 7:13;

1Tes 4:16+; Tur 1:7 ^o 24:31 Yesa 27:13; 1Kor 15:52; 1Tes 4:16 ^p 24:34 Mt 16:28

^q 24:35 Mt 5:18 ^r 24:36 Inḡo 1:7; 1Tes 5:1+ ^s 24:37-39 Un 7:21+; Lu 12:40; 1Pe 3:20; 2Pe 3:6

uraata, inako tikam ta, mi ta imbot. ⁴¹Mi sombe moori ru tikamam uraata pa kini urpejana ila mbata, inako mbulu raraate men tau. Tikam ta, mi ta imbot. ⁴²Tana motoyom ingal ituyom! Pa nol tabe biibi tiom imiili pa i, ina niom kuute som. ^{t 43}Lak. Sombe ruumu katuunu sa iute nol tabe tomtom kuumbuana imar pa i, ko ikeene? Som. Ko ipamatmaata ma imbotmbot. Kokena tomtom kuumbuana tana ipetepaala ruumu kini mi ilela. ^{u 44}Tana niom ta kembena. Kozo kuurur motoyom ma kombotmbot. Pa nol ki Tomtom Lutuunu na, niom kuute som. Ni ko imar kembei ta pamururjana.”

Zin mbesoogo bela tiurur matan ma timbotmbot

(Lu 12:41-48)

⁴⁵To Yesu ikam sua toorojana ti. Iso: “Mbesoogo ta so ni mata sejana mi le ngar ambaijana, inako biibi kini iuri be imboro ruumu ka uraata mi irre waene bizin pa kan kini.” ^{v 46}Mi sombe biibi kini ila lele sa ma imiili ma imar mini, mi indeeje mbesoogo tana ikamam kat uraata kini, inako mbesoogo tana ikam kampejana ambaijana. ⁴⁷Nio anso kat piom: Biibi kini ko iuri ma iwe mataana be imboro koroj kini ta boozomen.”

⁴⁸“Tamen sombe ni mbesoogo sananjana, mi ikam ngar ta kembei. Iso: ‘Aa, biibi tio ko loja imar na zen.’ ⁴⁹To imanga mi ipun sorok waene bizin, mi igaaba zin winjana kan mi zijan tiwinin ma tikanan ma tigadgaada, na kozo ire i. ⁵⁰⁻⁵¹Pa biibi kini ko imar mi ipamururi. Tonabe ikam zaaba pini, mi ipiri i ma ila igaaba zin wal ta tikam pakaamjana pa urlajana kizin na, ma zijan tila lele sananjana, mi tiyakyak mi zojon jekjek ma timbotmbot.”^x

Sua toorojana pa tamuriŋ laamuru

25 ¹“Indeeje nol tabe Tomtom Lutuunu imiili ma imar pa i, na peeze ki kar saamba, nako ka mbulu kembei tamuriŋ laamuru ta titeege lam kizin mi tila be tizza pa tomooto ula kana.” ^{y 2-4}Lamata na, kankaanajan. Tikam lam kizin ma tila, tamen tikam len kerasin raama som. Mi zin lamata tomen na, len ngar. Tikam lam kizin mi tikam len kerasin raama. ⁵Mi tomooto ula kana tana, ni loja imar som. Tabe zin tamuriŋ tina matan jenjeene ma tisaana kat.

⁶“Mi so mbej lukutuunu na, tilej wal kaljan isala ma tiso: ‘Ouo, ula ka tomooto ta imar i. Kamar ma kere i!’ ⁷To tamuriŋ laamuru tina burup ma timanga be tiurpe lam kizin. ⁸Mi zin kankaanajan timanga na, tiso pa zin tau len ngarjan na, ma tiso: ‘Ai, kere leyam kerasin sa. Pa niam tiam, ta ingi be imap i.’ ⁹Mi zin tau len ngarjan na, tipekel kwon ma tiso: ‘E-e, amrao amuulu yom na som. Ingi irao piam men. Kala kingiimi

^t 24:42 Mt 25:13 ^u 24:43 1Tes 5:2+; 2Pe 3:10; Tur 16:15 ^v 24:45 1Kor 4:2

^w 24:47 Mt 25:21+ ^x 24:50-51 Mt 8:12 ^y 25:1 Tur 19:7; Lu 12:35

leyom.’ ¹⁰To moori kankaanangan tina tila be tingiimi len kerasin. Mi molo som na, tomooto ula kana imar ipet. Tana zin tamuriŋ ta len ŋgarŋan na, timaŋga ma tila kini mi ziŋan tila ma tilela ruumu ula kana. Tilela, mi kataama imar kolok la.

¹¹“Kaimer na, zin lamata tomen ta timar titut kataama mi tiso: ‘O biibi, sol kataama piam lak!’” ¹²Tamen tomooto ula kana tana iso pizin ma iso: ‘Ou, niom ziŋoi? Nio aŋute yom som. Kala leyom.’”^a

¹³To Yesu ipemet sua kini ma iso: “Tana motoyom iŋgalŋgal. Pa nol tabe Biibi tiom imiili pa i, na niom kuute som.”^b

Sua tooroŋana pa mbesooŋo tel

(Lu 19:11-27)

¹⁴Mi Yesu ikam sua tooroŋana toro ma iso: “Peeze ki Anutu, nako ka mbulu kembei ta tomtom ta. Ni isombe imanga ma ila pa lele molo. Tana iboobo zin mbesooŋo kini ma timar, to iur koronŋ kini ta boozomen ila naman be timboro mibe tikam uraata pa. ¹⁵Mi iur pat ikot zin tataŋa irao ŋgar kizin kizin. Iur pat munŋaana lamata (kembei 5,000 kina) ila ki mbesooŋo ta. Mi munŋaana ru (2,000 kina) ila ki toro, mi munŋaana ta (1,000 kina) ila ki toro. Tona izem zin mi ila.”^c

¹⁶“Mbesooŋo ta ikam pat munŋaana lamata na, ni loŋa mi imanga pa ka uraata. Tabe ipeebe muŋaana lamata (5,000) tomen ma isala ki ma iwe munŋaana laamuru (10,000 kina). ¹⁷Mi ni ta ikam munŋaana ru na, ikam mbulu raraate. Tabe ipeebe munŋaana ru tomen ma isala ki ma iwe munŋaana paŋ (4,000 kina). ¹⁸Tamen mbesooŋo ta ikam munŋaana ta na, ni ila itwi pat ki biibi kini tina isula toono, mi iturke ma imbotmbot.

¹⁹“Timbotmbot ma moloŋana ri, mana biibi kizin imiili ma imar mini. To iboobo zin ma timar bekeni itiiri zin pa uraata kizin. ²⁰Tomtom ta ikam pat munŋaana lamata na, iteege munŋaana laamuru ma ila iur su biibi kereene uunu mi iso pini ta kembei. Iso: ‘Biibi re. Pat ku munŋaana lamata ta ur mar nomonŋ, ta aŋkam uraata pa ma ipeebe munŋaana lamata tomen ma isala ki ma iwe munŋaana laamuru na. Kam koronŋ ku tis!’ ²¹Tana biibi kini iso pini ma iso: ‘Yo barau! Nu mbesooŋo ambaiŋom kat. Pa motom se mi kam kat uraata pa koronŋ musaari. Tana ko aŋuru be mboro koronŋ bibip pakan. Mar ruumu tio be itinŋan tombotmbot mi menmeen ti.’”^d

²²“To mbesooŋo ta ikam pat munŋaana ru na, ila ipet kini mi iso: ‘Biibi re. Pat munŋaana ru ta ur mar nomonŋ, ta aŋkam uraata pa ma ipeebe munŋaana ru tomen ma isala ki ma iwe munŋaana paŋ. Kam koronŋ ku tis!’ ²³Tana biibi kini iso pini ma iso: ‘Yo barau! Nu mbesooŋo ambaiŋom

^a 25:11 Lu 13:25+ ^b 25:12 Mt 7:23 ^c 25:13 Mt 24:42 ^d 25:15 Ro 12:6+; 1Kor 12:7+; Ep 4:7-11 ^e 25:21 Mt 24:45+; Lu 16:10; 1Kor 4:2

kat. Pa motom se mi kam kat uraata pa koronj musaari. Tana ko anjuru be mboro koronj bibip pakan. Mar ruumu tio be itijan tombotmbot mi menmeen ti.’

²⁴ “Kaimer to, ni ta ikam pat munjaana ta na, ila ipet kini mi iso: ‘Biibi, nio ajute nu tomtom toro. Pa nu munjaikai zin tomtom risa som. Mi mbotmbot se wal pakan uraata kizin tieene. ²⁵ Tana anjamoto u mi ajla ajturke koronj ku isula toono. Re pat ku tis. Kam lem koronj.’ ²⁶ Biibi kini iso pini ma iso: ‘Oo, nu mbesoonjo sananjom mi ngwoljom kat! Nu sombe nio anmunjaikai zin tomtom risa som. Mi anbotmbot se wal pakan uraata kizin tieene, na? ²⁷ Nakena uunu parei ta nu ur pat tio ti ilela ruumu pat kana, be ipepeebe som? Naso anjar to ankam pat tio nonoono mi gegeene ri isala ki.’ ²⁸ To biibi iso pa mbesoonjo kini pakan ma iso: ‘Pat ta imbot la to ti namaana na, katatke pini mi kakam la ki tomtom ta le munjaana laamuru na! ²⁹ Pa tomtom ta sombe le koronj imbot mi ikam uraata pa, inako ikam le pakan isala ki ma ni irao kat pa koronj ta boozomen. Mi ni ta le koronj ri, mi ikam uraata pa som, inako titatke pini.’ ³⁰ Mi mbesoonjo sananjana tingi, kakami mi kipiri i pera zugut lene, be itantag mi zoonoo nekejek ma imbotmbot.’^f

Tomtom Lutuunu ko iur kadoono pizin tomtom

³¹ “Kaimer, sombe Tomtom Lutuunu imar raama zin ajela mi iswe mburaana biibi, nako mbuleene ise muriini peeze kana be itiiri zin tomtom.^g ³² Mi ko tiyo zin karkari ta boozomen ma timap timender su kereene uunu. Tonabe ni ipitpeleele zin ma tiwe wal uunu ru, kembei ta mborogan kizin mbili ipitpeleele zin sipsip ma tila timbot ndel, mi mekmek tila timbot ndel.^h ³³ Zin wal ndeejengan na, ni ko iur zin ma tila timbot su namaana woono. Mi sanangan, nako tila pa namaana jas.

³⁴ “To King ko iso pizin wal ta timbot la namaana woono na ma isombe: ‘Niom tana kamar koloujana. Pa kampejana ki Tamaŋ Anutu ta ise tiom kek. Kamar, kakam matamur kini, mi kelela kar ta ni ikamam peeze pa i. Mungu kek, indeeje ni iur saamba mi toono zen na, ni iurpe kar tingi piom.’ⁱ ³⁵ Pa indeeje ta nio petel yo na, kere konj kini ma ankan. Mi miri yo na, kakam konj yok ma anwin. Mi anwe leembe mi lej muriŋ be anbot pa som na, kakam yo lela ruumu tiom. ³⁶ Mi lej mburu som na, kakam lej ma anpakaala yo pa. Mi mete ikam yo na, komboro yo. Mi tiur yo lela ruumu sanaana na, kamar kolou yo.’

³⁷ “Tona zin wal ndeejengan tina ko timanga, mi tiwi i ma tiso: ‘Wai Merere, sua ku tana, niam amkankaana pa. Nu so nu petelu, mi amkam kom kini. Mi miri u, mi amkam kom yok. ³⁸ Mi we leembe ma lem murim

^e 25:29 Mt 13:12; Mk 4:25; Lu 8:18 ^f 25:30 Mt 8:12 ^g 25:31 Mt 16:27, 19:28; Tur 20:11+

^h 25:32 Ezek 34:17; Ro 14:10; 2Kor 5:10 ⁱ 25:34 Ep 1:4

som, mi amkamu ma mar ruumu tiam. Mi amkam lem mburu be zeebu pa. ³⁹Mi amre umete ikamu, mi amboro u. Mi tiuru lela ruumu sanaana leleene, mi ama amlou u. Mbulu boozomen tana, niam amkam pu ŋiizi?’

⁴⁰“Tona king ko ipekel kwon ma iso: ‘Nio aŋso kat piom ta kembei: Mbulu ta kakamam pizin wal tio sorrokŋan tau muŋgu niomŋan kombotmbot na, ina nio aŋre kembei kakam pio tau.’”

⁴¹“Tona ni ko itoori ma kereene ila kizin wal ta timbot la namaana ŋas na, mi iso pizin ma iso: ‘Niom wal sananŋoyom. Anutu kete malmalŋana kini imbotmbot se tiom. Tana koko molo pio. Kala ma kusula leyom you sananŋana ta tiurpe pa Sadan ziŋan aŋela kini pataaŋa kek na.’” ⁴²Pa indeeŋe ta nio petel yo na, kakam koŋ kini sa som. Mi miri yo na, kakam koŋ yok som. ⁴³Mi indeeŋe ta aŋwe leembe mi leŋ muriŋ sa be aŋbot pa som na, kakam yo lela ruumu tiom som. Mi kakam leŋ mburu be aŋpakaala yo pa som. Mi mete ikam yo na, komboro yo som. Mi aŋbot lela ruumu sanaana na, kamar kolou yo som.’”

⁴⁴“Tona zin ko timaŋga, mi tiwi i ma tiso: ‘Wa Merere, sua ku tana, niam amkankaana pa. Nu so muŋgu nu petelu, mi miri u, mi we leembe, mi lem mburu som, mi mete ikamu, mi mbot lela ruumu sanaana, mi tamen niam amuulu usom. Mbulu tana, niam amkam pu ŋiizi?’” ⁴⁵Mi King ko ipekel kwon ma iso: ‘Nio aŋso kat piom: Zin wal tio sorrokŋan ta muŋgu niomŋan kombotmbot na, indeeŋe ta kipizil ndemeyom pa kizin tasa mi ku'uuli som na, kipizil ndemeyom pio tau.’”

⁴⁶To Yesu iposop sua kini ma iso: “Zin wal ta kembei, Anutu ko iziiri zin ma tila len be tikam kadoono kizin. Kadoono tana ko imbotmbot se kizin ma alok. Mi zin wal ndeeŋeŋan na, ni ko ikam zin ma tila timbotmbot raami ma alok.”^l

Zin bibip timbuuru pa Yesu (Mk 14:1-2; Lu 22:1-2; Yo 11:45-53)

26 ¹Yesu iso sua ta boozomen tana ma imap, to iso pizin nangan kini ma iso: ²“Niom kuute: Malama, to suŋŋana biibi ki Pasoba ipet. Mi Tomtom Lutuunu ko tikami mi tiuri la ka koi bizin naman be tipuni sala ke pambaaraŋana.”^m

³Indeeŋe tana na, zin bibip kizin patoronŋana kan ziŋan zin peeze kan pakan tilup zin lela ruumu ki Kaipas, ta biibi kizin patoronŋana kan na. ⁴Mi tirru zaala keŋana sa pa Yesu be tikami, mi tipuni ma imeete. ⁵Mi tiparso pizin ma tiso: “Irao takami pa mazwaana ki lupŋana biibi taŋgi pepe. Kokena zin iwal biibi timaŋga mi tikam malmal.”

^j 25:40 Mt 10:42; Mk 9:41; Ibr 6:10 ^k 25:41 Mt 7:23; Tur 20:10 ^l 25:46 Yo 5:29; Ro 2:7+; Tur 20:15 ^m 26:2 Kam 12:1+; Mt 20:18

Moori ta ilij ngere sala Yesu uteene
(Mk 14:3-9; Yo 12:1-8)

⁶Yesu ziŋan naŋgaŋ kini timbotmbot ruumu ki Simon ta kar Betania. Simon tana, mungu mbetmbeete sananŋana ikami. ⁷Tikanan kini ma timbotmbot, mi moori ta, ni ikam ngere kuziiniŋana ta ka kadoono biibi kat na, mi imar ma ilij sala Yesu uteene.^a ⁸Nangaŋ kini tire na, irao lenen som. Tana tiso: “Waii, moori ti ipasaana sorok koronŋ tŋgi paso! ⁹Ijgere ti na, ka pat ta sorok som. Be tongomoono, so takam pat biibi be tu'uulu zin wal sorokŋan pa.”

¹⁰Tamen Yesu iute ngar kizin kek. Tana iso pizin ma iso: “Kumbuulu kwoyom pa moori ti paso? Ingi ni ikam mbulu ambaiŋana pio. ¹¹Zin wal sorokŋan ko niomŋan kombotmbot ma alok. Mi nio, nako itian tombotmbot ma molo som. ¹²Ijgere ti, ni ilij salakaala yo beken a iurpe yo pa koŋ mete. ¹³Tana nio aŋso kat piom: Kaime sombe tomtom tisoyaara uruŋ ma irao karkari, inako tiwidit mbol pa mbulu ta ni ikam pio i, beken a tomtom matan kiskis.”

Yudas iyok be iswe Yesu
(Mk 14:10-11; Lu 22:3-6)

¹⁴To nangaŋ laamuru mi ru ki Yesu tana, tomtom kizin ta, zaana Yudas Iskariot, ni imanga mi ila kizin bibip kizin patoronŋana kan. ¹⁵Mi iwi zin ma iso: “Lak, nio sombe aŋur Yesu ima nomoyom, nako kakam leŋ sokorei?” To zin tikam pat silba tomoota laamuru ise namaana mi ila. ¹⁶Tana indeeŋe tina mi ila na, Yudas irru zaala be iur Yesu ila naman.

Yesu ziŋan naŋgaŋ kini tikan Pasoba ka kini
(Mk 14:12-21; Lu 22:7-14, 21-23; Yo 13:21-30)

¹⁷Timbot ma aigule mataana kana ki lupŋana biibi tabe zin Yuda tilup zin mi tikan narabu ta ka yis somŋana i, to nangaŋ ki Yesu timar kini mi tiwi i. Tiso: “Lak. Kini ki Pasoba, ko amurpe pu isu swoi?”^o ¹⁸Mi ni iso pizin ma iso: “Kelela pa kar biibi, to kere tomtom ta imbotmbot. Koso pini ta kembei. Koso: ‘Mos katuunu tiam iso nol kini igarau kek. Tana leleene be ziŋan nangaŋ kini tikan kini ki Pasoba lela ruumu ku.’”

¹⁹Tana nangaŋ kini tito kalŋaana, mi tiparaŋraŋ kini mi koronŋ ta boozomen pa suŋŋana ki Pasoba. ²⁰Timbotmbot ma zoŋ isula, to Yesu ziŋan nangaŋ kini mbulen isu pa kini kanŋana. ²¹Tikanan ma timbotmbot, mi Yesu isu ma iso pizin. Iso: “Nio aŋso kat piom, tomtom tiom tasa kola iur yo la koŋ koi bizin naman.”

²²Nangaŋ kini tileŋ sua tana na, lenen ipata kat. Mi zin tataŋa timanga mi tiwi i. Tiso: “Biibi, sua ku tana, nu so pio?”

^a 26:7 Lu 7:37+ ^o 26:17 Kam 12:3+, 12:18+

²³Mi ni ipekel kwon ma iso: “Tomtom ta niamru amtizik narabu isula mbooro tamen, ina ni tau.”^p ²⁴Tana Tomtom Lutuunu kola tipuni ma imeete. Ka sua imbot pataaŋa kek. Mi tomtom tabe iswe i la ka koi bizin i, na tembeli kek! Naana ra ipeebe som, so ndabok!”

²⁵To Yudas tabe iswe i na, imanga mi iwi i. Iso: “Biibi, sua ku tana, nu so pio?” Mi Yesu ipekel kwoono ma iso: “Sua ta itum so na.”

Temen pemetŋana

(Mk 14:22-26; Lu 22:14-20; 1Kor 11:23-25)

²⁶Tikanan ma timbotmbot, mi Yesu ikam narabu ma isuŋ pa, to itette ma irao zin naŋgaŋ kini. Mi iso: “Kakam mi kakan. Ingi nio mozoŋ ŋonoono.”^q ²⁷Tona ikam mbooro baen ma isuŋ pa, mi ikam la kizin mi iso: “Is. Niom ta boozomen kakam mi kiwin. ²⁸Ingi nio siŋiŋ, ta ko ireere ma isu be ireege sanaana kizin tomtom boozomen, mi iwe zaala popoŋana be ziŋan Anutu tiparlup zin ma tiwe tamen.”^r ²⁹Nio aŋso kat piom. Nio ko aŋwin baen mini som ma ila indeeŋe ta itigaŋ tulup ti su kar ki Tamaŋ, to aŋwin mini baen popoŋana isu tana.”^s

³⁰Tikan makin, to timbo mboe suŋgaŋa kana ta, mi tizem ruumu mi tisala pa abal Olib.^t

Yesu iso Petrus ko iwatkaali

(Mk 14:27-31; Lu 22:31-34; Yo 13:36-38)

³¹To Yesu iso pizin naŋgaŋ kini ma iso: “Mbulu tabe ipet pio pa mbeŋ ta koozi, kola ikam niom ta boozomen ma kotop pa urlaŋana tiom mi kipizil ndemeyom pio. Pa sua ki Anutu imbot pataaŋa kek ta kembei:

Nio ko aŋpun mboroŋan kizin sipsip,
to zin sipsip ko tiko papirik lup.”^u

³²“Tamen kaimer sombe aŋmanga mini pa naala, nako aŋmuuŋgu ma aŋla aŋsa yom su Galilea.”^v

³³To Petrus imanga ma iso: “Inako zin pakan. Mi nio, nako aŋrao aŋtop mi aŋpizil ndemeŋ pu na som.” ³⁴Mi Yesu iso pini ma iso: “Petrus, nio aŋso kat pu. Mbeŋ ta koozi nu kola watkaala zoŋ pa tel, mana man itaŋ.”^w ³⁵Mi Petrus ipekel kwoono ma iso: “Asiŋ iso u? So tipunu, nako tipun yo tomini ma ituru mi temetmeete raraate. Mi irao aŋwatkaala zom na som. Som kat.” Mi zin naŋgaŋ pakan tomini tiso sua raraate men.

^p 26:23 Mbo 41:9 ^q 26:26 1Kor 11:23+ ^r 26:28 Kam 24:8; 1Kor 10:16; Ibr 9:28

^s 26:29 Tur 21:5 ^t 26:30 Mbo 118:29 ^u 26:31 Sek 13:7; Yo 16:32 ^v 26:32 Mt 28:7,16

^w 26:34 Mt 26:69+

Yesu isuj su lele Getsemane
(Mk 14:32-42; Lu 22:39-46)

³⁶Yesu ziŋan nanganŋ kini tipa ma tila tipet lele ta, zaana Getsemane. Tona iso pizin ta kembei. Iso: “Mbuleyom isu tiŋgi ma kombotmbot, mi nio aŋlae tinga be aŋsuŋ.” ³⁷To ikam Petrus mi Zebedi lutuunu bizin ru ma ziŋan tila. Mi Yesu tiŋisŋiizi ikami mi leleene ipata biibi kat. ³⁸Tana iso pizin ma iso: “Aiss, leleŋ ipata kat. Leleŋ patanŋana taŋgi be ipun yo ma aŋmeete i. Tana kapamatmaata raama yo mi itiŋan tombotmbot.”^x

³⁹Ni iso making, to izem zin ma timbot, mi ipa ma ilae ri. To iŋgun kumbuunu, mi ituundu su toono ma isuj. Iso: “O Tamaŋ, irao be tatke mbooro^y taŋgi pio? Iŋgi nio aŋso. Mi nu itum tau.”^z

⁴⁰Isuj making, mi imiili ma imar, to ire nanganŋ kini tel tina tikenne. Tana iso pa Petrus ma iso: “O niom tel, parei? Irao be kapamaata raama yo risa som? ⁴¹Niom kapamaata mi kusuj. Kokena toomboŋana ikam yom to kotop. Pa lelende na, mata leŋleŋ. Mi kulindi na, mburaana irao som.”^a

⁴²To izem zin mi ilae be isuj mini ma iwe ru pa. Iso: “Tamaŋ, mbooro ti, sombe lelem be tatke pio som, na toŋgo. Nio ko aŋkam mi aŋwin la. Nu itum lelem tau.” ⁴³Isuj ma imap, tona imiili ma ila mini. Mi ire nanganŋ kini tikenne men. Paso, matan ikam sanaana zin ma tisaana kat.

⁴⁴Tana izem zin, mi ila ma isuj mini. Ipoto suŋŋana kini ma iwe tel pa,^b ⁴⁵tona imiili ma imar mini kizin nanganŋ, mi iso pizin ma iso: “Wai! Niom kekenne men? Kamanga lak. Pa nol tabe tiur Tomtom Lutuunu ila zin wal sananŋan naman, ta iŋgi ipet kek. ⁴⁶Kamanga mi tala. Pa kere. Tomtom ta ila iswe yo la koŋ koi bizin, ta iwwa ma imar i.”^c

Tikam Yesu ma tila
(Mk 14:43-50; Lu 22:47-53; Yo 18:3-12)

⁴⁷Yesu izzo sua tina ma imbotmbot, mi Yudas ziŋan zin iwal biibi ta timar raama buza mi zaaba. Wal tana, zin bibip kizin patoronŋana kan ziŋan zin peeze kan pakan kizin Yuda tiŋgo zin ma timar. (Yudas tana, ni tomtom ta ta imbot la Yesu nanganŋ kini laamuru mi ru na.) ⁴⁸Mi Yudas isotaara zin kek ta kembei. Iso: “Kere. Tomtom ta sombe aŋbenbeŋe pini, ina ni tau. Kikisi.”

⁴⁹Tana iwal biibi tina tipet to, Yudas ikoŋuru Yesu ma ila, mi iso pini. Iso: “Mos katuunu, mbeŋ ambaiŋana!” To imbenbeŋe pini. ⁵⁰Mi Yesu iso pini ma iso: “Toroŋ, mbulu ti, ta mar pa i?” Iso sua tina, to tikiskisi,

^x **26:38** Yo 12:27 ^y **26:39** Mbooro, ina imender pa Anutu kete malmalŋana kini mi sanaana ka kadoono tabe Yesu ibaada i. ^z **26:39** Mt 6:10; Ibr 5:7+ ^a **26:41** Mt 6:13; Ro 7:18; Ga 5:17 ^b **26:44** 2Kor 12:8 ^c **26:46** Yo 14:31

mi tikami be tila. ⁵¹To nanġanġ kini ta, ni ipas buza kini, mi ipiri na isap tomtom ta talġaana ma itop su. Tomtom tana, ni mbesoŋo ki biibi kizin patoronġana kan. ⁵²Tamen Yesu iso pa nanġanġ kini tana ma iso: “Hait! Zeebe buza ku tana isula muriini mini. Pa wal boozomen ta titeege buza na, kaimer ko imiili pizin.” ^d ⁵³Nu ute som? Nioombe aŋboobo Tamaŋ Anutu be iuulu yo, so loŋa men mi iŋgo aŋela munġaana ka tieene ma tisu be tiporoukaala yo. ⁵⁴Tamenombe aŋkam ta kembena, ko sua ki Anutu iur ŋonoono be parei? Pa mbulu ti na, ka sua imbot pataaŋa kek.”

⁵⁵To iso pa iwal biibi tina ma iso: “Wai! Nio ti tomtom malmalŋoŋ sa, ta kamar ramaki buza ma zaaba be kakam yo i? Aigule boozomen ta itiŋan tomtotmbot Urum Merere kwoono, mi aŋkamam sua piom na. Parei ta kakam yo pataaŋa som?” ^e ⁵⁶Ambai. Toŋgo. Pa mbulu ta boozomen ti bela ipet. Naso sua ta Anutu kwoono bizin tibeede na, iur ŋonoono.” Iso sua tana, to nanġanġ kini ta boozomen tizemi mi tiko ma tila len.” ^f

Tipamender Yesu isu zin peeze kan keren uunu
(*Mk 14:53-65; Lu 22:54-55,63-71; Yo 18:13-14,19-24*)

⁵⁷Wal ta tikiskis Yesu na, tikami mi tila tiuri lela ruumu ki Kaipas leleene. Kaipas, ni biibi kizin patoronġana kan. Mi zin ŋgarġan ki tutu ziŋan zin peeze kan pakan tomini tilup zin su ruumu tina ma timbotmbot. ⁵⁸Mi Petrus, ni itokelkeeli ma ila. Ila ma igarau ruumu tana kwoono, to mbuleene isu, mi ziŋan zin menderġan timbotmbot mi tirre lae pa Yesu: Ko tikam parei pini? ⁵⁹Mi zin bibip kizin patoronġana kan ziŋan zin peeze kan ta boozomen titoombo be tiru tomtom pakan be tipombol sua pakaamġana pa Yesu. Naso iwe le uunu be tipuni pa. ⁶⁰Mi wal boozo timaŋga mi tiŋgal sua pakaamġana pini. Tamen sua kizin sa indeeŋe som. Tona wal ru timaŋga mi tiso: ^g ⁶¹“A, niam amleŋ to ti iso ta kembei: ‘Nio aŋrao be aŋreege urum biibi ki Anutu ma isu lene, mi aŋpamender mini pa aigule tel men.’” ^h

⁶²To biibi kizin patoronġana kan imaŋga mi iso pa Yesu ma iso: “Sua ta tigibgiibi pu na, nu rao be pekel som?” ⁶³Mi Yesu iso sua sa som. Imaane men. To biibi tana iso pini mini ma iso: “Nio aŋso pu ta kembei: Kozo so kat sua ŋonoono piam ila Anutu mata yaryaaraŋana mataana. Nu Mesia tau Anutu Lutuunu, som som?” ⁱ

⁶⁴Mi Yesu ipekel kwoono ma iso: “Sua ta itum so na. Mi nio aŋso kat pa niom ta boozomen ta kembei: Kaimer to niom ko kere

^d 26:52 Un 9:6; Tur 13:10 ^e 26:55 Lu 19:47, 21:37 ^f 26:56 Mbo 88:8; Mt 26:31

^g 26:60 Kam 20:16; Lo 19:15 ^h 26:61 Yo 2:19+; Iŋgo 6:14 ⁱ 26:63 Yesa 53:7; Mt 27:12

Tomtom Lutuunu, ni mbuleene ise muriini ta imbot la Anutu mbolkenkenjgana namaana woono. Mi ko kere ni imbot se miiri tieene saamba kana mi imiili ma imar.”^j

⁶⁵Biibi kizin patoronjana kan ilej sua tina na, ipas keteene. To iraaza mburu kini mi iso: “Oo imap! Tana turu tomtom toro sa be iso ka sua paso? Buri na tapas sua ila itunu kwoono i. Niom ituyom kombot mi kelenji. Ni ipasaana sua pa Anutu kek.”^k ⁶⁶Lak, niom koso parei?” Mi zin tipekel kwoono ma tiso: “Sua sa som. Ina uunu kini tina tabe imeete pa tau.”^l

⁶⁷Tona tipures la mataana, mi tipuni. ⁶⁸Mi tipeeze pajaana, mi tipejeu i ma tiso: “Nu Mesia mi Anutu kwoono, na? Kena so lak. Asij ta ipunu na?”^m

Petrus iwatkaala Yesu zaana

(Mk 14:66-72; Lu 22:56-62; Yo 18:15-18,25-27)

⁶⁹Indeeje tina, Petrus ni imbutultul ma imbotmbot ruumu kwoono. Mi mbesoogo moori ta, ni imar kini to iso: “Ai, nu tana tomini, niomru Yesu ta ki Galilea na kawwa.” ⁷⁰Tamen Petrus kwoono imbol mi iso ila iwal biibi matan ta kembei: “Wa! Sua ta zzo i, nio anjankaana pa.” ⁷¹To izem muriini mi ruk ma iperae jana ri ma imbotmbot. To moori toro ire i. Mi iso pizin wal ta zigan timendernder na, ma iso: “To ti, nio ajre i zigan Yesu ki Nasaret tiwwa.” ⁷²Mi Petrus iwatkaali mini, mi kwoono imbol ma iso: “E-e, jonoono kat ta kor a, tomtom tana, nio ajute i som.”

⁷³Timbot ri, to zin wal ta timendernder tina, tikojuru Petrus ma timar mi tiso: “Wai, nu tina, niomjan tau. Pa kaljeyom mbukunbukun raraate.” ⁷⁴Tabe Petrus imanga ma kwoono imbol mi iso: “Jonoono kat, tomtom ta niom kozzo pini na, nio ajute i risa som. Sombe anpakaam, na Anutu ipasaana yo lak!” Indeeje tana na, man itaj. ⁷⁵To Petrus mataana ila pa sua ta Yesu iso pini ma iso: ‘Mbenj ta koozi, nu kola watkaala zoj pa tel, mana man itaj.’ Tana iyooto ma ipera mat, mi itaj ma iyeryer.”

Tikam Yesu ma tila ki Pilatus

(Mk 15:1; Lu 23:1-2; Yo 18:28-32)

27 ¹Timbot ma mbenjbenjana, to zin bibip kizin patoronjana kan zigan zin peeze kan timap ma tilup zin be tipombol Yesu ka sua be tipuni ma imeete. ²To tipo i, mi tikami ma tila tiuri la Pilatus namaana. Pa ni gabana ki Rom.

^j 26:64 Mbo 110:1; Dan 7:13; Mt 24:30 ^k 26:65 Jgo 14:14; Mt 9:3; Yo 10:33

^l 26:66 Wkp 24:16; Yo 19:7 ^m 26:68 Yesa 50:6, 53:5 ⁿ 26:75 Mt 26:34

Yudas ikeene ngureene

(*Ŋgo 1:18-19*)

³Yudas ta iur Yesu ila ka koi bizin naman na, ileŋ kembei sua imbol kek be tipun Yesu ma imeete, to leleene ipata kat pa mbulu ta ikam na. Tana ikam pat kini mozooroŋan tomoota laamuru, mi ila be ipimiili pizin bibip kizin patoronŋana kan mi zin peeze kan. Ila ipet kizin, to iso:^o ⁴“Is, pat tiom tis! Nio aŋkam sanaana biibi kat. Pa tomtom ta le uunu sa isaana som, ta aŋsegeedi ma aŋuri sorok ima nomoyom ma iŋgi be imeete i.” Mi zin tipekkel kwoono ma tiso: “Ina nu koron ku. Niam koron tiam som.”

⁵To Yudas iswiiri pat tina isu keren uunu ta Urum Merere leleene, mi iyooto ma ila, mi ikeene ngureene ma imeete. ⁶Zin bibip kizin patoronŋana kan tiyogeege pat tana, to tiso: “Pat tiŋgi, iŋgi kembei siŋ ki tomtom ka kadoono. Tana irao be tuur sula pelpee ki Urum Merere pepe. Kokena tomolo tutu.” ⁷Tiso sua pa ma tiyok raraate, to tikam pat tina mi tiŋgiimi toono pakaana kizin wal ta tiurpewe kuuru na. Mi tiso lele ti ko imbot pizin wal ta Yuda somŋan i be titwi zin meeteŋan kizin isula. ⁸Uunu tina ta tipaata lele tana zaana be “Toono ki siŋ”. Mi zaana tina, tiwatwaata men ma imar indeeŋe koozi.

⁹⁻¹⁰Tabe sua ki Anutu kwoono Yeremia iur ŋonoono. Sua ta kembei:

Pat silba tomoota laamuru ta zin Israel tiur ma iwe kembei tomtom taŋgi kadoono, ina tikam ma tiŋgiimi toono pakaana kizin wal ta tiurpewe kuuru na. Tito sua ta Merere iur pio na.^p

Tipamender Yesu su Pilatus kereene uunu

(*Mk 15:2-5; Lu 23:3-5; Yo 18:33-38*)

¹¹To tikam Yesu ma tila tipamenderi su gabana ki Rom kereene uunu. Mi ni iwi i. Iso: “Parei, nu tana, ta king kizin Yuda?” Yesu ipekkel kwoono ma iso: “Sua ta so na.”

¹²To zin bibip kizin patoronŋana kan ziŋan zin peeze kan timaŋga mi tiŋgal sua pini. Mi ni ipekkel kaŋan som.^q ¹³Tana Pilatus iso pini ta kembei: “Nu leŋ zin som? Zin timbel sua ŋgaŋana pu.” ¹⁴Mi sua ta tiŋgalŋgal pini na, Yesu ipekkel sa som. Imaane men. Tabe Pilatus ikam ŋgar boozo.

Pilatus iyok be tipun Yesu ma imeete

(*Mk 15:6-15; Lu 23:13-25; Yo 18:39-19:16*)

¹⁵Lupŋana biibi tana iso iwedet, na gabana ki Rom ikamam mbulu ta kembei: Ni iwi zin iwal biibi pa zin wal ta timbotmbot lela ruumu sanaana leleene na. Beso lenen pa kizin tasa, to izemi ma iyooto sorok.

^o 27:3 Mt 26:14+ ^p 27:9-10 Sek 11:12+ ^q 27:12 Yesa 53:7

¹⁶Mi indeenje mazwaana tina na, tomtom sananjana ta, zaana Barabas, ni imbotmbot lela ruumu sanaana. Ni uruunu irao karkari lup. ¹⁷Tana iwal timar tilup zin, to Pilatus iwi zin. Iso: “Tomtom ingoi ta niom leleyom be anzemi ma ima. Barabas, som Yesu ta tipaati be Mesia na?” ¹⁸Pa Pilatus, ni iute: Zin bibip kizin Yuda matan mburmbur pa Yesu, tanata tikami ma imar kini.^r

¹⁹Pilatus imbutultul ise sua urpejana muriini ma imbotmbot, mi kusini ikam sua ma imar. Iso: “Tomtom ndeejajana tina, mbuuli pepe. Pa mberji nio anmiu pini, ta ikam ma koozi lelej ipata kat.”

²⁰Mi zin bibip kizin patoronjana kan zijan zin peeze kan tikuru zin iwal lenen, tana tiwi Pilatus be izem Barabas ma iyooto, mi ipun Yesu ma imeete. ²¹Tabe Pilatus iwi zin mini ma iso: “Wal ru ta timbotmbot i, niom leleyom be anzem asij ma ima?” Mi zin tipekel kwoono ma tiso: “Barabas!”

²²To iwi zin mini ma iso: “Mi parei pa Yesu ta tipaati be Mesia na? Ko ankam parei pini?” Mi zin ta boozomen tikor kwon ma tiso: “Puni sala ke pambaaranjana!” ²³Tabe Pilatus iwi zin mini. Iso: “Mi ni ikam so mbulu sananjana i?” Mi zin kezen keke la pini ma tiso: “Puni sala ke pambaaranjana!”

²⁴To Pilatus ire kembei sua kini irao som, mi rimen to malmal isu. Tabe ikam yok sula mbooro ma inguuru namaana ila wal matan, mi iso pizin ta kembei: “Tomtom tingi, sombe imeete, na nio lej uunu sa som. Ina niom uunu tiom.”^s

²⁵Mi iwal biibi tilup kwon ma tiso: “Ambai. Sij kini ka kadoono ise tiam mi lutuyam bizin tomini!”^t

²⁶Tona Pilatus izem Barabas ma iyooto. Mi Yesu na, ikami mi iuri ila zin malmal kan naman ma tibalisi, to tikami ma tila be tipuni sala ke pambaaranjana.

Malmal kan tipejeu Yesu

(Mk 15:16-20; Yo 19:2-3)

²⁷To zin malmal kan ki Rom tikam Yesu ma tilela gabana ki Rom ruumu kini leleene. Mi tiboobo waen bizin pakan ma timar mi zijan tiliu Yesu. ²⁸To tikinke mburu kini ma isu, mi tikam mburu sijisijana mi tipiri sala gwaana. ²⁹Mi tikam wooro matanmatanjanana, mi tital ma tiur sala uteene. Mi tiur teene ila namaana woono ma iwe kembei ta tete. To tingun kumbun mbukuunu pini mi tipejeu i. Tiso: “Aa, king kizin Yuda, niam ampakuru!” ³⁰To tipureskaali, mi tikam teene ma tirourou sala uteene.” ³¹Tipejeu i makinj, to tikinke mburu sijisijana ma isu, mi

^r 27:18 Yo 11:47+, 12:19 ^s 27:24 Lo 21:6+; Mt 27:4 ^t 27:25 Mt 23:35; Ijgo 5:28

^u 27:30 Yesa 50:6

tiur itunu mburu kini ila niini mini. To tikami ma tila be tipuni sala ke pambaaraṇana.

Tipun Yesu sala ke pambaaraṇana
(*Mk 15:21-32; Lu 23:26-43; Yo 19:17-27*)

³² Tiyooto pa ruumu ki gabana, mi tiwwa ma tila pa zaala na, tise ki tomtom ta ki Kairini. Zaana Simon. To zin malmal kan tiyasasaari be ikwaara ke pambaaraṇana ki Yesu. ³³ Tila ma tipet lele ta zaana ‘Golgata’. (Golgata ka uunu ta kembei: ‘Lele ki tomtom uteene putuunu.’) ³⁴ Tona tikam baen ma titooro raama koronj pakpakṇana be Yesu iwin. Mi ni itoombo ten na, leleene pa som.’

³⁵ To tipuni sala ke pambaaraṇana. Mi tikam mburu kini ma tisombe tiparrai pizin. Tana tikam mbulu ta be tire so tomtom tabe ikam so mburu i.^w ³⁶ Tirai mburu makin, to mbulen isu ma timbotmbot, mi timboro i. ³⁷ Mi uunu kini ta imeete pa i na, tibeede ka sua sotaaraṇana ise koronj pakaana mi tipakap la ke pambaaraṇana kini. Imbot kor pa uteene. Sua sotaaraṇana ta kembei: “Ingi Yesu, king kizin Yuda.” ³⁸ Mi tipun tomtom kuumbuṇan ru tomen ila ke pambaaraṇana. Ta imbot la ki namaana woono, mi toro imbot ila ki ṇas.^x

³⁹ Zin wal ta tilala ma timarmar mi tire sala pini na, uten suksuk sala pini, mi tigibgiibi sua repiiliṇana pini ma tiso.^y ⁴⁰ “Ywee, kam kosa kusa tau. Nu sombe reege Urum Merere ma isu lene, to pamender mini pa aigule tel tau! Mburom so kamke itum kek! Sombe nu Anutu Lutuunu ṇonoono, na su pa ke pambaaraṇana ku tina.”^z ⁴¹ Mi zin bibip kizin patoronṇana kan ziṇan zin ṇgarṇan ki tutu mi zin peeze kan tomini tirepiili i ma tiso: ⁴² “Ni imbot be iuluulu zin wal pakan. Mi parei ta irao be iulu itunu som? Tomtom tingi iso ni king kizin Israel. Ambai. Kozo tombot mi tere i ten. Sombe izem ke pambaaraṇana ma isu, nako tuurla kini.”^a ⁴³ Mi iso ni Anutu Lutuunu, mi iurla kat kini. Tana tombot mi tere ten. Ko Anutu leleene pini, mi ikamke i ma isu, som som?”^b ⁴⁴ Mi tomtom kuumbuṇan ru ta tipun zin raami na, ziru tomini tipasomi, mi tiso sua raraate men.

Yesu imeete
(*Mk 15:33-41; Lu 23:44-49; Yo 19:28-30*)

⁴⁵ Zonj mataana ikam kembei aigule palakuutu, to zonj mataana imeete mi zugut biibi izuk toono tana ma imap ma imbot irao zonj mataana ikam tel. ⁴⁶ To Yesu iboobo ma kalṇaana biibi. Iso: “Eli, Eli lama sabaktani?” Sua tina ka uunu ta kembei:

^v 27:34 Mbo 69:21 ^w 27:35 Mbo 22:18 ^x 27:38 Yesa 53:12 ^y 27:39 Mbo 22:7, 109:25
^z 27:40 Mt 26:61; Yo 2:19 ^a 27:42 Yo 1:49, 12:13 ^b 27:43 Mbo 22:8

Anutu tio, Anutu tio, parei ta nu pizil ndemem pio?^c 47Tomtom pakan ta timbotmbot koloujana na, tileŋ sua kini tana, to tiso: “Aa, kelen. Inga iboobo Anutu kwoono Ilia.” 48To tomtom kizin ta, ni iloondo ma ila ikam koron ta izenzen yok na, ma itizik sula baen pakpakjana, mi ipo la ke molo. To isara sala ki Yesu be isemsem.^d 49Mi tomtom pakan tiso: “Tombot mi tere i ten. Ko Ilia imar ma ikamke i ma ingi.”

50To Yesu iyak ma kaljaana biibi, mi izem itunu mi imeete. 51Indeeŋe tana, kawaala biibi ta imbot lela Urum Merere leleene na, rek sala kor mi tun sula meleebe. Mi yenyeenŋe biibi itok toono ma pat bibip timapalpaala.^e 52Mi Anutu wal kini potomjan boozomen ta timeete ma tila kek na, naala kwon ikaaga, mi burup ma timanga mi matan iyaara mini. 53Mi tizem naala kizin, mi tila tiwwa ma indeeŋe ta Yesu imanga mini pa naala, to tilela kar biibi Yerusalem, mi tomtom boozo tire zin.

54Beso zin malmal kan zigan biibi kizin ta timborro Yesu na, tire yenyeenŋe tana mi mbulu boozomen ta iwedet, na timoto kan mi tiso: “Ŋonoono kat, tomtom ti, ni Anutu Lutuunu.”

55Mi zin moori pakan ta zigan Yesu timbot Galilea mi timar, mi timbesmbeeze pini na, zin timbot molo mi tire lala pini. 56Zin moori tina, kizin ru zan ta Maria, ta ki kar Magdala, mi Maria toro ta Yosep ma Yems nan i. Mi Zebedi kusiini igaaba zin tomini.

Titwi Yesu

(Mk 15:42-47; Lu 23:50-56; Yo 19:38-42)

57-58Timbotmbot ma rou, to tomtom mbio uunu ta, zaana Yosep. Ni kar kini Arimatea. Mi ni nangan ki Yesu tomini. Ila ki Pilatus mi iwi i pa Yesu putuunu be ikam ma ila mi itwi i. Tana Pilatus iso pizin menderjan kini ma tila tikam Yesu putuunu ma isu mi tikam la kini. 59Tona Yosep ikami ma izuki pa kawaala ngeezenana, 60mi iuri lela naala kini popojana ta tiurpe lela ran sumbuunu na. To ipatimbil pat biibi ta ma ila isekaala naala kwoono pa. Iposop uraata makin, to izem naala tana mi ila.^f 61Mi Maria ta Magdala i ziru Maria toro, timbutultul ma timbotmbot, mi tire lala pa naala.

Zin menderjan timenderkaala naala ki Yesu

62Aigule tabe tiparanran koron pa aigule potomjana na imap, to aigule potomjana ipet. To zin bibip kizin patoronjana kan zigan zin tutu kan tila ki Pilatus mi tiso pini. Tiso: 63“Biibi, niam motoyam ingalngal sua ki tomtom pakaamjana tana. Indeeŋe ni imbot mataana iyaryaara

^c 27:46 Mbo 22:1 ^d 27:48 Mbo 69:21 ^e 27:51 Kam 26:31+; Ibr 6:19+, 10:19+

^f 27:60 Yesa 53:9

men na, iso ta kembei: ‘Nio ko aŋmeete, mi so koŋ mbeŋ iwe tel pa, to aŋmaŋga mini.’ ⁶⁴Tana ur sua pizin menderŋan ku be timenderkaala naala kini mi timboro kat ma irao ka mbeŋ tel imap. Kokena nanŋaŋ kini tila tikem putuunu ma tila tiur la lele toro, mi tipakaam ma tiso Anutu ipei i ma burup ma imanga mini. To pakaamŋana kizin tana ko ilip pa pakaamŋana mataana kana.”

⁶⁵Tana Pilatus iso pizin ta kembei: “Zin menderŋan timbotmbot a. Mi niom ituyom kala mi kuur zin be timenderkaala naala kwoono mi matan pa.” ⁶⁶Tana tizem Pilatus, mi tila ma tipokaala naala kwoono ma tuŋ kat, mi tiur zin menderŋan be timboro.

Yesu burup ma imanga pa naala
(*Mk 16:1-10; Lu 24:1-12; Yo 20:1-10*)

28 ¹Aigule potomŋana kizin tabe keten su pa i, imap ma ilae, mi aigule mataana kana ipet, to mbeŋbeŋŋana mi Maria ki Magdala ziru Maria toro tila be tilou naala. ²Molo som na, yenyeenge biibi kat itok toono, mi aŋela ki Anutu ta imbot saamba mi isu mi ipatimbil pat ma ilae pa naala kwoono. To mbuleene isala ma imbotmbot. ³Aŋela tina kuliini iyaara kembei ta lolo niini, mi mburu kini ikokou kat. ⁴Tana zin menderŋan tina tire i na, motoŋana biibi ikam zin mi timeete katkat ma tisu tikenne.

⁵To aŋela tina iso pa moori ru tana ma iso: “Komoto pepe! Nio aŋute: Niomru kamar be kuru Yesu ta tipuni ma imeete sala ke pambaaraŋana na. ⁶Mi ni imbotmbot ti mini som. Imanga kek, kembei ta muŋgu itunu iso na. Kamar ma kere muriini ta ikeene pa na.” ⁷To loŋa kala ma kosotaara zin nanŋaŋ kini ta kembei. Koso: ‘Ni burup ma imanga mini pa naala kek. Mi ko imuŋgu ma ila Galilea be izza yom. Kala kepet kini, to ko kere i. Sua ta aŋso yom na.”^h

⁸Tabe moori ru tina menmeen zin kat, mi tamen timoto tomini. To karau men mi tizem naala, mi tiloondo ma tila be tisotaara zin nanŋaŋ kini. ⁹Tiloondo ma tila mi molo som na, Yesu itunu ipet kizin mi iso: “O niomru, aigule ambaiŋana!” Tona ziru tila titop su kereene uunu mi titeege kumbuunu mi tipakuri. ¹⁰Mi Yesu iso pizin mini ma iso: “Komoto pepe! Kala mi koso pa tiziŋ bizin be tila Galilea, to tire yo.”ⁱ

¹¹Tana moori ru tina tiwwa pa zaala ma tila, mi zin menderŋan pakan ta timborro naala na, zin tomini tila pa Yerusalem be tisotaara zin bibip kizin patoronŋana kan pa mbulu ta ipet pizin su naala uunu na. ¹²To zin bibip kizin patoronŋana kan ziŋan zin peeze kan tilup zin, mi timbuk sua be tikam zin menderŋan tina len pat biibi beken a tipakaala kwon pa. Kokena tiso sua tiŋgi ma ila irao iwal. Tiso pizin ta kembei: ¹³“Kala na,

§ 28:6 Mt 12:40, 16:21 ^h 28:7 Mt 26:32 ⁱ 28:10 Ibr 2:11

keswe sua ti pepe. Koso ta kembei: ‘Niam amkeenemeete pa mberj, mi zin nanganj kini timar ma tikem putuunu ma tila len.’^j ¹⁴Mi sombe gabana ki Rom ilej koronj ti uruunu, na niam ko amurpe ngar kini mi amso niom leyom uunu sa som.” ¹⁵Tana zin malmal kan tikam pat tina mi tila, to tikam kembei ta zin bibip tiso pizin na. Tanata zin Yuda tiwidit mbol tingi ma imar indeenje koozi.

Yesu ipet kizin nanganj kini

(Mk 16:14-18; Lu 24:36-49; Yo 20:19-23; Ijgo 1:6-8)

¹⁶To nanganj kini laamuru mi ta tito Yesu kaljaana, mi tila Galilea ma tilup zin sala lele mbukuunu ta ma timbotmbot.^k ¹⁷Beso tire i na, tilek kumbun pini mi tipakuri. Tamen tomtom kizin pakan lelen iwe ru. ¹⁸To Yesu ikonjuru zin ma ila, mi iso: “Koronj ta boozomen ta imbot saamba mi toono na, Anutu iur ma imap imbot la nio koponj mbarmaana kek.^l ¹⁹Tana kala ma karao pa lele ta boozomen mi kakam wal ta boozomen ma tiwe nanganj tio. Kakam yok pizin mi kapaata Tamaana, Lutuunu mi Bubunana Potomjana zan ise kizin.^m ²⁰Mi sua boozomen ta anjur piom na, kapaute zin pa be tikis mi tito. Mi kelej. Nio ko anjbotmbot raama yom totomen, mi anjboro yom ma irao toono swoono.”ⁿ

^j 28:13 Mt 27:64 ^k 28:16 Mt 26:32 ^l 28:18 Dan 7:14; Yo 13:3; Ep 1:20+

^m 28:19 Mk 16:15+; Ijgo 1:8, 8:15+ ⁿ 28:20 Yo 14:23